




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5077/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5077/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5077/A




Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5077/A

F. IX. 6

17

5077/A

5076



10 f. 7^{me}

P.L.H.

Editeur

Place Palais de Justice

3772


55.E.13

23740

Handwritten signature or initials, possibly "A.B."

*Felbet
Paris 09*

Science 165



LA
VEROLLE
RECOGNEVE,
COMBATVE ET ABBATVE
sans fuer, & sans tenir chambre,
avec tous les accidens.

Le tout selon l'ancienne & moderne Medecine.

Où est adiousté l'Antidotaire venerien, dans lequel
sont contenus plusieurs medicamens, preparez
chimiquement, pour la parfaicte curation
de ceste Maladie.

Par DAVID DE PLANIS CAMPY, Edelphe
Chirurgien Galenic & Spageric.

Dedié
A Monsieur HEROARD, Conseiller
& premier Medecin du Roy.



A PARIS,
chez NICOLAS BOVRDIN, au bas de la rue de
la Harpe, à l'Eschiquier, près la Barbe d'or.

M. D C. XXIII.

Avec privilege du Roy.

Biette 83





A MONSIEVR

MONSIEVR HEROARD,
Seigneur de Vaugrigneuse,
Cōseiller du Roy en ses Con-
seils d'Estat & Priuè : & pre-
mier Medecin de sa Majesté.

MON SIEVR,
à l'exemple des anciens,
ie viens appendre (non
au Temple d'Apollon, mais aux pieds
d'Apollon mesme) une experience
singuliere, & une singularité veri-
table : l'intelligence de laquelle ne m'a
esté plustost despartie du Tout-puissāt,
que i'ay esté épris d'un louable zele de
la communiquer au public, sous le fa-
uorable & inuiolable appuy de vostre

A ij

nom. Et ce de tant plus affectionne-
ment, que ie voy, que non seulement
la France, mais le chef d'icelle, le plus
grand Roy qui oncques porta Sceptre,
vous honnore pour l'excellence d'un
sçauoir qui vous fait cesser d'estre hō-
me en vous diuinisant: faisant que les
humains accablez sous le faix des infir-
mittez iournalieres, ne se precipitent au
sepulchre auant le temps. Ceste grāde
subtilité incredible de preuoir, cognoi-
stre, & iuger des maladies avec certi-
tude; ceste incomparable promptitude
& heureuse experience des remedes;
ceste inexplicable fidelité, facilité, hu-
manité, diligence, & tout cela accom-
pagné d'un fauorable bon-heur (tel
qu'Hippocrate le desire, prise, & louē)
se retrouvant tout à la fois en vous,
veritablement font que c'est à vostre
autel, Diuin Apollon, que ie dedie le
fruiēt de mon labeur & experience,
pour en rapporter le profit aux pauvres

languissants: ce sont aussi les causes
finales & les buts de mes volon-
tez. Non pas que ie n'aye esté mille
fois irresolu en la resolution que i'auois
prise de le vous dedier; en esgard à la
grandeur de vostre merite, & à la
bassesse du present. Mais m'estât laissé
vaincre à la gloutõne ardeur du desir
d'aider au recouurement de la santé
des humains, de laquelle vous estes le
Dieu tutelaire, i'ay creu que l'ineffa-
ble doctrine d'Apollo excuseroit le de-
faut de ma muse: pesant plustost la
sincerité de cœur de celuy qui presente
que la valeur du present. Receuez-le
donc, MONSIEVR, d'un œil favora-
ble, & quãd & quãd pour conseruer ce
qui est à vous, veuillez opposer l'au-
thorité que vous estes iustement
acquise par vostre rare & inestima-
ble vertu, contre la pointe des langues
mesdisantes, de plusieurs qui ne sça-

A ij

uent edifier qu'en ruinant le bastiment
d'autrui, lesquels voyans les para-
lles que ie tire en ce lieu des deux
doctrines d'Hypocrates & Para-
celse, contraires seulement en paro-
les, mais conformes en essence, &
tres-necessaires pour la perfection de
la Medecine, sans passer outre en
l'exacte recherche de la verité d'i-
ceux, comme aussi des termes qui les
construisent, tascheront de sapper mes
veritables principes pour en tirer des
consequences boiteuses. Mais si ap-
puyé de la faueur de vostre incōpara-
ble doctrine, vraye & fidelle tutrice
de la sacrée Medecine, ie desieray
des critiques tous les traicts de
leur enuie. Et voyant ce labeur fa-
uorablement receu de tous, pour auoir
receu le iour sous vostre authorité,
cela me donnera un tel contente-
ment que ie redoubleray toutes mes

plus zelées affections pour estre
 veu & recogneu tout le reste de ma
 vie.

Monsieur.

Vostre tres-humble, &
 affectionné seruiteur,
 CAMPI, Chirurg.

A iij



Le Liure aux Lecteurs.

SIXAIN.

E Sprits auides du sçauoir,
Je vous supplie de vouloir
Promettre, auant que de me lire,
Qu'aucune sorte d'interest,
Ne vous fera donner arrest,
Au moins, qu'à la fin de mon dire.

Quatrain, pour les Censeurs.

LE reprendre est aysé, mais le mieux
difficile,
Et tousiours le Censeur tiët quelque passion,
Mais tout considéré, qu'ils mordent file à
file,
Ferme ie paroistray de bonne intention.



P R E F A C E.

HERMES Trimegiste, trois fois grand, entrant en contemplation sur l'excellence & dignité de l'homme, l'appelle animal plein de divinité, messager des Dieux, Seigneur des choses inferieures, & familier des superieures. Et Pitagore l'appelle mesure de toutes choses: Synesius, orizō des choses corporelles & incorporelles. Zoroaster par admiratiō le publie par tout effort & miracle de la nature. Platō, merueille des merueilles: Aristote, Animal polytique, plein de raison & de conseil, qui est tout, ayant tout par puissance: Pline, ioüet de la nature, tableau de l'univers, abbrege du grand monde. Bref il est honoré de ce beau tiltre de Gouverneur universel, qui tient toutes les creatures sous son Empire, à qui tout obeyt, & pour qui tout l'univers est créé. C'est en somme le chef d'œuvre de Dieu, & le plus noble de tous les animaux. Mais c'est homme oubliant son origine, s'auilist en la dignité & excellence, que toute l'Antiquité à de-

Preface.

cretté à son aduantage: ie ne diray pas seulement les sages anciens, mais l'ancien des sages Dieu Eternel, quand il dit. Faisons l'homme à nostre image & semblance: ô plus qu'impie, sacrilege, & brutal, de prophaner l'ouurage du Tres-haut! de souiller & pollüer son image, de rompre & briser son cachet, malediction sur nous si nous ne nous amendons. Malheur, mais grand malheur! On voit toutes sortes de personnes de qu'elle qualité ou condition qu'ils soient, addonnez au vice, suiure l'inrespect; voire les nobles, se rendre tellement bas de cœur qu'ils se comblent tout a fait d'iniquitez. Mais quoy nous esbahirons nous si nostre corps lasche & enerué, courât à bride abbatuë apres les sensualitez humaines, degenerate si facilement de ceste noblesse illustrée seulement des parens mortels; puis qu'il ose bien faire banqueroute à sa partie superieure l'ame, forme du tout celeste & diuine, qui seule l'annoblit d'une noblesse si excellëte, qu'il est quasi fait semblable aux Anges? Ouy, il n'y a sorte d'inrespect à la bien-seance Chrestienne, qui ne soit obserué maintenant en ce siecle de praué: tant de blasphemmes, tant d'yurogneries, tant de desbauches, tant de paillardises, que ie m'estonne comme Dieu nous veut soustenir, tant le vice à cours en ceste deplorable & miserable Monarchie! Tant de paillardises infames, paillardises spirituelles, Helas! bon Dieu qu'il y en a; Ayés pitié de vos creatures Seigneur,

Preface.

& nous faictes la grace de fidellement traicter en ce lieu, des remedes receus de vostre misericordieuse bonté, pour les infelicitéz, calamitez, & miseres que la paillardise corporelle nous apporte. I'y voy vne infinité de personnes subiectes, de tous âges, sexes, & qualitez; & notamment de nos Gentilshommes, lesquels la plus part, pauures effeminez courent à la lubricité (*sicut equus & mulus*) d'où ils rapportent la plus part de mauuaises bribes, & puis il faut suer: voila les galands que l'on frotte, voila la potion de gayac en vſage, le poil qui tombe ſouuent de crainte; ayans esté estrillez & frottez, il leur reſte quelque reliqua du poison de l'argent viſ, à cauſe de ſon humidité veneneuſe: car combien que la ſeule & ſpeciale guerison de ce mal conſiſte aux Mercurés (entre lesquels le vulgaire eſt le plus familier & contient en ſoy tous les autres,) ſi eſt-ce pourtant que c'eſt vn venin qui tue au lieu de guerir, ſ'il n'eſt bien & diligemment appreſté; que ſ'il ne le faiſt promptement, il le faiſt avec le temps, & laiſſe toujours ſes veſtiges & marques empreintes au corps de celuy qui vne fois en à eſté frotté, lesquelles ſe font bien reſſentir, toutesfois aux vns plus, aux autres moins, ſelon que ceux qui en ont eſtez frottez ſont forts & puisſants, & de nature plus chaude & ſeiche pour luy reſiſter.

Sortis de là, voila ces effrenez à retourner à leur lubricité (puis nouveau peché nou-

Preface

uelle penitence) & puis defluxions froides qui tombent sur les membres, des horloges dans la teste. Voila la verolle qui corrompt le sang, la moüelle, & puis les parties solides, & plus de remede: saignées, purgations, diettes, decoctions, ventouses, cautheres, regimes, tout cela en vain. O commiseration de la stupidité des hommes de ce siecle! vous en voyez de l'âge de seize ans accommoder de la sorte (principalement parmy la noblesse) & quelle honte est-ce d'estre né noble, & d'estre vicieux & sale? (*virtus nobilitat.*)

L'entends sonner souuent à mes oreilles, ô s'il y auoit vn homme qui eut le sçauoir de guerir parfaitement de la verolle qu'il gagneroit des montagnes d'or & d'argent, ouy, car l'on iroit plus librement à la lubricité: car aujourd'huy que le monde est constitué au colme d'abomination, l'on craint plus le mal en sa chair qu'en son ame; Dieu & la vertu sont mesprizez. Paillards, aussi Dieu vous a donné des Medecins, Apothicaires, & Chirurgiens, qui vous accommodent selon que vous le meritez. Mais allés prescher cela à nos gentils-hommes, à nos François libertins? ô c'est vn resueur, vn nyais, vn grossier qui n'a l'esprit de frequenter les honnestes compagnies, vn timide, ignorant l'entregent du monde: ainsi aujourd'huy establisent-ils le vice pour la vertu & entr'eux, *peccat qui recte facit.* Si faudra-il rendre compte vn iour, & cependant paillards vous en

Preface

porterez la peine en ce monde, & peut estre en l'autre si vous n'amendez vostre vie.

Cependant ayant eu la licence de l'Eternel tout bon (qui est tardif à reprendre, & ne se haste point au chastiment, attendant tousiours les pecheurs à repentence) ie vous donne passeuré & vray remede contre ce mal in fame & deshoneste, voire sans suer & sans tenir chambre: ie l'ay faict & le fais tous les iours. Ce remede est confirmé par plusieurs experiences que les effects salutaires d'iceluy font paroistre en la curation de ceste maladie par l'administration de ce seul remede. Que si les effects ne reüssissent selon mon intention, & en la confirmation de mes promesses, mes haineux auroient occasion legitime de le descrier cōme inutile, forgé dans la perilleuse boutique de la nouveauté, ainsi qu'ils disent. Mais en cecy c'est vouloir cōbattre Hercule, faire paroistre le clair iour vne obscure nuit, & nous embarrasser dans le Dedale de leurs opinions frivoles, fantasques & Chymeriques, fondées seulement sur ce mot, cela ne se peut, que s'il se pouoit, les Autheurs ne l'eussent pas ignoré, & nous en serions demeurez generalement les possesseurs. En quoy ils me semblent n'auoir aucun reste de bon sens: car ce n'est pas vn argument suffisant pour reprobuer vn remede, dire qu'on ne le cognoit point: il est plus facile à nous qui l'auons experimenté, de croire & dire qu'il est certain & profitable, qu'il n'est à ceux qui ne l'ont

Preface

point approuué, ny experimenté, parce
qu'ils n'en eurent oncques cognoissance de
prouuer qu'il est inutile: d'ailleurs nos Me-
decins anciens ont assez faict, quand ils ont
inuenté les remedes, mais ils n'en sont pas
venus à l'entiere perfection, laissant à leurs
successeurs le reste de la polisseure de leur
ouurage: & à la verité aussi, les sciences n'ont
esté inuentées & paracheuées en mesme
temps, ny par mesmes Auteurs. Mais dira
quelqu'un (qui aura vieilly sur les bouquins,
& peut estre faict ouurir plus d'une fois le
Cymetiere pour receuoir ceux, qui par l'ay-
de du Mercure mal administré, seroiēt allés
porter le rameau doré à Proserpine) à qu'el-
le raison deffendez vous si exactement l'v-
sage du Mercure crud, aux vnguens & aux
emplastres, puis que tous ceux qui ont trai-
cté de ceste maladie s'accordent en l'vsage
d'iceluy? Pour à quoy respondre ie dis, que
si ton pere a esté larron tu ne dois estre meur-
trier, à Dieu ne plaise: cest pourquoy ie de-
fends l'vsage de ce pernicieux, & c'est pour
plusieurs raisons. Et premierement, d'autant
que par sa grande froideur il excite au corps
doubles accidets, lesquels en amènent cha-
cun plusieurs autres. Le premier est, que la
substance du corps qui est grasse & oleagi-
neuse avec autre matiere congelable, est re-
ferrée & congelée dedās le corps, d'où plu-
sieurs obstructions aduiennent aux pores
& conduits du foye, de la ratte & des poul-
mons, lesquelles apres engendrent des fieb

Preface

ures erratiques, la jaunisse, difficile respiration, & autres maladies non accoustumées: & outre ce la chair & le sang sont tellement refroidis, qu'il est impossible qu'ils retournent à leur pristin estat: d'où aduient que nature se voulant descharger du sang & des matieres putrefiées, les enuoye sur les poulmons, qui communement se trouuent les parties les plus foibles, & les plus propres à receuoir, c'est pourquoy ils en deuiennent tabides, & se fait vne phrise qui desseiche tout le corps. Ou bien ces defluxions excitent des inflammations esdictes parties, ou si elles sont renuoyées aux parties esloignées, elles y sont cause de diuerses enfleures qui sont tres-difficiles à guerir, lesquelles sont accompagnées de douleurs fort grandes. Ce mesme vice du sang prouenant de la froidure du Mercure, faict quelquefois tomber le corps en mauuaise habitude, engendrant l'hydropisie Ypposarque; & plusieurs autres accidents qui seroient longs à rapporter en ce lieu: bien que ie ne passeray sous silence qu'il cause la phrenesie, la nephretique extraordinaire & accidentelle: cause aussi un flux menstrual, blanc, desordonné, aux femmes, & le tout par le refroidissement du sang, causé par la froideur du Mercure.

En second lieu, l'argent vif offence par sa grande froideur les parties les plus exanguës de nostre corps, sçauoir les nerfs, les ligaments, les tendons, les os, & toutes les membranes lesquelles en sont affligées

Preface.

& en ressentent des douleurs fort grandes tout ainsi que font les extremittez quand elles sont exposées à vn froid vehement; d'où resultēt les tremblemēts des membres, foiblesse des ioinctures, palpitation de cœur, &c. D'auātage, cōme ce mauuais hoste à penetré le corps par la subtilité de ses parties, la nature ne s'accordant pas bien avec luy, tasche par tous moyens à le chasser, & c'est pour lors qu'il monte à la teste dans le sacré donjon de l'ame, où il refroidit le cerueau, & subtilise tellement les humeurs qui y sont, que voulant sortir, il les ameine toutes avec luy, & les resoult; & de là le flux de bouche arriue quelquefois avec telle vehemence, que le malade est en peril de suffoquer, ou de tomber aux autres accidents déduits cy deuant. Et combien que nature soit assez forte & puissante pour s'en deffaire, il est de telle nature qu'il ne s'en va iamais sans laisser ses marques imprimées en la teste, lesquelles sont souuent cause de grandes douleurs. Que s'il penetre aux entrailles, il suscite des flux de ventre extraordinaires, avec euacuation de sang: ce qu'il ne faict sans grandes & extremes douleurs, voire telles qu'aucuns par leur moyen en sont morts. Surquoy ie m'esbahys de la grande stupidité & ignorance de plusieurs, qui tiennent pour tres-assuré qu'un verolé ne peut entierement guerir, s'il n'a eue le flux de bouche, ou de ventre: en quoy ils faillent tres-lourdement, considéré ce que dessus.

Preface

dessus. La mesme faute cōmettent-ils aux grâdes diertes, car par ce moyen ils eschauffent tellement le sang, que le plus souuent ils degenerent à vne pernicieuse ladrerie. Reste à dire que par sa grande humidité, il corrompt & pourrit les parties par lesquelles il passe, spécialement la bouche, & toutes les parties d'icelle. Et finalement le Mercure par sa faculté laxatiue, affoiblit & debilité toutes les vertus & puissances du corps humain. Et puis ne sera-il pas necessaire d'euitier ce dangereux medicament? que dis-je medicament, les Grecs ne l'ont point voulu recognoistre pour tel, ains seulement pour venin & poison : & Galien mesme confesse n'en auoir iamais vsé en medecine. Mais quelqu'un dira, qu'on void neantmoins par experience, que l'argent vif est la guerison non seulement de la verolle, mais aussi amollit les durtez des enflures, dissipe les grosses humeurs, & guerit les vlceres malins ; par quoy son vsage ne doit tant estre reprouné. A quoy ie responds, qu'il est vray qu'il semble les guerir, & par effect amollit les durtez par la grande humidité & subtilité de ses parties : mais celuy qui en guerissant vn mal, en fait & excite vn autre plus grand que celuy qu'il a guerry, est mauuais Medecin. Or puis qu'ainsi est que l'office d'un bon Medecin Chirurgien est de guerir seurement, soudainement & sans fascherie ny desplaisir, ne vaudroit-il pas mieux supporter vn vlcere à vn bras,

Preface.

iambe, ou autre partie, qu'en la pensant guerir exciter vn tremblement de membres, ou vne Paralisie, vne surdité, ou vertigo fort facheux, ou bien vn auenglement, ou Epilepsie, ou mortelle Apoplexie? Car le Mercure mal appresté ameine souuent au corps tous ces accidents s'il n'y est bien pourueu. Je remarque dauantage vn tres-grand erreur en l'usage d'iceluy pour la guerison de la verolle; Car ceux qui ont recherché plus diligemment la cause de la verolle, y ont recogneu de la contagion, laquelle gaste & infecte tout le corps si on ne la reprime. Or toute l'escolle de Medecine enseigne de defendre exactement le cœur, ensemble les autres parties aux maladies contagieuses, afin de chasser l'infection loing d'elles, & hors du corps: Galien mesmes enseigne par tout tres-curieusement, qu'il faut auoir le soing de conseruer les parties nobles comme estant celles desquelles depend la vie & ses actions. Toutesfois on faict tout au contraire en la guerison de la verolle, qui se faict par l'vnction avec l'argent vif crud; car on frotte les emunctoires & les extremittez, avec portion de l'espine, de façon que le venin avec toutes les mauuaises humeurs corrompuës, est poussé des parties externes aux internes, & par ce moyen gaste, perd, & destruit toute l'œconomie naturelle, faisant endurer beaucoup de maux auant mourir: A quoy cooperer l'ignorance de ceux qui l'administrent

Preface.

indeuëment. Viue Dieu, les Magistrats, à mon opinion, sont aueugles de permettre qu'un chacun s'ingere impunement de traicter ceste maladie, car c'est iusques aux Cordonniers, Sauetiers, Lauandieres, à qui s'en meslera le plus: les payfans & les bouuiers y sont de grands Maistres, il n'y a point de malades de verolle que pour ces gens là: & Dieu sçait que de miracles. Ceste methode de graisser avec le vif-argent, & de donner à boire de decoction de gayac est si commune, que tout le monde s'en mesle: Barbiers, Appoticaire, Medecins, Charlatans, à faux poids, à fausse mesure: tant de maladies prinſes pour la verolle, & curées comme telle, qui ne le furent iamais, quelle misere! & puis on veut porter le tiltre de Chirurgien: reprouuez Dieu vous punira.

Ce que dessus meurement consideré, ie vous coniure tous qui estes atteints de ceste deplorable maladie, pour qui i'ay dressé ce petit traicté, d'auoir recours (recherchant guerison à vostre mal) à un docte personnage; & ne permettre iamais d'estre graissés de vif-argent. Que si quelque Chirurgien vous vouloit faire entendre qu'il n'en mesle point en ses vnguens, pour l'esprouuer, frottez en vne bague d'O'r, & pour lors vous verrez s'il ya de la tromperie ou non. Soyez tres-cupides de conseruer ceste riante deesse la santé, laquelle est si precieuse, que sans elle la vie ne peut auoir ny grace,

ã ij

Preface.

ny saueur : la volupté, la sagesse, la science, & la vertu se ternissent & s'esuanoüissent sans la santé ; tellement qu'elle merite qu'on y employe la peine, le temps, les biens, voire qu'on hazarde la vie à sa poursuite. Que si par vos intemperances, par vos passions desreglées & desmesurées, par vos yrogneries & gourmandises, par vos luxures, paillardises, & sales concupiscences de la chair, vous estes forclos & priuez de cetant excellent don de santé ; pour vostre guerison ayez à tout le moins recours à quelque main des Dieux, non pas à ces meurtriers, à ces maistres aliborons, qui tuent le corps & la bourse ; & notamment pour la verolle, car le vif-argent, dequoy ils se seruent tous, est tres-pernicieux, ainsi que nous auons dict ; tant pour la grande froidure, grande humidité, subtilité de ses parties, que par la grande euacuation qu'il excite. Mais si on changeoit ses qualitez, on pourroit receuoir le bien qu'il fait sans en ressentir aucun mal. Car puis qu'il est propre & apte de sa nature à changer de forme, il le peut aussi de qualité, combien que non proprement : car les qualitez qu'il prend en changeant sa forme apparente, ne sont pas accidentales, mais elles sont manifestées, au lieu qu'elles estoient comme cachées. Car il est tres-vray qu'il est exterieurement froid, mais interieurement chaud. La vraye preparation d'icelluy se verra cy apres, en la suite de ce liure, lequel liure, ie ne doute

Preface.

nullement, attendu la nouveauté du cas
que i'y traicte, qu'arriuant au public, il ne
coure hazard d'estre calomnié & outragé,
auant qu'estre bien recogneu; & ce par vn
tas de personnes qui ne sont nais que pour
reprendre. Lesquels ie prie de ne reietter
temerairement mon opinion, sans au preal-
lable auoir considéré si ie parle avec raisons
probables, & experience tres-certaine. Sur-
quoy quelques vns trouueront estrange
que i'aye diuulgué ce secret, & allegueront,
peut estre, que les Egyptiens (qui ont esté,
au rapport de quelques vns, les premiers
inuenteurs de la Medecine) pour ne profa-
ner vn si saint & sacré don de Dieu, n'es-
criuoient leurs remedes qu'en lettres Hie-
roglyphiques: à quoy ie responds, qu'un
bien tant plus il est commun, tant meilleur
est il, & que les Medecins Grecs venoient
vne fois l'année escrire à la veüe de tout le
peuple, en ce tant renommé Temple d'Es-
culape qui estoit dressé en Epidauure, pour ce
qu'ils auoient obserué de plus rare en leurs
malades. D'ailleurs, peut estre, s'offencera
quelqu'un, de ce que quelquesfois & icy &
ailleurs, ie m'attaque à l'ignorance pour la
condemner, & aux malheurs qui en arri-
uent. Mais ils n'auront autre responce de
moy, que celle d'Aristote, Platon, dict-il,
m'est amy & Socrate aussi, mais la verité
m'est encore plus amye. I'auray bien plus
affaire à contenter ceux là qui nes'arrestent
qu'à la mignardise des mots, & à la fluidité

ã iij

Preface.

des periodes : car sans doute ils y trouue-
ront vne infinité de mots rudes , qui ne son-
neront pas bien à leurs par trop delicattes
oreilles. Mais s'ils ne veulent auoir esgard
qu'il s'agist icy de la curation des maladies,
ainsi que i'ay dit ailleurs, & non de bien po-
lir le discours ; ie leur respondray avec tous
les Sages, que ceste trop curieuse recherche
de belles phrases , est indigne d'un homme
sçauant scrutateur de la nature, & que ie me
suis seulement contenté en ce lieu , de faire
entendre mon dessein. Pour le regard de
tous ces enuieux malicieux , qui ne cessent
de clabauder apres moy , & ne sçauoient
me mordre : qu'ils sçachent que c'est peu
de reprendre , mais que c'est beaucoup de
mieux faire. Je croy que tous les gens d'hon-
neur auront agreable ce mien petit labeur :
aussi est-ce à ceux qui separez du vulgaire
ont quelque sentiment de la medecine Chy-
mique , que ie remets le iugement d'iceluy,
& à qui i'en vouë les fructs, s'ils y en sça-
uent recueillir.

Loüé soit Dieu.




TABLE
DES CHAPITRES
CONTENVS EN CESTE
presente œuvre.



Où sont causées les maladies qui arriuent au corps humain. chap. 1. pag. 1.
De la cause efficiente interne de la grosse verolle. chap. 2. pag. 11.
De la cause externe de la verolle, ensemble du temps qu'elle a apparu en sa plus grande vigueur & force. chap. 3. pag. 25.
De la definition de la grosse verolle. chap. 4. pag. 37.
Des differences, signes, & prognostic de la grosse verolle. ch. 5 pag. 50.
La vraye, entiere, & parfaicte curation de la verolle. chap. 6. pag. 66.
Des accidens qui precedent ou suivent la verolle; avec leur curation. chap. à iiij

TABLE DES CHAP.

7.	pag. 84.
<i>Preparation des medicamens preparez chimiquement, promis au ch. de la curation de la Verolle. chap. 8.</i>	
pag.	96.

FIN.

TABLE DES MEDICAMENS preparez chimiquement, propres pour la curation de la Verolle, contenus en l'Antidotaire Venerien.

H Vile de Gaïac tres-admirable aux vlceres veroliques.	pag. 116.
Huile d'Argent-vif, ou Baume de Mercure.	pag. 117.
Façon de traiter la Verolle avec l'Arfenic prepare.	pag. 118.
Deux façons non communes de faire fuer les verollez.	pag. 120. & 121.
Huile pour les chancres & fistules veroliques.	pag. 121.
Vnguent pour toutes sortes d'vlceres veroliques	pag. 122.
Eau tres-singuliere pour la chaude-	

T A B L E.

pise	pag. 123.
Autre eau contre la Gonorrhée foetide & virulente	pag. 124.
Precipité du Mercure de Venus pour la Gonorrhée	pag. 125.
Quint-essence de Mercure admirable à la maladie venerienne	pag. 127.
Pilules de Mercure avec lesquelles on guerit parfaictement la Verolle: dites pilules de precipité Philosophique	pag. 128.
Or de vie, admirable aux verolles inueterées	pag. 130.
Façon de medicamenter les corps robustes atteints de la verolle inueterée	pag. 131.
Autre façon tres-seure & admirable, ou l'on remarque vne methode tres-secrete del' Autheur à guerir d'icelle maladie: ensemble la preparation des medicamens desquels il se sert à cest effect: Comme le <i>Diasolis Stibiaty</i> , la decoction vsuelle & son bain: comme aussi son Baume <i>Diarranarum</i> : & finalement son estuue tres-secrete	pag. 133. 134. 135. 137. 138.
Description non commune del'vnguent de Mercure	pag. 139.

TABLE.

La preparation du suc d'Elebore	pag. 141.
Preparation des pilules de vie, incomparables pour la Verolle	pag. 142.
Autres pilules dictes de la Trinité: & en suite des pilules de l'Aigle tres-souueraines à la maladie Venerienne	pag. 143.
Tablettes Stybiees, admirables pour la Verolle: & en suite deux façons non communes de preparer vn huile d'Antimoine tres-singulier pour ceste maladie	pag. 144. 145.
Façon de purger les corps delicats sans rien prendre par la bouche	pag. 145.
<i>Laudanum Mercurij</i> : & en suite le Turbith Mineral	pag. 146.
Mercure precipité, fixe & adoucy, & ce par vne façon non commune	pag. 147.
Precipité souuerain remede contre toutes maladies prouenant de pourritures d'humeurs.	pag. 149.
Hyacinte Anthimoniée	pag. 150.
Façon de traicter la Verolle par le Magistere de <i>Primula ueris</i>	pag. 154.
Sel des viperes, ensemble deux quint-	

TABLE.

essences viperines d'indicibles ver-
tus, pour ceste maladie. pag. 156.
157. & 158.

2. Vrayes preparations du Mercure
pour en vser assurement, & interieu-
rement & exterieurement, sans au-
cun danger. pag. 159. & 161.

Liqueur du Mercure admirable pour
mesler aux vnguens & emplastres.
pag. 162.

Huile diaphoretique de Mercu. p. 163.

Poudre de Mercure fixe & diaphore-
tique. pag. 163.

Astre de vin, admirable pour la verol-
le. pag. 166.

Laudanum pour toutes douleurs des
gouttes prouenant de la verolle.
pag. 168.

Odontalgique incōparable. pag. 170.

Poudre grise de Souphre anticontra-
ctrice des nerfs. pag. 171.

Sublimé doux, Cathartique & Dia-
phoretique: & en suite la prepara-
tion des pillules de la violette. pag.
172. 173. 174.

3. Preparations non communes des
fleurs d'Antimoine blanches. pag.
175. 176. 177.

TABLE.

Teinture du Sel de Tartre pour chasser les reliquats de la verolle. p. 180.
 Precipité de Cinabre Diaphoretique, & Cathartique. pag. 181.
 Precipité tres-excellent de Mercure, sur tous ceux qu'on sçauroit desirer, & notamment pour la verolle. p. 182.

F I N.

CATHALOGVE DES AV.
theurs citez en ceste presente œuvre.

A	D.
Aëce.	Dieu Eternel.
Arnaud de Ville-neu- fue.	Dioscoride.
Aristote.	Du Verdier.
Auicenne.	E.
Æginette.	Euchyontis.
Actuarius.	F.
Angelus Sala.	Fernel.
Augier Ferrier.	Fracastorius.
Artmanus.	Forestus.
Aloisius Mundella.	G.
Andreas Baccius.	Galien.
Albertus Magnus.	Guidon.
B.	Georgius Bertinus.
Brassauolus.	Geber.
Bauderon.	H.
Beguin.	Hermes.
C.	Hippocrate.
Cardan.	I.
Capiuacius.	Iulius Palmarius.
Chrisippus.	Ioubert.
Consiliator.	L.
Crolius.	M.
	Myrepfus.

Matheole.

N.

O.

P.

Pitagore.

Platon.

Pline.

Petrus Aponensis.

Platearius.

Petrus Palmarius.

Paré.

Paracelse.

Petrey.

Paul Ioue.

Q.

Quercetan.

R.

Rondelet.

Roch le Baillif.

Rulandy.

S.

Synesium.

T.

V.

Vanocio Biringueccio

Sienois.


Vidus Vidius.


X.

Z.

Zoroaster.

F I N.





Bicthe ^I



LA VEROLLE RECO-
GNVE, COMBATVE, ET
abbatuë, sans fuer & sans
tenir chambre.

*Par David de Planis Campy, Chirurgien
Galenic & Spageric.*

D'où sont causees les maladies qui
arriuent au corps humain.

CHAP. I.



OVT ainsi que la santé
est vne constitution de
la partie du corps hu-
main selon nature, con-
sistant en vne iuste con-
stitution naturelle des trois principes,
Sel, Souphre & Mercure, par ainsi la
maladie est vne disposition de la partie
contre nature, procedee du recule-

Que c'est
que santé.

Que c'est
que mala-
die.

A.

ment ou diminution des principes de l'estat naturel, d'où vient que l'action de la partie est necessairement blesee; & c'est lors que l'un des principess' esleue: Ce qui a fait dire à Hypocrates expressement, que les maladies arriuoient par l'esleuation des principes.

Il arriue au corps autāt de maladies qu'il y a de moyens par lesquels les substances deprauent. Le Mercure se recule de sa naturelle constitutiō en trois facons.
1. Est double, pneumosa & cremosa.

Doncques il y aura autant de maladies qu'il y aura des moyens par lesquels les principes se reculent de leur estre naturel. Or le Mercure se peut reculer de sa naturelle constitution par trois moyens, à sçauoir par la distillation, sublimation, & precipitatiō.

La distillation est seiche ou humide: Celle-là arriue lors que la forme de la vapeur cause maladie dite, pneumosa, & toutes les especes qui se rapportent sous icelle: comme est inflation, quand quelque partie du corps endure du mal par ventosité, ou bien de la douleur par quelque vent enfermé ou qui souffle.

Quelles maladies se rapportent au pneumosa.

Icy se rapportent toutes sortes de demes venteux, escroüelles, bruits, trachees, colique venteuse, enfleure de ventricule, l'hydropisie tympani-

combattuë & abbattuë. 3

tes, tention, punction, douleur qui sē-
ble percer de costé en autre, glandules
bronchocele, & autres semblables.

Celle-cy est dite Cremosa, qui se faict *Quelles an
Cremosa,*
lors que le Mercure estant resoult en
liqueur, blesse les parties nerueuses: de
là vient plusieurs especes de maladies
qui se rapportent sous icelle: Comme
l'Apoplexie, l'Epilepsie, Paralytie, Te-
tanos, Emprostetanos, Opisthoto-
nos, tremblemēt de cœur, incube, spas-
me, tenesme, sanglot; lequel mouue-
ment de ventricule est conuulsif.

La maladie qui vient du Mercure *2. Ditte
Stagma,*
sublimé, est appellé Stagma: laquelle
comprend sous soy toutes les mala-
dies qui piquent les membranes auec-
que ferueur, comme sont la Manie, *quel'es ma-
ladies sont
comprises
sous elle,*
Phrenesie, veilles, Syncopes, Migrai-
nes, Peste, Cephalea, Cephalgæa, Phti-
sis, ou Ethiques, ayant le poulmon vl-
ceré, pleuresie, apostemes sanguins,
rougeurs auec mal, antrachs, bubons
pestilentiels & semblables. Or il est à
noter en ce lieu, que le Mercure estāt
sublimé par le sel reuerberé, faict la ve-
rolle, ainsi que nous dirons cy-apres
en son lieu, parlant des causes de la ve-

4 *De la verolle recognuë*

rolle, & non seulement la verolle,
mais toutes sortes de roigne, galle,
prurit & lepre.

3 Dite Ar-
thritis, &
quelles ma-
ladies s'y
rappoient. La maladie du Mercure precipité
est dite Arthritis, ou se rapportent
toutes les maladies qui blessent les ex-
tremitez des os & ligamens, comme
chiragre, podagre, gonagre, sciatique,
l'appetit canin, bref toutes sortes d'ar-
thritis, & toutes les maladies qui ont
affinité avec elles.

Le souphre
se depraue
aussi par 3
moyens.

1. Est dite
Coma.

Quelles
maladies
s'y rappor-
tent.

2. Est dite
Cauma.

Le souphre se recule aussi de sa con-
stitution naturelle par trois moyens,
sçauoir par resolution, inflammation &
coagulation. La maladie du souphre
coagulés s'appelle Coma ou assoupis-
sement, qui blesse seulement les parties
du cerueau, & qui par son tournoye-
ment comprend toutes les maladies
sommiferes, comme sont Coma, Ca-
taphora, Caros, Myopia, enuie de dor-
mir à Midy, Nictalopia, enuie de dor-
mir la nuict, Lethargia, Vertigo, ou
tournoyement de teste & semblables.

La maladie de souphre enflame, est
dite Cauma, n'estant autre chose qu'un
embrasement ou inflammation de sou-
phre en tout le corps, ou bien en vne

combattue & abbattue. 5

certaine partie: Icy se rapportent toutes fièvres, tant continuës qu'intermittentes, putrides, non putrides, petechides, lypirides, thyphodes, asthodes, elodes, ephiala, la fièvre Cardiaque, Coliquative, syncopale, hæmithritea, hætica, marasmus, ophtalmia, phlegmone, erysipelas, feu persic, sueur angloise, prunella, gangrena, mal-mort, epil吉斯ma.

Quelles
maladies
s'y rapportent.

La maladie du souphre resoud, est vn deluge de la resolution de souphre des parties du corps humain, comme la dissenterie blanche ou rouge, diarrhee ou lienterie, diabete, colere, vomissement & toutes les non naturelles excretions.

Quelles
maladies

Quelles
maladies

3. Et
quelles
maladies
y sont
comprises.

Finalement le sel s'esloigne de son estre naturel, ainsi que les autres, aussi par trois moyens, sçavoir par dissolution, calcination, & reuerberation. Or la maladie du sel calciné est le tartre, contenant en son entour toutes sortes de calculs, en quelque partie du corps qu'ils s'engendrent: Comme l'areine vsnea au ventricule, la pierre leuanthæus, magnetinus, dulech, tubelech, nephritis ou grauiier des reins, le gra-

Le sel aussi
bien que
les 2 premiers,
s'esloigne de
son estre
naturel par
3. moyens.

1. Est dite
tartre, &
les maladies
qui y sont
comprises.

6 *La verolle recogneuë*

uier de la vesse, le tartre des hypocondres causant melancholie hypocondriaque, le tartre coagulé au mesentere, les Tophes engendrees aux iointures, par l'Arthritis, & autres semblables.

2. Est dite
œdema.

Quelles
maladies
s'y rappor-
tent.

La maladie du Sel resoult s'appelle œdema, & est vne escroissance d'une partie ou de tout le corps, ou bien vne grandeur faite outre nature du Sel, qui s'est resoult en liqueur. Icy se rapportent les especes d'hydropisie, sçauoir l'Eucophlegmatia, Anasarca, seu Hypofarca, & Ascites: l'hydropisie apportee du ventre de la mere, l'hydropisie pulmonique, l'hydropisie capitale, diabetes, cachexia, qui est vne dissolution du Sel par tout le corps, & qui est continuë, Ficus ou eslevation, Phydracia, Helicedria, & tous autres œdemes mols.

. Et quel-
es mala-
diess'y rap-
portent.

La maladie du Sel reuerberé est vne defœdatiō du cuir ou se rapporte la verolle, lepre, Scorbute, Elephantiasis, demangaisons, gratelles, & toutes sortes de rōgne, ainsi que nous auons dit cy-dessus: Or il faut icy noter qu'un principe ne s'altère iamais de

luy seul, mais seulement quand quel-
qu'un de ses compagnons sont alte-
rez & corrompus : car il est certain
que le Mercure ne se precipite pas de
foy, ains par le moyen du Sel resoult:
exemple, les materiaux desquels l'eau
forte est tiree sont sels: or si ces sels n'e-
stoient resoults, ils ne precipiteroient
iamais le mercure metalic: Le mesme
en est-il du souphre, qui ne s'enfla-
meroit iamais sans le mercure subli-
mé: ny le mercure ne se sublimeroit
point sans le sel reuerberé. Or comme
cecy se doit entendre (afin de ny com-
mettre de l'erreur) i'en traicteray tres-
amplement, & tres-clairement en ma
grande Chirurgie Chymique Medi-
calle, bien que i'en traicte comme en
passant en ma petite, neantmoins pour
plus d'elucidation, i'en traicteray suffi-
samment en icelle, parce que de la
vraye cognoissance de ces choses de-
pend la parfaite curation des maladies:
Le semblable feray-ie des maladies
qui sont excitees par forte imagina-
tion, & celles par incantation, ensem-
ble d'esprit ou maniaques, comme
aussi de celles qui sont faites par la va-

Vn princi-
pe ne s'al-
tere iamais
de foy.

Promesse
del'Au-
teur.

Plusieurs
autres ma-
ladies cau-
sees par au-
tre moyen
que par la
deprauatio
des princi-
pes.

A iiii

Faute irre-
parable aux
peseurs des
verollez, en
ce temps.

Nota.

L'Autheur
non ingrat.

peur des metaux, comme en ceux qui les fouillent, ou qui les fondent: la plus part desquelles s'exercent sur les ioinctures, sur les os, sur les dens, & sur les poulmons: comme le plus souuent nous voyons arriuer aux malades verollez, qui ont esté frottez de vifargent: Grosse & lourde faute de n'auoir peu, sceu, ou voulu excogiter d'autres remedes plus doux, benins & salutaires: pour les pauures! affligez de la verolle. Miserable siecle! pourueu qu'on en aye avec force babil, & à peine guerit-on vn petit mal de dents. Il est tresvray, ie n'ay iamais veu guerir vn mal de dents par ces Messieurs, & s'il faut achepter des maisons aux champs de huit à dix mil escus, des maisons de quatre à six mille escus en ville, le ferez vous? Ouy, nous le ferons fort librement, respondes: & d'où auez vous tiré cet argent? L'exemple du charnier de saint Innocent à Paris: miracle le Ciel & la terre s'ouurent. Or afin de n'encourir le vice d'ingrat, touchant les benefices receus de Dieu, voicy, que ie donne aux pauures malades (affligez de ses tourmens des damnez) vn

combattue & abbattue. 9

remede que i'ay plusieurs fois prati-
qué avec heureux succez : Dieu le
ſçait, la gloire à luy, & rien pour nous.
I'en produirois icy plus de trois cents
teſmoins, de ceux qui ont eſté gueris
de ce mal, ou de ſes accidents, par mon
remede : mais ie ne ſcandalife perſon-
ne. Souuenez-vous ſeulement (mau-
uais Chirurgiens) que tandis que vous
ferez quint-eſſenſier les hommes, les
graiſſant & emplaſtrant avec voſtre
viſ-argent, vous n'en viendrez iamais à
bout : Semblablement de vos diettes
auſteres, car au lieu de corroborer &
fortifier la nature, pour combattre le
mal vous l'affoibliffez : Ouy, mais di-
rez-vous : c'eſt pour diſſiper & ſup-
primer le mal : & comment cela ? la na-
ture s'en nourriſt : ô lourde & imper-
tinentte raiſon : vn quidam ſe qualifiant
maître Chirurgien, & qui s'en faiſt
bien à croire, (mais ce n'eſt qu'un che-
tif apprentif) me paya vn iour de ceſte
monnoye : ignorant au vingt-quatre
carrats, la nature ſe nourriſt-elle d'une
choſe qui luy eſt contraire ? C'eſt pour-
quoy tant de recidiues, dans vn mois
ou deux qu'ils ont eſté traictez en ce-

L'Autheur
n'eſt point
ſcâdaleux.

Conſidera-
tion tres-
vtille.

Impertinẽ-
te raiſon.

Nota. 6.

L'Autheur
mesprise
les ignorā
& les blas-
me.

La Medeci-
ne moder-
ne differer
de l'ancien.
ne en paro-
les & non
en essence.

ste façon, & ce d'autant que la nature venant à se reffociller & remettre, recommence le combat contre la maladie, arresté par l'affoiblissement que la grande & austere diette luy auoit causé: Vn regime non guere esloigné de sa premiere façon de viure suffit: leur administrant les remedes que charitablement nous vous communiquons en ce lieu: Non pas à vostre consideration: sang-suës, ignorants, aussi à grand peine les comprendrez-vous, tant vostre esprit est lourd, & tant aymez à tirer l'escu pour le denier. Tout cecy se deuoit dire en ce lieu, pour plusieurs raisons lesquelles ie me reserue, & que peut-estre quelques-vns comprendront assez facilement. Et quand à ce que i'ay commencé mon traicté de la verolle, par vn chapitre des causes generalles des maladies, ç'a esté afin de donner à entendre plus facilement au lecteur, la cause de la verolle: car ayant quelque introduction aux termes de ceste Theorie, (qui en apparence semble differer à l'Hippocratique, mais ce n'est qu'en paroles seulement, ainsi que nous fe-

rons veoir en suite de nostre discours, & ailleurs, en nos autres oeuvres, Dieu aydant) il vienne à fauourer avec plus de goust, les termes desquels nous vsurons, pour demonstrier la veritable & irreuocable cause de ceste malediction de Dieu, sur les paillards, la verolle. Au seul Dieu pere, Fils & S. Esprit, soit honneur & gloire, es siecles des siecles eternellement Amen.

DE LA CAUSE EFFICIENTE interne de la grosse verolle.

CHAP. II.

CESTE pernicieuse maladie, appellée communément verolle, se fait, selon Paracelse, par la sublimation du Mercure à la chaleur, d'autant que pour la vehemence d'icelle, le souphre, & le sel ne peuuent demeurer: sur quoy le Mercure s'attenuant penetre à la chair & aux os, comme la sueur au trauers des porres, & estant reduit au cuir fait la maladie venerienne. Et il dict vray: car si nous prenons garde que ce

Paracel. in li. 2. para-mir. cap. 4. de gener. morbi Gallici.

Nota.

qu'on tasche à faire venir la saluation: (neantmoins quelques-vns mal à propos) n'est qu'un benefice de la pituite, qui conuient au Mercure, à cause de sa froideur & humidité: D'ailleurs ceste maladie attaque les nerfs, l'épine medulle, le cerueau & autres parties froides, où elle cause des grâds accidēs: voire & pareils à ceux du Mercure mal administré. Ce qui tesmoigne aussi sa qualité

Hipp. Aph.
xviij. du 5.
liure.

froide & humide: car selon Hippocrate, le froid, ou choses froides, est ennemy aux os, aux nerfs, aux dents, au cerueau, à la moëlle. Or il faut noter

La sublimation du
Mercure au
corps, cō-
me elle se
faict.

que ceste sublimation de Mercure se faict (ainsi que dict Paracelse) par l'Acrimonie du Sel & sa corrosion, lors qu'il est séparé par reuerberation: car alors il ne peut empescher de putrefaction, ou tend tousiours ceste maladie, comme veneneuse. A laquelle se rapportent aussi la lepre, le Scorbute, l'Elephantiasis, & toute autre maladie causée de putrefaction, ainsi que nous auōs dict au Chap. i. parlant des causes des

Putrefactiō
au corps,
comme elle
se faict.

maladies en general. Or toute putrefaction se faict au Sel séparé ou reuerberé, & Mercure sublimé, & c'est de-

quoy toutes les maladies susdites s'en ensuiuent, & notamment la verolle.

Or quelques-vns me pourroient re- Obiection.
prendre en ce lieu, de ce que ie ne suy pas l'opinion des autheurs qui en ont escrit. Tous lesquels tiennent ceste maladie auoir apparu en l'an 1493. en ceste furieuse guerre de Naples, que Charles VIII. Roy de France menoit contre Alphonse. A quoy ie res- Responce.
ponds, qu'il y a difference du temps qu'elle a apparu en sa vigueur & force, d'auec les substances deprauees par ceste maudite maladie. Car ie ne parle pas icy du temps qu'elle a apparu, le reseruant au chapitre suiuant: mais seulement de sa cause efficiente interne.

C'est pourquoy ie constituë ceste maladie du Mercure sublimé & Sel reuerberé; termes incognus à plusieurs, & qui feront peut estre croire à quelques- vns, que ie desire me priuer de l'opinion des Galenistes, & faire vne secte à part. Mais il faut qu'ils sçachent que ie ne fay rien contre les Galenistes, ny desire faire, mon desir, ne tendant qu'au mariage de ces deux grands personnages en la Medecine, Hippocrate & Pa-
Mercur
sublimé &
sel reuerbe-
ré, cause in-
terne de la
verolle.
Louable
dessein de
l'Autheur.

celle, ainsi qu'on verra en ma grande Chirurgie Chimique Medicale; où ie donne la diffinition, causes, differences, signes, pronostic, & curation de toutes les maladies qui peuuent arriuer au corps humain: le tout selon les fondemens Hippocratiques, & en second lieu selon les Paracelsiques. Le semblable, ie fay en mon liure de l'Hydre Morbifique exterminée, montrant par ce moyen, que ses deux Autheurs ne sont nullement contraires qu'en paroles seulement. Ce que bien sceu donnera vn plus facile moyen à la curation des maladies ayant la certainté de leur cause. Ce qui abolira par mesme moyen le ridicule fondement de la coniecturabilité de la Medecine; car icelle estant de la creation de Dieu, ses regles sont tres-certaines: par ce que Dieu & la nature ne font rien en vain: vn argument rendra ceste verité tres-intelligible. La Medecine & Chirurgie sont Arts. L'Art est faiët de preceptes vrayz & vtils. Les preceptes ont esté establies par le moyen de plusieurs apprehensions, ou comprehensions, qui sont tousiours vrayes: car autre-

La vraye
cognois-
sance des
maladies
facilitét
leur cure.

La conie-
cturabilité
de la me-
decine re-
prouuée.

ment ce ne sont plus comprehensions,
mais resueries. Tous preceptes ten-
dent en vne meſmes fin, toute fin con-
tient verité, dont la Medecine & Chi-
rurgie ſont vrayes, certaines & vtils.

Voila pourquoy Gal. diſt que tout Art *Gal. l. de*
doit eſtre eſtimé de ſa fin: Or la Mede- *optima ſe-*
cine n'eſt dite eſtre vraye qu'à cauſe de *ſa ad tra-*
ſa fin, qui eſt la reduction de nature en *ſibul.*
ſon entier: partant la Medecine ne peut
eſtre que vraye. C'eſt pourquoy Celſe
dit, que la Medecine coniecturante eſt
fauſſe.

Or pour monſtrer euidentement que
lors que ie diſ, la verolle eſtre faite par
la ſublimation du Mercure, ie ne fay
rien contre l'oppinion des Galeniſtes;
Il faut noter qu'ils diſt, que la cauſe de
la verolle eſt vne vapeur maligne, ve-
neneuſe & pernicieuſe, accompagnée
d'un virus humide & gluant, laquelle
n'offeſce pas ſeulement les parties qu'elle
touche premierement, mais le ſang
& les eſprits, la chair & les parties ſol-
ides, notamment les oſſes, cōme auſſi le
cerueau & l'eſpinale medule: Aucun
Galenifte ne nierà que ce ne ſoit la plus
ſaine oppinion d'entr'eux: voyons

Oppinion
des Galeni-
ſtes tou-
chant la
cauſe de
verolle, en-
ſemble ſon
examen
avec ſes pa-
raleles tirez
de la do-
ctrine Her-
merique.

maintenant si nostre oppinion est cō-
 traire à la leur : Ils dient que c'est vne
 vapeur, &c. Il faut noter que ce que
 les Naturalistes appellent vapeur, les
 Alchymistes appellent Mercure, d'au-
 tant que par le Mercure est pris & des-
 gnee l'eau, de laquelle immediate-
 ment deriue la vapeur par le moteur:
 aussi est-il appelé element volatil & li-
 quide. Laquelle Hyppocrate appelle
 insipide, qui est ceste partie en tout
 corps, qui se represēte claire & fluāte cō-
 me eau, laquelle substance Paracelse ap-
 pelle tātost eau, tātost humide, liqueur,
 Mercure, breuuage, amē, phlegme, va-
 peur, rosee, fluide, froideur, pituite : Il
 est dit encore vapeur par les Philoso-
 phes Chymiques; lesquels parlans de
 la generation des metaux, touchant ce
 qui est meu dans les entrailles de la ter-
 re, dient que c'est vne vapeur, que Ge-
 ber appelle Mercure, & de fait on le
 voit enuoler tout a fait en vapeur, lors
 qu'il est mis sur le feu. Ils dient en ou-
 tre qu'elle est maligne, veneneuse &
 pernicieuse, &c. Veritablement c'est
 avec vne grande raison qu'ils luy con-
 stituent ces qualitez, lesquelles en ef-
 fet

*Hippo. in l.
 de vet.
 Medi.
 Paracelse
 appelle le
 Mercure
 par diuers
 noms.*

*Geber en sa
 Somme.*

fet luy sont tres-propres : mais peu de gens les prennent de leur vray biais. Continuons donc nostre intention, & donnons vne atteinte à ces raisons pour veoir si elles sont à nostre fonde- ment. Le Mercure est veneneux, cela ne se peut reuoker en doute, soit ou pris en corps ou bien sublimé : & qui en voudroit douter, seroit combatre l'ex- perience & l'autorité. Auicenne ra- cõte qu'un singe ayant beu de l'argent- vif en mourut, & l'ayant ouuert on trouua du sãg coagulé autour du cœur : ce qui tesmoigne veritablement que c'est vn venin puis qu'il attaque le bou- leuard de la vie. Matheole sur le Com- mentaire de Dioscoride, dit que le vif- argent faict mourir les personnes qui en prendroient par son excessiue froi- deur & humidité : parce, dit-il, qu'il congele le sang & les esprits vitaux de toute la substance du cœur. Cardan raconte qu'un Apoticaire surpris d'une fièvre tres-ardente, auala du vif-argent en lieu d'eau, duquel il mourut en peu d'heure : lequel ayant esté ouuert, on trouua quantité de sang coagulé au- tour du cœur. Vanoccio Biringuccio

*Auicenn.
lib. 2. tract.
2. cap. 47.*

*Matheole
sur le Com.
taire de
Diosc. cap.
28.*

*Cardan. li.
1. de venen.
cap. 20.*

*Le mesme
en dit Pe-
trus Appo-
nenfis
Vanoccio,
au proeme*

du 2. li. de
la Pirotec-
nie.

Æginete l.
5. cap. 6.
Et li. 7.

Rondelet
au traité de
verolle. c. 7.

Siennois Auteur de la Pirotecnie, l'appelle vn tres puissant & mortel venin, à toutes les choses où il passe & se mesle intrisequement. Paul *Æginete*, dit, qu'on ne met gueres en vſage l'argent-vif aux Medecines, parce qu'il est venin. *Rondelet*, parlant de la composition des pilulles de *Barberouſſe*, en son traité de verolle, dit, que l'*Eica-monee* preparee sert de contrepoison au Mercure, donc le Mercure est delectere.

Fernelius l.
de Luce ve-
nerea ca. 7.
Foreſtus li.
8. observa.
5.
Capina. in
lib. de ve-
nen.

Georg. Ber.
l. 3. de Me-
dic. cap. 3.
de ven.

Gal. lib. 5.
simpl. med.
ca. 17.

Fernel en son liure de la verolle, proclame toute la substance du Mercure grandement veneneuse. Et raconte les accidens qu'un *Orpheure* souffrit, pour auoir receu imprudemment la vapeur du Mercure. Le mesme dict *Foreſtus*. *Capiuacius*, recognoist le mesme l'appellant totalement delectaire. *Georg. Bertinus* le colloque entre les plus grands venins. Ce qu'il repete au liure 18. Chap. 14. Et *Calien* le Prince des Medecins, & par la diligence de qui nous tenons tout ce que nous auons de plus rare des escrits d'*Hypocrate*, testifie que l'argent vif en toute sa substance est grandement ennemy de na-

ture. Aëce est son suffragant en ceste opinion, lequel est suiuy de Dioscoride & de Actuar. Plin n'a pas oublié ceste verité, quand il dict qu'en toute son existence, il est venin. Platear. affirme que mis dās les oreilles il occit. Chrysippus de art. metal. parle en ceste façon du Mercure; Comment (dict-il) peut-on accommoder le Mercure à la curation des maladies, puis que cest vn venin mortifere. Aloys. mundella exhorte de n'en vser interieurement ny exterieurement, parce (dict-il) qu'il conste par les choses cy deuant dites, que c'est vn fameux delectaire. Andr. Baccius, assure que l'argent vif, est ennemy de la nature humaine destruisant l'humeur radicale & toute la chaleur natiue: & corrompt tout le temperament du corps humain. Petrus Palmar. dit que le propre nom de l'argent vif est venin. Iulius Palmar. dict que l'argent vif est venin en toutes ses qualités, dissoluant la chaleur natiue, rendant la face difforme & de couleur plombine, & esteignant la chaleur naturelle, cause putrefaction & grande puanteur.

a Que si quelqu'un ne vouloit adiou-

Aëtius Te-
tr. i. sect.

II.
Diosco. l. 5.
c. 110.

Actuar. l.
5. cap. 12.

Plin. li. 33.
cap. 6.

105. Pla-
tear. c. 5. de

simpl. med.
105. Chry-

sippus de
art. metal.

metamor.
Aloys Mũ-

della in an-
not. ad exa.

Brassau-
de simpl.

Andr.
Baccius de

ign. nat. l.
4. c. 2.

Petrus Pal-
mar. li. de

igne nat.
cap. 24.

Iulius Pal-
mar. de

Hydr. ca. 9.

20 *La verolle recogneue,*

ter foy à ce que dessus, qu'il prenne quantité de Sublimé, & pour lors il verra s'il est venin ou non. Je diray de plus

Douleurs
causees par
l'argent-vif
semblables
aux dou-
leurs de la
verolle.

Paré li. des
venins cha.
44.

Histoire.

Alber.

*Magn. de
lap. Philos.
cap. 1.*

*Geber. li. 1.
sum. perf.*

*cap. 15.
Paracelsus
de general.
miner. c. 19.*

que, les excessiues douleurs qu'il cause-
ra, seront conformes aux douleurs de
la verolle, lesquelles sont fort violentes
& extremes, entre toutes les autres
douleurs: voire qui donnent mesmes
vne mort miserable, ainsi que faict le
Sublimé. Paré raconte en son liure des
venins, qu'on en donna à vn certain
cuisinier condamné à la mort, afin d'es-
sayer certaine pierre de Bezohar: Il en-
dura de telles douleurs, qu'il disoit qu'il
eust mieux aymé mourir mille fois à la
potence. J'ay moy mesmes veu vn
Gentil-homme logé à la pomme rou-
ge ruë de Flandres à Lyon, lequel en-
duroit de si intollerables douleurs, pro-
cedentes de la verolle, qu'il appelloit
de rage le Diable à son ayde: disant
qu'il eust mieux aymé mourir sur vne
rouë, qu'endurer la moindre des dou-
leurs qu'il enduroit. Bref ils dient
qu'elle participe d'un Virus humide &
gluant, &c. Albert, Geber, Paracelse,
& tous les Philosophes Chimiques,
dient que la matiere du Mercure n'est

autre chose qu'une humidité visqueuse & gluante, sans mouiller néanmoins les mains, bien que subtile. Ce qui s'apperceoit aussi au virus verollique, lequel penetre au trauers des chairs, & parties solides, en montant tousiours iusques au cerueau, où il exite l'humeur pituiteux à sortir; d'où vient qu'ils ne font que cracher & saluer auant la curation: La mesme chose arriuant lors qu'ils sont frottez de vis-argent. Finalement le Virus verollique offense les parties solides, les ligammens, les nerfs, les membranes & les os. Le semblable fait le vis-argent, lequel cause une infinité de maladies, par ses mauuaises qualitez, car il est tellement ennemy du cerueau, & des parties nerveuses, qu'il laisse apres son usage un refroidissement, avec des catharres, des tremblemens, des douleurs & foiblesses aux nerfs: outre ce, une disposition à l'Appoplexie, & autres accidens deduits si dessus en la peface. Voila la conuenance qu'il y a du virus verollique & de ses effects, avec l'argent-vif & ses effects: lequel est aussi son vray Alexipharmaque. Ouy, mais dira quelqu'un,

Conciliator tract. de venen. cap. 7. Forestus in lib. de venen. Schol. ad obseru. 30. Fernel l. 2. de abd. vidus Vi- dius li. 2. cur. Palmarius ex Auicenne lib. 4. fen. 6. tract. 1. c. 2. Question.

Responce.

vos pararells & Analogies n'ont point de lieu en cecy. Car vous dites la verolle estre faicte de Mercure sublimé, en nostre corps, & icy vous cherchez vos Analogies au Mercure Metalic. A quoy ie responds que la conuenance qu'il y a des Mercures mineraux, avec les animaux, comme aussi aux vegetaux, ma donné occasion d'emprunter le mineral, pour exemple à mon propos: car tout ce qui se peut remarquer en l'un se voit aussi en l'autre. Et pour plus claire intelligence de cecy, ie dis que tous corps sont composés de trois substances Souphre, Sel & Mercure: de la deprauiation desquelles substances sont causées toutes les maladies qui viennent au corps humain, ainsi que nous auons dict au Chap. 1. Or il faut noter que le Mercure ne s'altere iamais de luy seul: mais quand le Sel ou le Souphre sont alterez & corrompus (ainsi que nous auons dict cy dessus, le Mercure se sublimer par le Sel reuerberé) ils engendrent des excremens veneneux que la nature debilitée par excés ne peut expulser: & lors ce Mercure les reçoit dans soy & en est infecté. Puis

Tout corps
cōposé des
3. substāces,
Sel, Sou-
phre &
Mercure:
de la depra-
uiation
desquelles
viennent
toutes les
maladies: &
comment
cela se fait.

apres le portant par tout le corps, il s'en descharge ésparties concaues, où il fait quelque seiour, comme aux jointures, ligamens, artoils, veines, arteres, & és os, iusques à la moüelle: dont s'ensuit griefues & douloureuses maladies, cōme la verolle, &c.

Or d'autant que nostre fondement semble s'esloigner de l'opinion des Galenistes, nous auons voulu monstrier par les Analogies susdits, qu'ils ne sont differens qu'en paroles, & non en l'essence de la chose. Mais quelqu'un repliquera qu'il semble que ie die & vueille conclure, que la maladie venerienne s'engendre dans nos corps par la putrefaction des humeurs, ou deprauation des substāces, ainſi que ie les appelle, ne donnant point de lieu à la contagion & communication exterieure? A quoy ie responds qu'elle se peut manifester par l'un & l'autre moyen. Pour preuue du premier: Ioubert apres la troisieme partie des arquebusades, dict & assure qu'une femme nette peut donner vne chaude-pisce verolique par son accointance: voire & il soustient en suite, qu'aucun peut donner la chaude-pisce à

Pourquoy
l'Autheur
analogisé
les 2. opi-
nions Gale-
niques &
Hermeri-
ques
Obiection.

Responce.

Ioubert au
Probleme
10 apres la
3. part. des
arch.

24 *La verolle recogneue,*

Au Probl.
11.

Comment
la chaude
pise, voire
la verolle se
peut don-
ner a un
tiers, sans
que les 2
premiers
coïtans en
soient at-
teints.

d'autres, pour auoir eu cognoissance
d'une femme apres luy, sans que ladite
femme ou luy s'en ressentent. Il faut
noter qu'il dit, vne femme nette, en-
tendant vne femme, en laquelle on ne
remarque point aucun signes de verol-
le exterieurement : mais elle peut auoir
vne disposition de la cause efficiente
interne, qui est le Mercure depraue.
Lequel Mercure venant à se sublimer
par le moyen du Sel reuerberé, qui peut
estre excité de puissance à effet par la
chaleur qui s'engendre au coït, & s'es-
leuant en vapeur il s'attache aux corps
plus prochain & disposez : ausquels
estât, à cause de son humidité visqueu-
se, il ne delaisse iamais prise sans au
prealable auoir fait paroistre ce qui est
de sa malignité. Et voila pour la cause
efficiente interne. Quant à l'externe
nous en parlerons au Chapitre suiuant,
Dieu aydant, comme aussi au Chapitre
des differences ; Auquel Dieu, Pere,
Fils & S. Esprit, soit rendu tout hon-
neur & gloire, aux siecles des siecles
eternellement Amen.

*De la cause externe de la verolle,
ensemble du temps qu'elle à appa-
ru en sa plus grande vigueur
& force.*

CHAP. III.

IE ne desire pas en ce lieu m'amuser à ceux, qui comme des joueurs de paulme se renuoyent la verolle l'un à l'autre, sçavoir les Neapolitains, & Espagnols aux François, l'appelant mal Franceze; & les François à eux l'appelant mal de Naples. Aussi n'esplucherray-je curieusement les raisons de ceux qui croient qu'elle soit venuë par la constitution ordinaire de quelque Astres: car si elle estoit epidimique, elle auroit eu son cours limité. Bien que ie ne veux pas dire pourtant que les mauvaises influences des Astres ne causent beaucoup de maladies en nostre corps, & ne rendent icelles de difficile curation, & notamment la verolle. Et principalement lors qu'ils influent pendant

Paroles
inutiles re-
ietees de
l'Auteur.

Causes de
verolle, se-
lon les A-
strologues.

Causes de
verolles,
selon les
Theolo-
giens.

Temps que
la verolle
appareut,
selon tous
les Au-
theurs.

vn coït immoderé : comme lors de la
conjonction de Saturne, avec Mars &
Venus, *in Scorpio* ; D'où est venu que
quelques-vns l'ont appelée maladie
Saturnienne. De mesmes ne me roidi-
ray-je pas contre les Theologiens, qui
disent ce fleau venir du Ciel, pour pu-
nition du detestable peché de paillar-
dise : ce que ie confesse ingenuëment
estre tres-veritable : car Dieu pour pu-
nir les humains des paillardises infames
qu'ils commettoient & commettent
ordinairement, a enuoyé ce fleau, &
& ceste punition, de laquelle on n'auoit
ouy parler auparauant : n'estant appa-
ruë avec tous les symptomes & acci-
dens qui ont accoustumé de la suivre,
iusques à present. Bien qu'e le soit
maintenant tellement alterée & chan-
gée que la curation d'icelle est beau-
coup plus facile, qu'elle n'estoit du
temps qu'elle apparent en sa plus gran-
de vigueur. Or tous les Autheurs qui
ont traicté de ceste maladie tiennent,
qu'elle apparust en l'an 1493. au siege
que le Roy Charles VIII. auoit de-
deuant Naples ; auquel y auoit grand
nombre des femmes Indiennes, qui

auoient esté menées & conduites là des Indes par des soldats Espagnols: auquel lieu ceste maladie est Endymique au rapport de plusieurs.

Ce qui fut cause que les soldats, tant François, Alemans, Espagnols, qu'Italiens, allans de çà & de là, se meslerent avec ces femmes Indiennes impudiques & non chastes: avec lesquelles paillardans, ils furent attaquez & saisis de ce mal deplorable. Voila ce que dient, des causes & origine de ceste maladie, tous ceux qui en ont traicté. Surquoy, auant que passer outre, ie desire m'arrester; examinant par le menu si ceste opinion est receuable ou non: afin que par la veritable resolution que i'en feray on: soit certain de l'origine & causes de ceste maladie, sans plus s'amuser & abuser au dire de Thibaut & d'Ancelin. Et pour commencer il est

Examen &
refutation
del'oppi-
nion susdi-
te.

besoin de sçauoir si le temps que Christophle Colomb descouurit les Indes Occidentales, s'accorde au temps que ceste guerre estoit: & si iceluy temps pourroit auoir permis de desbaucher & amener si grande quantité de femmes Indiennes, à vn pays si esloigné

Du Verdier
en ses di
uerſes le-
çons, li. 4.
chap. 30.

premiere
habitation
de l'Eſpa-
gnol aux
Indes.

28

La verollé recogneue

comme Naples l'eſt des Indes. Or il eſt certain que Colomb, au recit de Pierre du Verdier, en ſes diuerſes leçons, n'arriua aux Indes que l'an 1492. l'vnziefme iour de Nouembre : lequel apres auoir fait drefſer quelque fort en l'Iſle de Hayti, qu'il appella port Royal, il y laiſſa trente huit Eſpagnols en garniſon, ſous la charge du Capitaine Roderic d'Armade Cardouë, afin que pendant ſon voyage ils appriſſent le langage & ſecrets de ceſt nation & pays. Et ceſte fut (marque l'historien) la premiere habitation des Eſpagnols aux Indes. Le Chasteau paracheué Colomb print avec ſoy dix hommes Indiens, avec autres curioſitez dudit lieu, & partit (apres auoir prins cōgé de trente huit hōmes ſes compagnons, qu'il laiſſoit au fort, enſemble du Cacique ou Roytelet dudit lieu) Avec deux Carauelles ou eſtoient tous les autres Eſpagnols du voyage, excepté les trente huit ſuſdits. Lequel Colomb arriua & entra en la Cour d'Eſpagne, le troiſieſme d'Auril vn an apres, qui eſtoit l'an 1493. lequel ayant eſté bien receu du Roy ſon maiſtre, le renuoya audites Indes, pour y

faire bastir, les peupler & prouigner de ce qui croissoit en Espagne, comme animaux, vegetaux, bleds, vins, sucres, & autres choses. Et partit ledit Colomb, le 25. de Septembre 1493. lequel estant arriué au port Royal, il trouua les trente huit Espagnols, qui auoient esté tuez par les Indiens. Voila en bref ce qu'en rapporte du Verdier: par les discours duquel on peut colliger, que l'opinion de ceux qui tiennent que ce furent les femmes Indiennes qui donnerent la verolle aux soldats qui paillardoient avec elles, en la guerre qui fut l'an 1493. à Naples, n'est pas receuable. Attendu qu'il est tres-euident, par ce que dessus, qu'aucune femme Indienne ne sortit des Indes en ceste année là: sinon dix hommes Indiens, avec lesquels n'est coniecturable qu'aucune femme Chrestienne, si impie eust elle esté, eust voulu s'accointer charnellemēt. On dira que peut estre que ce pourroit estre aduenü par le moyē des soldats, qui reuindrent avec ledit Colomb: il pourroit ainsi estre. Mais il faut considerer qu'ils vindrent en l'année 1493. Comment auroient ils peu estre au mesmes

2. voy-
ge aux In-
des par Co-
lomb.

La verolle
qui parut à
Naples ne
vint pas des
femmes In-
diennes.

Opinion.

Refutatio.

Les Indiens
ne pouuoient
estre à Na-
ples du tēps
que la ve-
rolle y pa-
rut, mar-
qué par
tous les au-
theurs qui
en escriuent,
& pour
quoy.

Supplica-
tion.

Acquiesce-
ment.

temps, en Espagne & à Naples. Ioint
que le nombre n'estoit suffisant pour
gaster vne si puissante armée, de la ve-
rolle: d'autant qu'ils ne pouuoient estre
en nombre que huitante de retour.

Car l'historien dit que Colomb arma
trois Carauelles (bien que Paul Ioue en
met cinq) à Paly de Maguer; & en icel-
les mit cent vingt hommes, tant Ma-
riniers que Soldats. Ioint qu'il n'est
croyable qu'en si peu de temps ils euf-
sent eu accointance charnelle avec les
femmes Indiennes. De toutes lesquel-
les choses il faut inferer, ou que l'histo-
rien n'est veritable, ou que l'origine de
la verolle n'est venu de la conjunction
des paillardes Indiennes. Mais dira
quelqu'un, puis que vous ne receuez
cette commune opinion du commen-
cement de la verolle, distes nous de
grace, d'où & comment ceste maladie
à prins son origine? A quoy ie condes-
sens tres-volontiers.

Iedis donc; qu'en effect ceste mala-
die parut quasi en sa plus grande vi-
gueur en l'an 1493. selon l'opinion de
Vigo, qui en a tout le premier posé
d'assez bons fondemens: & ce en la

guerre que le Roy Charles VIII. Roy de France, eust contre Ferdinand à Naples: Mais cela n'arriua pas par la con-
iunction de ces femmes Indiennes; cō-
me il appert par ce que dessus: ains plu-
stoit en ceste façon. Les Espaignols
ayans recours à la trahison contre les
François, & pensant les bien greuer,
meslerent du sang de certains ladres
aux vins de Naples; dont nos François
en ayant beu estoient tous gastez: les-
quels puis apres paillardans avec les
fēmes du pays, en laisserent la graine à
ceux qui leur auoient dressé telles em-
busches. Et cecy est vray, d'autant que
nous voyōs la verolle & la lepre, auoir
vne grande conuenance ensemble, en
ce que toutes deux commencent &
prennent leur origine des parties in-
ternes sçauoir du foye, ainsi que nous
auons dit cy-dessus de la verolle, par-
lant du Mercure sublimé. Bien qu'elle
puisse arriuer des causes externes, ainsi
que nous dirons, & ce par contagion
& attouchement d'une personne in-
fectée: ce qui peut arriuer aussi à la
ladrerie. Qui plus est nous voyons la
verolle degenerer facilement en la-

Oppinion
de l'au-
theur tou-
chant la ve-
rolle appa-
ruë à Na-
ples, estan-
connée par
raisons pro-
bables.

La verolle
& la lepre
ont conue-
nance en-
semble.

La verolle
degenere
en ladrerie.

32 *La verolle recogneuë*

Verollea
esté auant
la guerre
de Naples.

Paracel. au
chap. 7. du
1. traicté de
la 2. part. de
sa grande
Chirur.

Le sang des
ladres a don-
né la verol-
le & com-
ment.

drierie : lors principalement qu'elle n'est pas bien guerrie, ou du tout point pensee. Or il faut noter que j'ay dit icy dessus que la verolle parust au temps de ceste guerre de Naples, en sa grande vigueur : car il est vray, que la verolle estoit auparavant, mais elle estoit en son commencement. Ce qu'à tres-bien remarqué Paracelse, disant que la verolle est venuë de la coopulation d'une paillarde Bubonique & d'un lepreux, en l'an 1478. Ce qui arriua que le Sel reuerberé de la semence de ce ladre (& ce par sa chaleur excessiue, tant interne qu'accidentelle par le coït) rencontrant le Mercure corrompu de la semence de ceste Bubonique, le sublima en telle façon, que les enfans qui en sortoient furent verollez. Mais comme c'estoit à peu de personnes, elle n'estoit encore espan- duë par le monde, ainsi qu'elle fut depuis en ceste grande armee, où elle fut semee & introduite par vne mesme cause que dessus : sçauoir par le sang des ladres. Le Sel desquels acheu é de reuerberer par la chaleur du vin, & rencontrant le Mercure corrompu de

ces

ces soldats, qui en beurent (& ce par la mauuaise nourriture de laquelle ils auoient vsé par vn long-temps, ainsi que nous dirons en suite) le sublima tout à fait & causa la verolle. Laquelle se manifesta totalement par le moyen du coït : paillardans par apres avec les femmes impudiques. C'est de là aussi d'où imediatement les causes externes de la verole procedent : car vn homme sain coïtant avec vne femme verollee & sale, le Virus ou ceste mauuaise & contagieuse vapeur, estant en son subiect & vehicule, venant des parties honteuses de la femme, s'insinuë & fourre par les conduits vrinaires, fort ouuerts pour lors & eschauffez, lesquels elle commence à vlcerer, & y engendrer des pustules malignes : lesquelles communiquent leur venin à la masse sanguinaire par les veines cappillaires : & puis par toutes les parties du corps. Elle se peut aussi gagner par le baiser ; pour coucher dans les linceulx ou vn verollé aura couché ; par la succion du lait qu'un enfant fera d'une nourrice verollee, ou par la nourriture d'un sãg infect de ce Virus, lors que l'enfant le

Comme la verolle se communique en coïtant.

Autres moyens par lesquels la verolle se peut gagner.

34 *La verolle recogneuë,*

préd dans le ventre de sa mere infectée de ce venin. Il y a bien de plus qu'un homme bien sain, couchant avec sa femme bien saine : mais qui aura des fleurs blanches, peut prendre la verolle. Je confirmerois cecy par sept ou huit experiences: mais ie ne scandalise personne. Seulement ie diray pour preuue que cela se peut faire, que les fleurs blâches ne sont autre chose, que le Mercure sublimé resoult, par la vapeur humide d'un autre Mercure corrompu, ainsi que nous voyons le sublimé fait du Mercure mineral, se resoudre à l'humidité de l'eau, ou seulement d'une caue. Or nous auons dit cy-deuant au Chap. 2. que la cause interne de la verolle est le Mercure sublimé; qui empeschera donc qu'un homme sain ne se puisse infecter coitant avec une femme qui n'aura autre mal que des fleurs blanches: cela est tres-euident.

Fleurs blâ-
ches que
c'est.

Il y peut auoir encore d'autres causes externes dispositiues de verolle, voire mesmes engendrantes : sçauoir est du vice des alimens. Ce qui pourroit estre arriué en ce temps-là de la guerre de Naples, où les viures estans chers, les

Vice des
alimens
cause de ve-
rolle.

pauures Soldats mangeoient ce qu'ils trouuoient. Voire & quelques-vns ont voulu dire que les viuandiers leur faisoient manger de la chair de corps morts, qu'ils apprestoient bien proprement la nuict en capilotades & fricassées, à ce qu'ils ne fussent de couuers: d'ou vint que la corruption de ces viandes les disposa à la verolle, en la façon cy dessus ditte. Ce qui est probable, en ce qu'aux corps morts le baulme de nature, qui est le Sel est destruiet & anichilé, & par mesme moyen le Souphre qui le contemperoit, ne restant plus que le Mercure. Lequel Mercure corrompu, corrompoit celuy des corps de ces pauures Soldats: lequel venoit à se sublimer par apres, par la siccité du Sel introduite en eux par l'usage du vin: duquel nous auons parlé cy-dessus.

En quoy veritablement est à admirer avec tremblement, la colere du Souuerain contre l'incontinence d'iceux, & de tous les paillards, (desquels il y en a grand & effrené nombre) armant contre eux non seulement les Astres, mais les Elemens, & les hommes mesmes. Laquelle se tiens estre, veritablement,

Impieté
des viuandiers, en la
guerre de
Naples en
l'an 1493.
Nota, B.

La iustice
de Dieu
doit estre
admiree
avec trem-
blement.

Origine de
la verolle
plus appro-
chante de
la verité.

La verolle
est quasi de
tout tēps.
Dieu qui
chastia les
enfans d'Is-
raël, de
mort, au
temps de la
lōy, ne sçay
que pour
s'estre
joincts aux
femmes de
ses enne-
mis, à vou-
lu en ce
temps de la
lōy de gra-
ce, les cha-
stier en lan-
gūeur, afin
qu'ils se re-
cognoissēt
& se con-
uertissent.

la plus vraye & premiere origine de la
verolle: & la plus approchante de la ve-
rité. Car nostre bon Dieu voyant que
les humains courroient à toute bride
apres leurs concupiscences brutales,
permit que ceste tant cruelle, perni-
cieuse & cōtagieuse maladie eut cours
parmy eux; en vengeance & punition
du detestable peché de paillardise:
qu'ils commettoient ordinairement,
sans aucun mors ny bride à leurs ap-
petits & sensualitez desordonnées. Or
si ce n'estoit pour cause de briefueté, ie
feroy voir en ce lieu comme ceste ma-
ladie est plus ancienne que l'on ne la
faict pas: Car il est veritable que quasi
de tout temps le peché de paillardise
est en vogue, & que partant Dieu,
ayant en horreur particulièrement ce
peché, à puni rigoureusement ceux
qui brutallement y estoient adonnez.
Mais ie me contenteray de ce que des-
sus, & faisant fin à ce Chapitre, ie prie-
ray l'auteur de toutes choses qu'il
nous vueille faire la grace de ne l'offen-
cer iamais. Auquel pere, fils & S. Esprit
soit honneur & gloire és siecles des
siecles. Amen.

*De la diffinition de la grosse
Verolle.*

CHAP. IV.

Quelqu'un pourroit alleguer en ce lieu, que ie n'en sui pas le vray ordre des anciens, attendu que ie mets les causes auant la diffinition, qui n'est pas enseigner avec methode, d'autant que tout enseignement se doit faire des choses generales aux speciales. Et non au contraire.

A quoy ie responds, que cest aussi mon intention, ce qu'on pourra iuger facilement, en ce que i'ay traicté generally des vrayes causes de la verolle & de son origine, afin qu'ayant la vraye cognoissance de l'essence de ceste maladie, nous vinssions à en tirer vne vraye, entiere & essentielle definition. Mais quelqu'un repliquera que ie nede-uois donc pas particulariser les causes d'icelle. A quoy ie responds, que difficilement on pouuoit traicter de l'un sans donner des atteintes à l'autre, at-

La vraye
cognois-
sance de la
verolle ne-
cessaire,
pour en ti-
rer vne es-
sentielle de-
finition.

tendu que i'oseray dire, que la cognoissance del vn despend de celle del autre. Voila pourquoy il nous a semblé bon pour plus asséuré & facile enseignement, de faire en la sorte: venons maintenant à la definition.

Pourquoy
l'auteur
n'apporte
separemēt
les 2. diffi-
nitions,
Galenique
& Paracel-
sique.

Ayant monsté au chap. des causes internes les Analogies qu'il y a des termes Chymiques avec les Galeniques, touchant les mots de Mercure sublimé & Sel reuerberé, & comme ils se doiuent entendre; ce ne seroit que redite superflüe d'en parler icy aux deffinitions. Croyant que tout homme bien entendu en la chose nous entendra assez, sans apporter la deffinition Galenique, & Paracelsique en ce lieu: nous contentant d'en construire vne vraye & essencielle des parties les plus sortables à nostre intention & subject, qui se retrouueront en ces deux. C'est pourquoy nous la definirons ainsi.

Definition
de la verolle,
selon
l'ancienne
& moderne
medecine.

Verolle est vne affectiō cōtre nature, contagieuse, causée par la vapeur maligne & veneneuse du Mercure sublimé, le plus souuēt par cōtact venerien: par la vehemēce duquel le Sel se reuerberant atténüe le Mercure, lequel pene-

tre la chair & la ronge, notamment des parties honteuses y faisant vlceres: & de la se communique au foye, par le moyen des veines, & par icelles à toutes les autres parties du corps, principalement aux os, lesquels il altere & carie y faisant des nodositez, ensemble des douleurs insupportables.

Ceste definition, comme composee de genre & difference, est vraye & essentielle: car ce mot, affection contre nature, &c. qui n'est autre chose en vn mot que maladie, y est pour genre, le reste y est pour difference: Comme contagieuse à la difference de celles qui ne le sont pas, faite par la vapeur maligne & veneneuse du Mercure sublimé, à la difference de celles qui sont faictes par le Mercure resoult, ou coagulé, ou qui sont faictes de Sel & de Souphre, &c. Mais pour mieux entendre cecy, ie desire expliquer ceste definition, & la rendre briuelement, la plus claire & familiere en toutes les parties qu'il me sera possible.

Premierement elle est dite Verolle, d'ou est deriué le mot de verolle, en semble l'exa-

Explicatiō
de la defi-
nition de
verolle.

Et explica-
tion de rou-
tes les pa-
rolles, sepa-
rément, qui
construisent
sa définition.
Pourquoy
elle est dite
grosse.

Pourquoy
elle est dite
contre
nature.

Pourquoy
elle est dite
contagieuse.

40 *La verolle recogneue*

faict sublimée & arriuee iusques à la
peau, y fait des petits varons, tubercu-
les ou enleueures, dures noires ou
rousses, d'ou est venu qu'on luy a don-
né ce nom de verolle, l'accompagnant
quant & quant du mot de Grosse,
pour la distinguer de la petite, qui est
commune aux petits enfans. Le l'ap-
pelle affection contre nature, &c. Et
ce à bon droit, car où il y a maladie, il y
a quant & quant avec soy lezion des
actions naturelles, ce qui se treuve &
paroist clairement en la verolle: la-
quelle infecte la masse sanguina-
re & toute la sanguification, &
corrompt icelle en y introduisant
par sa malignité vne corruption e-
strange & fort mauuaise, intempera-
tures diuerses, mauuaises conforma-
tions, tumeurs, pustules, vlcères ma-
lins, & autres maladies naissantes d'i-
celle: de laquelle elles ont leur origine
& leur effect. La premiere pouuant
estre nommée maladie, & les autres
symptomes ou accidens suiuant la
premiere.

Le la dy contagieuse, avec grande
raison, parce qu'elle est communica-

ble, & se prend tres-facilement par l'at-
touchement des corps verollez, & en
diuerfes façons, ainsi que i'ay dit au
chapitre des causes externes: & ce im-
mediatement ou mediatement. C'est
pourquoy nous auons mis en la defi-
nition causee par la vapeur maligne &
veneneuse du Mercure sublimé, &c.

Car tout ainsi que nous voyons la va-
peur du Mercure s'esleuer à la moin-
dre chaleur qui le pousse, & se meslan
parmy l'air, parce qu'il est air luy mes-
mes, vient à se communiquer à ceux
qui inspirent ledit air, & leur cause di-
uers accidens: comme retraction des
nerfs, tremblement de membres, les
rendant quelquefois totalement de-
biles & impotens, douleurs de teste &
de membres intolerables. Le mesme
en est-il de ceste mauuaise qualité &
vapeur veneneuse du venin verolique,
lequel se communiquera facilement,
par le moyen de l'air, à vn corps sain
qui l'inspirera souuent, voire & le cor-
rompra & infectera dès aussi tost.

Nota.

I'ay dit que c'est le plus souuent par
contact venerien, &c. & ce d'autant
que ceste maladie n'arriue pas touf-
iours par ceste voye, car elle peut arri-

La verolle
n'arriue pas
toufiours
par contact
venerien.

uer par la propre constellation de la Sphere de Venus du petit monde: ou par la constellation de certains Astres du Macrocosme, l'influence desquels excite la constellation des parties genitales du petit: & par leur faculté Aymanine esleuent & subliment leur Mercure, lequel cause la verolle & ses accidens. Ce qui arriue en ceste façon.

Comment
la verolle
arriue par
constella-
tion des
Astres

Venus excite son Sphere: Saturne corrompt le Mercure d'icelle; Mars reuerberant le Sel le sublime, & le Scorpion luy communique sa qualité veneneuse & contagieuse. Or il faut noter que combien que toutes les constellations du Ciel soient departies en l'homme, que neantmoins elles ne fôt pas tousiours leurs actions d'une sorte: ainsi que nous voyons que les saisons ne sont semblables l'une à l'autre, bien que le Soleil en soit le mesme & principal gouverneur: Et cecy est pour responce à ceux qui voudroient alleguer, que suivant ces constellations on seroit incessamment verollé: Mais pour mieux faire entendre cecy, il faut sçavoir que ces constellations ne sont autre chose que la propriété ou vertu

Comme il
faut enten-
dre ceste
constella-
tion.

vrayement syderalle, qui est en chascune partie du corps, laquelle se faict sentir & cognoistre par ses effects. Car tout ainsi qu'on a cogneu la force & vertu des influences celestes sur les corps inferieurs, par diuerses & reiterees obseruations: ainsi on a cogneu par mesmes obseruations, que les parties du corps & proprietiez d'icelles, respondoient aux constellations celestes: ausquelles pour ceste raison leur nom & proprieté a esté attribué par aucuns, qui appellent teste le signe du Mouton, & Col celui du Taureau, &c. Comme aussi par mesme moyen on a cogneu le consentement de l'une des parties à l'autre: ou bien la partie sur laquelle l'autre iettoit les rayons de sa constellation. Ce que nous pouuons remarquer en la constellation des genitifs, laquelle à ses effects sur les parties voisines & notamment aux aisnes. Laquelle constellation se venant à corrompre, excite des bubons veneriques: qui sont bien souuent suivis par la verolle, laquelle neantmoins ne se trouue pas tousiours de mesme, ains de diuerse nature, ainsi que nous

Sympathie
ou conitellation des
parties du
corps, l'une
enuers l'autre.

Les Auteurs n'ont
assuré
d'aucun remède cer-
tain à la
verolle.

La Metho-
de curatoi-
re de l'Au-
teur, en la
verolle in-
ventée par
indication
certaine, nō
par Analog-
isme.

dirons cy apres, parlant de ses differen-
ces. Or est elle tellement differēte que
iusqu'à ceste heure on n'a voulu assieu-
rer d'un remede qui la guerisse bien
assurement: en quoy on cognoist as-
sez que le mal est bien veneneux &
contagieux: & que la cause & nature
en a esté si mal cogneuë, que pour la
guerison d'icelle on à plustost recours
aux Analogismes, qu'aux bonnes indi-
cations: Iacoit qu'il se trouue des expe-
riences profitables, mais elles sont plu-
stost inuentées par Analogismes que
par indication. Bien que nous pou-
uons dire assurément que nostre me-
thode est plustost inuentée par certai-
ne indication, que totalemēt par Ana-
logisme: Ce que ie donneray à cognoi-
stre aux plus doctes en ceste façon. La
forme resoluë sera manifestée & signi-
fiée par celle qui est coagulée: par-
quoy la forme interieure resoluë sera
de pareil genre que sera l'exterieure
coagulée. Or on doit conioindre l'ac-
cord & conionction des formes avec
la semblance des operations, si l'on en
veut tirer vne assurée indication: Car
ce qui est cogneu par leur moyen, sans

faute est asseuré. Je donneray icy vn
exemple à mon intention, supposons
que le Sel fut tellement desseiché en
ce reuerberant, qu'il caust vne de-
mangaifon extrefme: pour le guerir,
vn vray Medecin amy de nature, n'hu-
meçterap pas ceste secheresse, mais fon-
dra & diſſoudra ce qui est sec. Et cōme
ceste secheresse à conuenāce avec l'air
plumeux, ou le Sel ezulat, qui sont de
pareille nature; cela nous indiquera ai-
sément le remede asseuré pour ce mal.
Le mesme on peut dire que l'humidi-
té resoluée du Mercure ne s'oste pas
par la secheresse: mais elle se guerit, si
on la coagule & fait reprendre. De ce
peu de paroles on peut tirer 2. ensei-
gnemenstres certains, l'vn que la gue-
rifon est aux vertus & puiffances, non
pas aux qualitez. L'autre que toutes
choses monstrent & declarent leur es-
sence par la propre forme & opera-
tion. Et partant cela bien recogneu, on
pourra tirer vne vraye & infaillible in-
dication, pour la curation de quelque
maladie que ce soit, nouuelle ou non.
Retournons maintenant à nostre pre-
mier discours, touchant lequel ie diray

Exemple
tres-claire.

La guerifon
est aux ver-
tus non aux
qualitez.

La constel-
lation des
genitifs
cause la ve-
rolle: ou
seulle, ou
ioinct avec
la celeste,
celle la, nō
tant perni-
cieuse que
cette cy.

pour acheuer ce point, que la constel-
lation des genitifs cause, ceste perni-
cieuse maladie, d'autant qu'elle re-
tient la nature des plus hautes planet-
tes qui sont totalement ennemies de la
vie. Et comme les celestes affligent la
partie du corps, & la region de la terre
qui luy est assujettie & soubmise: De
mesmes celles du corps humain. D'ail-
leurs il faut noter, que quelquefois ces
constellations corporelles, font leurs
effects toutes seules; quelquesfois les
celestes se joignēt à elles: & lors la ma-
ladie en est beaucoup plus dangereuse
& difficile à guerir.

Note.

Mais si ces deux influences se joi-
gnent pendant vn coit immoderé, la
maladie se rend tres-perniciose. Il
faut noter que si les parties genitues
ne sont disposees à la reception des ef-
fects de ces constellations, qu'un hom-
me pourroit habiter avec vne femme
mal saine qu'il ne prendra point de
mal: parce que la disposition du subject
patient est necessaire à toute action.
Car entre ceux qui en mesme iour, en
mesme temps, & heure, auront habité
avec vne femme impure, les vns en au-

font acquis & rapporté l'infection, les autres non. Si que cela doit estre attribué à la disposition de ceste vertu syderalle, ou seule ou joincte avec l'influence celeste.

I'ay dit en la diffinition, que par la vehemence du coit le Sel se reuerberant attenuë le Mercure, &c. Ce qui est vray: car le Mercure ne s'esleueroit iamais si par vne excessiue chaleur accidentelle, la vertu syderalle ne venoit à s'irriter. Or d'autant que i'ay touché par cy par là, cy dessus de ceste matiere, ie passe outre, pour dire, que ce que i'ay dit, qu'il penetre la chair la ronge, notamment des parties honteuses, y faisant vlceres, & de la au foye par le moyen des veines: & le reste de la diffinition, est si certain, clair & intelligible, qu'il n'auroit pas tant besoin d'explication. Toutesfois attendu que cest pour mieux & facilement la donnera cognoistre par ses signes, au moyen desquels il est tres-facile au docte Chirurgien de paruenir à la vraye & parfaite cognoissance de ceste maladie, afin d'y apporter, ensemble à ces symptomes chacun à part, le certain & asseuré

Le Sel reuerberé attenuë le Mercure, &c. comment.

On cognoist parfaitement vne maladie par ses vrais signes.

48 *La verolle recogneüe*

remede: l'en traicteray si apres au chapitre des signes.

Je sçay bien qu'il faudroit, pour suivre vne bonne methode, traicter en suite de cecy, des causes de la verolle: mais en ayant parlé assez suffisamment cy dessus au Chapitre premier, second & troisieme, pour les raisons alleguées au commencement de ce Chapitre, il n'est pas besoin d'vser de redite en ce lieu. Seulement ie diray pour clorre ce Chapitre, que l'ignorance crasse & malicieuse de ceux qui s'ingèrent temerairement de penser à tors & à trauers, de ceste maladie, est cause en partie qu'elle dure encore. Et bien qu'il semble que par l'usage des bons remedes, que quelques mains de Dieux y ont apporté, elle soit beaucoup affoiblie: si est-ce que si ces pestes d'ignorans, au 24. Caract, ne s'en mesloient, il y a desia long temps qu'il n'en seroit plus de nouuelles. Et tant plus facilement donne-je lieu à ceste croyance, que ie voy que, graces à Dieu, les pailardises ne sont point tant en regne qu'elles estoient iadis. Voire & ie croy qu'indubitablement si l'on se repen-

toit

Cause ad-
iuuante de
la longue
duree de la
verolle.

Excitation
spirituelle
de l'Au-
teur.

toit de ce peché, & qu'on fit vne entiere penitence, ayant vne vraye contrition de cœur, demandant à Dieu pardon avec sac & cendre: non seulement ceste maladie (seul gage & recompense de ce peché) disparoitroit totalement: mais vne infinité d'autres qui prennent leur origine d'icelle. Et non seulement suis-je certain de cela: mais ie diray de plus que cela feroit tomber entierement les armes des mains du tout puissant, lesquelles sa rigoureuse iustice à desia leuées pour es-crafer nostre coupable & detestable chef; par des fleaux & de punitions inouyes: si nous n'auons promptemēt recours à sa misericorde, par vne entiere repentence de nos fautes. Auquel Dieu trine en vnité, soit rendu tout honneur & gloire, par Pseaumes, Cantiques & iubilations, aux siecles des siecles, Amen.

D

*Des differences, signes, & pronostic,
de la grosse Verolle.*

CHAP. V.

Pourquoy
l'Auteur
parle des
differences
de verolle.

IL me semble qu'il n'eust pas esté
nécessaire en ce lieu de parler des
differences de la verolle, attendu que
vrayement ce n'est qu'une seule mala-
die: toutesfois pour contenter & les
Galenistes & les Paracelsistes, ie de-
duiray brièvement ce qu'on peut di-
re, touchant ces differences.

Quatre es-
peces de
verolle, se-
lon les Ga-
lenistes.

Or il faut noter que les Galeni-
stes en font de quatre sortes ou espe-
ces, la constituant plus douce beni-
gne, & plus aisée à traicter, ou plus en-
ragée & rebelle aux remedes, selon
l'humeur qui prédomine au corps ve-
rollé: Car disent ils, si c'est l'humeur bi-
lieux ou melancholique qui domine,
elle est de tres-difficile guerison. Que
si ils y sont tous deux ensemble; elle est
quasi impossible à dompter. Au con-
traire si l'humeur pituiteux & sanguin
dominant, elle est assez traictable. Sur

combatuë & abbatuë. 51

cecy (auant que passer outre) ie desire
monstrer la nullité de ces humeurs, & Nullité des
humeurs.
que partant ce ne sont elles qui facili-
tent ou qui empeschent la curation de
ceste maladie.

C'est pourquoy il faut sçauoir,
qu'Hippocrate monstrant les especes Hipp.in li.
de vet.
Medecina.
des trois substances, dit de l'humide,
(car cest de celuy-là seulement qu'il a
parlé, laissant les autres deux) que ces
especes sont quatre en nombre: sça-
uoir, le sang, la pîtuite, la colere, & la
bile noire. Or les Galenistes sans pas-
ser plus outre, ont tenu ces quatre
pour principes de la matiere des
corps sans exception, & causes des ma-
ladies: Appelans la bile flaue humeur
choleric, & la bile noire humeur me-
lancholic. Faisant entendre que l'hō-
me qui promptement se courrousse,
abonde en ceste humeur, & celuy qui
est tousiours triste, ayant tousiours les
yeux tendus vers la terre, est remply
d'humeur melancholic: & que ces
deux humeurs ont leur repaire en
nos corps, sçauoir le premier en la
bourse du fiel; le second en la rarte. Ce
qu'ils enseignent pour n'auoir curieu-

*Hipp. in li.
de dieta,
versus fi-
nem.*

*Hipp. in
lib. de in-
firmis.*

fement regardé l'Hippocrate: car ver-
ritablement ce ne sont autre choses
que passions de l'ame, & non pas hu-
meurs. Pour preuue dequoy Hyppo-
crate dit que le courroux, la lascheté
ou paresse, la finesse ou tromperie,
la debonnaireté, le malheur, bien-
vueillance & autres telles passions, ne
sont représentées en l'homme, que
par & aux voyes ou passe l'ame. Car
par les vaisseaux à ces destinez, où
elle se separe, se mesle & demeure,
& y represante sa conception. De
la fonction de laquelle ame, parlant
iceluy Hippocrate, dit que lors que
le corps est endormy, ou repose, l'a-
me est en action & gouuerne sa mai-
son, la nettoyant de toute ordure, &
parfaissant toutes les actions d'iceluy:
mais seruant au corps, elle se distri-
buë & entend à plusieurs parties d'i-
celuy: sçauoir, à la veuë, à l'ouye,
au goust, à la ratiocination, &c. Et
lors elle n'est maistresse de soy-mes-
mes, ains seruante du corps; pour le
mener conduire, ramener, & le fai-
re mouuoir en toutes ses actions. Et
pour faire voir à l'œil, & toucher au

doigt, que l'ire ou courroux; la ioye, la tristesse ou melancholie, ne sont pas humeurs; mais bien sont des mœurs, apprehensions, complexions, ou phantaisies de l'ame. Iceluy Hippocrate, apres en auoir amplement Hipp.in li. bro de hum mor. discouru, conclud que la tristesse ou chagrin, l'ire ou courroux, la ioye, la conuoitise, &c. Sont operations de l'ame. Cest pourquoy cest mal à propos d'enseigner que l'homme de nature ioyeux soit sanguin; celui qui abonde en bile flaue, cholerique; & de nature melancholique celui qui à la ratelle pleine & chargée de bile noire: & celui qui est de nature paresseuse ou lasche estre pituiteux.

Car si ainsi estoit, il faudroit necessairement que cest humeur jaulne ou bilieux qui est en la bource du fiel, Nof. 4. eust des oreilles pour entendre vne iniure qui seroit proferée à vn Soldat, & luy faire mettre l'espée au poing: ce qui n'est non plus que du reste. Ce sont les œuvres de Mars en l'ame cholerique de Saturne en la melancholique, de Iupiter

D iij

54 *La verolle recogneue,*

en la sanguine, & de la Lune en la pituiteuse. C'est pourquoy on les deueroit plustost appeller Martialistes, Saturniens, Iouialistes, & Lunaires: que non pas par les noms de ses humeurs imaginaires, qui ne sont que mœurs ou fantaisies de l'ame. Ce qui est dit par Hippocrate en ceste sentence. *Bilis atra ad animum inclinatur, & dicuntur melancholici.* La bile noire se tourne & regarde à l'ame, & pour ceste cause sont dits melancholiques. Et pour monstrier ceste demonstration estre veritable, ie demande, n'est-il pas

Choses di-
gne d'estre
notée.

vray que, Messieurs les Medecins enseignent en leurs Escolles, que l'intelligence est au cœur, la parole aux poulmons, & le ris à la ratelle? *Cor sapit, pulmo loquitur, splenque ridere facit.* Si ainsi est, comment se peut-il faire que la melancholie y eust aussi son siege? Veu que selon tous les Philosophes, deux choses contraires ne peuuent estre en mesmes temps, en mesmes subject. Le ris & la melancholie ne furent iamais d'accord: Comment pourroient-ils faire ensemble leur demeure en la ratelle.

*Hipp. lib.
6. de pop.
mor.*

Ce que dessus bien considéré nous Qu'est-ce que les fonctions de l'ame.
 pourrons dire avec Hippocrate que les fonctions de l'ame sont tout ce que l'homme peut faire, dire ou penser : & que son habitacle, qui est le corps, ou homme visible avec toutes ses parties, est & consiste de trois principes, ou substances, lesquelles n'ont autre actiō en iceluy que le maintenir en santé, ou le rendre malade. Ainsi que nous en traictons assez amplement en ma petite Chirurgie Chymique, comme aussi en la grande bien à plein ; & notamment sur ceste matiere : c'est pourquoy nous n'en parlerons pas plus avant en ce lieu. Difference des mœurs aux humeurs tres-grandes. Seulement ie diray que la difference des mœurs aux humeurs pretenduës, est tellement grande & apparente qu'il faudroit clorre les yeux pour ne la voir point : Cest pourquoy nous n'y pouuons asseoir la difference de ceste maladie verolle.

Mais nous dirons (pour continuer nostre subiect, & pour luy donner ses Comment est ce que la verolle differe. vrayes differences) qu'elle differe du plus ou du moins : Comme quand elle est recente, ou inueterée ; sans douleur

*Fracaſtor.
l. de contag.
Rôdeler en
ſon traité
de verolle.*

ou avec douleur; lors qu'elle eſt ſimple-
ment aux parties externes avec ſimple
exulceration; & quand elle eſt aux par-
ties ſolides & offees, avec carie, nodus
& toſſes: lors qu'il y a ſimplement des
vlceres à la verge; & lors que tout le
cuir eſt couuert de puſtules. D'ailleurs
lors qu'elle eſt priſe au coït imediate-
ment, & lors qu'elle eſt priſe mediate-
ment, comme beuuant apres vn verol-
lé, ou inſpirant l'air qu'il aura expiré,
couchant avec luy, ou dans vn liêt où il
aura couché. Dauantage quand vn pe-
tit enfant naiſt entaché d'icelle, ou la
prenant de la nourrice la tetant. La
prenant en coïtant avec yne femme
deſia infectée du Virus verolique; ou
bien quand elle vient par la ſeule con-
ſtellation des parties honteuſes, ou par
la conſtellation celeſte. Auſquelles on
peut auſſi adiouſter celle qui vient par
la diſpoſition & corruption des ali-
mens.

*4. Ordres
de verolle.
1. Et les cau-
ſes concu-
rentes en
iceluy.*

Or pour mieux entendre cecy, il faut
ſçauoir que tous ceux qui en ont trait-
té en ont faiët de quatre ordres ou de-
grez, en ceſte façon. Le premier eſt cel-
le de laquelle le Virus eſt tenu & ſubtil,

n'estant presque qu'une seule vapeur, la
 quelle s'attache seulement au poil,
 sans aucunement offencer le corps.
 Ce qui arriue par une vapeur tres-sub-
 tile du Mercure cutané, lequel desia
 corrompu par la vertu syderalle des par-
 ties honteuses, aucunement irritées par
 un Souphre Martial, se voudroit subli-
 mer : Mais parce qu'il est tres-subtil il
 s'exalle facilement par les porres, &
 rencontrant les racines des poils les
 corrode & les fait tumber. Que si quel-
 qu'un vouloit ergotiser sur ceste oppi-
 nion, qu'il sçache (& cecy est pour plus
 d'intelligence) que toutes les parries du
 corps ont sympathie l'une avec l'autre,
 aussi ont elles chacune leur constella-
 tion. D'où vient que lors que la con-
 stellation de quelque une d'icelles se viêt
 à corrompre & esmouuoir, elle com-
 munique ses passions aux lieux qui ont
 sympathie & correspondance avec el-
 le. Exemple, lors que la constellation
 de la matrice se vient à corrompre, elle
 communique ses effects aux māmelles,
 esquelles le lait se corrompt & engru-
 me souuent, & se pourrissant fait par
 apres vlcere : le tout par sympathie &

Exercice de
 l'Autheur.

58 *La verolle recogneue*

correspondance qu'elles ont avec la matrice. Le mesme en est-il des bources & membre viril, lesquels estans parties nerveuses ont sympathie au cuir, qui est vn nerf estendu.

2. Degré, & les choses concurren-tes en iceluy.

Le deuxiesme degré où espee est celle de laquelle le virus est en vne substance vn peu plus ferme & plus solide, faisant plusieurs petites macules sur le cuir de couleur rouge ou flaue. Ce qui arriue lors que la vapeur du Mercure, des parties genitales, se mesle avec celui du cuir, & l'arreste aucunement, par la vapeur y introduite de la partie saturnielle qui est la ratte: laquelle se desseichant au coit excite quelques vapeurs legeres; lesquelles estant esleuees iusques au cuir, congellent ces Mercures en leur introduisant quelque maligne (toutesfois legere) qualité.

3. Et ce qu'il y faut considerer.

La troisieme espee (dite de plusieurs la vraye verolle) est celle qui fait pustulles manifestes au front, aux temples, derriere les oreilles, en la bouche, puis en la teste & parmy le corps; qui sont rouges ou flaues, crouteuses, sans pus, & quelquefois degenerent en vlceres virulents & sordides: ou bien si

elles se desseichent, font vlcères en la gorge, au nez & à l'entour du fondement: Qui se fait quant la chaste Diane, c'est à dire la Lune mere de la substance humide qui compose nostre corps, a veu que l'impudence de Venus a esté si grande que de corrompre l'eau de sa fontaine; elle emprunte l'ayde du Scorpion, lequel iettant de son humidité sur le feu Vulcanicq, remplit de vapeur veneneuse & contagieuse toute la forge.

Diane mere de la substance humide.

Ils font suivre apres la quatriesme espece, laquelle est plus forte, plus aspre, & plus violente que toutes les autres: parce que sa malice ne se contente pas seulement d'auoir offensé les parties molles & charneuses, mais elle se prend & s'attache aux fermes, seiches & solides: elle offence les ligammens, les nerfs, les membranes & les os, y faisant des nodus & des exostoses, les cariat & pourrissant: & qui plus est faisant des douleurs indicibles & intolérables. Ce qui arriue & ce fait en ceste façon. Venus excite son Sphere; Saturne corrompt le Mercure d'icelle; Mars en reuerberant le Sel, sublime le Mer-

4. Erce qu'il y faut considerer.

Accord de
la constel-
lation su-
perieure &
inferieure
du corps,
rend la ve-
rolle plus
pernicieu-
se.

cure; & le Scorpion luy communique
sa qualité veneneuse & contagieuse:
ainsi que nous auons dit cy-dessus au
Chap. des causes externes. Mais il faut
noter que cela se faict, lors que la con-
stellation des corps superieurs s'ac-
corde avec l'irritation de la constel-
lation de la bource & parties genital-
les.

Nota B.

Parce que dessus on peut veoir les
vrayes differences de verolle, & par
mesme moyen en colliger les signes
tres-certains. Car il est vray, que ce-
luy auquel se retrouuera les signes al-
leguez en ces quatre especes de ve-
rolle, sera veritablement verollé. Il
faut noter neantmoins, qu'il y a plu-
sieurs signes qui se peuuent retrou-
uer en d'autres maladies aussi bien
qu'en la verolle; & qui ne sont que si-
gnes equiuoques, non vniuokes. Au
iugement & cognoissance desquels le
Chirurgien sera fort aduisé, afin qu'il
ne prenne vne maladie pour l'autre.
Car ce seroit vne grande temerité, pour
vn seul signe non asseuré, ou pour plu-
sieurs non vniuokes, iuger quelqu'un
verollé & le traicter comme tel. Et

neantmoins i'ay veu vn quidam, qui croyoit estre quelque chose de plus releuë que les autres en la Chirurgie. Lequel ayant remarqué quelques pustules à la face d'un sien familier, luy dit incōtinent qu'il auoit la verolle, & de faict il le prist chez luy en intention de le traiter comme verollé: Mais apres la purgation & la seignee faicte, ces pustulles disparoissant, il recogneut son erreur & ignorance: & fut contraiçt de le renuoyer à sa grande honte & igniominie.

Histoire ou l'ignorance malicieuse d'un quidam est descouverte.

Or i'ay obserué par longue experience, que tous ceux qui ont eu de chancres veroliques entre le prepuce & le Balanus, ont eu la verolle, n'estans pas bien traictez du commencement: à quoy plusieurs ne prennent pas garde, voire ne le croient pas. Pour preuue dequoy l'annee derniere me tomba, entre-autres verollez, vn certain quidam entre mes mains, lequel auoit 4. ou cinq chancres entre le prepuce & le Balanus, & vn autre sur le Balanus avec vne chaude pisse. L'ayant veu accōmodé en la sorte, luy dis qu'il auoit la verolle, & que s'il vouloit

Observatiō de l'Auteur.

Histoire.

62 *La verolle recogneuë*

parfaictement guerir, le failloit traicter comme verollé.

Desquelles paroles il ne fut bien satisfait, & deslors il voulut auoir vn Medecin & vn Apothicaire; lesquels firent si bien leur deuoir qu'en moins de quinze iours, ils attirerent le venin de la circonference au centre. A quoy ayant prins garde, & luy voyant des pustules veroliques au front, dans la barbe, & aux sourcils, luy dis qu'il auoit totalement la verolle, ce qu'il ne voulut croire; ains prenant l'aduis de son Apothicaire, me dit vn iour que c'estoit vn amuse lourdaut, ce qui s'est trouué veritable: car il luy à fallu (mais trop tard) suër la verolle. De laquelle ie iuge qu'il ne sera iamais bien guery: attendu que le temps de la penser estoit desia passé. Et voila pour la verolle contractée de femme mal nette, quant mesmes il y auroit vn an voire deux, qu'on n'auroit couché avec femme: d'autant que la verolle se peut garder vn long temps, & demeurer cachee en quelque corps, sans se manifester, dix & douze ans, ainsi que dit Fernel. Et qui endoutera veu que les causes effi-

Parolle
propheti-
que.

*Fernel. lib.
de abd. &
de lue ve-
ner.*

ciêtes d'icelle sont tousiours en iceluy, ainsi que nous auôs demōstré au Chap. des causes internes de la verolle. Si cest pour auoir couché avec quelqu'un, le cuir en est plustost infecté. Si pour auoir beu apres vn verollé; ou vn enfant tecté vne nourrice verollée, les signes se manifestent à la bouche & dedans la gorge. Que si la nourrice la prins del'enfant, les signes se manifestent aux mamelles. Et neantmoins si on la neglige, elle se communique par laps de temps en toute l'habitude. Bref il est tres-assuré, qu'à quiconque apres le Coït viennent des vlceres à la verge, des pustules au front & en la teste, il peut estre assuré d'auoir la verolle. Que s'il n'auoit Coïté, on peut auoir recours aux choses desusdites: comme aussi aux maladies de recheute. Car tel aura sué la verolle qu'au bout d'un an se remanifestera, & neantmoins il n'aura touché aucune femme: toutesfois la principale indication, apres les signes bien recogneus, sera tirée de là. Or afin qu'on ne soit trompé à la vraye cognoissance des pustules verolliques, & qu'on ne prenne celles qui arriuent par

Verolle mal
penlée se
manifestera
quelque
tēps apres.

64 *La verolle recogneue*

Vrays si-
gnes des
pustules
veroliques.

quelque autre cause, pour telles; Je di-
ray que les pustules de verolle com-
mencent tousiours en figure ronde,
de couleur blanchastre sans pus, ayant
vne petite pointe noire au mitan, rou-
geatre vers sa racine à l'entour du blāc:
Et lors qu'elle croist ceste blancheur
ce disparoit, & y succede vne crouste
jaunastre, la rougeur y demeurant tou-
sious, avec vn peu de durté en sa raci-
ne.

Que si on demeure long temps sans
la traicter elle s'estend & s'agrandist
tousiours en l'argeur. Voila les verita-
bles signes des pustules veroliques; no-
tamment lors que cela paroist apres vn
vn bubon rentré, ou chaude-pisce, ou
chancre à la verge. Le reste des signes
on les colligera des choses sus alle-
guées: venons maintenant au pronos-
tic.

Pronostic
de la verol-
le.

Si ceste maladie est en son commen-
cement, avec peu d'accidens, & qu'en
la generation d'icelle l'influence cele-
ste ne fut ioincte avec celle des parties
honteuses; & que le malade soit ieune
& en la saison du prin-temps, la cure
s'en fera facilement. Au contraire si el-
le

le est accompagnée de tous les accidens que nous auons cy dessus alleguez, en la diuision de ses especes, & notamment si l'influence Macrocosmique, est jointe avec la Microcosmique, elle sera tres-difficile à guerir, sinon par l'usage du parfum du Mercure, tiré du benioin constellé. Que s'il a esté pensé par diuerfes fois, & notamment par personnes immethodiques, & que le malade soit vieil, emacié, sec & Ecthique: (pour la consumation du baulme ou humidité radicale) lors sera du tout incurable: Si ce n'est par l'usage de l'Element du Mercure precipité avec la quint-essence de l'or. Que diray-je d'auantage du pronostic de la verolle, il y en a, à qui tous les os du palais tombent pour n'auoir pas esté bien traittez & demeurent toute leur vie à parler Renault. D'autres à qui tous les os se carient & pourrissent, tant par la malignité du Virus verollique, que de l'indue administration de l'argent-vif. Aux autres ceste maladie degene- re en vne lepre incurable; si ce n'est par l'usage de la quint-essence du Mercure Solaire. Finalement ceste

Du Parfum
Mercurial
de Benioin
constellé,

Element de
Mercure.

Accidens
dignes de
commis-
sion aux
verollez,
pour n'a-
uoir pas
estés bien
traictez.

66 *La verolle recogneue*

La verolle maladie (quand cest par permission di-
venant par uine qu'elle arriue) rend ceux qui en
permission sont attaints, plus perdus & miserables,
diuine rend que s'ils souffroient mille morts sur
ceux qui la possèdent vne rouë. C'est pourquoy euitant le
miserables. peché, prions iournellement l'Eternel
qu'il vueille diuertir de dessus nos testes
les fleaux de son ire: d'autant qu'il fait
mauuais tomber entre ses mains. Au-
quel Pere, Fils, & S. Esprit, soit hōneur
& gloire eternellement. Amen.

*La vraye, entiere & parfaicte cu-
ration de la verolle.*

CHAP. VI.

Para. li.

2. de vita

longâ. c. 12.

Diuise la
guerison
de verolle,
en purga-
tion, cure
& conser-
uation.

I.

Purgation
en la verol-
le, diuisee
en 3. par le
bas, par le
haut, par

PAracelse en son liure de la longue
vie, parlant des pustules en gene-
ral de la maladie venerienne, obserue
trois choses; purgation, cure, & con-
seruation: ce qui est notté de peu.
Quand à la purgation il l'a diuise en 4.
par le bas, par le haut, par les vrines, &
par les sueurs. Celle par le bas, il la fait
avec le Mercure bien preparé, huile de
realgar pour oindre les douleurs, & les
tophes; ou bien d'Arsenic fixe, voire &
aux vlceres: & en leur lieu, huile de
Mercure & son eau, l'huile de Soleil

fait avec le Mercure. Ou bien il purge
 avec le sublimé doux chrifallin &
 rouge, autrement Arcane des Coral-
 lins décrit par Crollius, donné avec
 l'extraict des trochifques d'Aliandal.
 Pour vomir, le Turpetum Mineral &
 Mercure de vie. Pour les dieuretiques,
 Mercure doux précipité avec la ver-
 deur de Venus: le Sel de Venus, gomme
 de Gaïac, de lierre, de genieure; Sel de
 fresne & de chesne. Quand aux Dia-
 phoretiques, le bezoard mineral, lequel
 est auffi décrit par Artmanus; l'esprit
 de Mercure odorant. Quand à la cure,
 elle se fait avec la liqueur de la gomme
 de bois, & la liqueur de l'Alcali qu'il en
 tire. Pour la conseruation; la quint-ef-
 fence de l'or, des perles & coraux: don-
 nées avec l'esprit de vin, ou avec la
 quint-essence de melisse. Voila ce que
 Paracelse requiert pour l'entiere cura-
 tion de la verolle.

Neantmoins, attendu que plusieurs
 ne desirent pas fuer, nous par vn labeur
 indicible & experience tres-certaine,
 auons inuenté vn moyen pour guerir
 ceste pernicieuse maladie sans fuer &
 sans tenir chambre: & ce par la prepa-

E ij

les sueurs
& vrines.
par le bas.

Purgation
par vo-
missement,
en la verol-
le.
Des Dieu-
retiques.

Des Dia-
phoreti-
ques.
Parac. in li-
bello de xi-
lofe beno.

2.
La cure
comme el-
le se faict.

3.
Conserua-
tion avec
quoy.

Labeur pe-
nible de
l'Auteur.

Avec quoy
on guerit
parfaicte-
ment la ve-
rolle, sans
suer ny re-
nir chābre.
L'Argent-
vi- perni-
cieux.

Choses di-
ghes d'e-
stre notees,
touchāt vn
Mercure.

Que lvn-
guent on
doit suppo-
ser à celuy
de quoy l'ō
se sert
Quoy pour

ration bien faite de l'or, melle avec
l'Antimoine exalté, & le Mercure
Diaphoretique: ainsi qu'il sera dit cy-
apres, en la suite de ce liure: Et non
pas frotter les pauvres patients de vis-
Argent crud: ô ie vous aduise & con-
iure de n'en vser point, car il est tres-
pernicieux: i'entens aux vnguens &
emplastres: Combien que le Mineral
qui est trouué au Leuant au mois de
May, & passé par le Midy pour venir
en Occident, réduit en sa premiere for-
me, c'est à dire changer ses habillemēs,
& le mettre en eau Philosophale; pert,
mange & consomme tout ce qu'il ap-
proche: Car s'il est despoüillé & mis
en beaux draps blancs à coucher tout
seul & avec luy mesmes, il guerira non
seulement la goute, lepre, verolle, mais
toutes maladies quelques incurables
qu'elles soient. Le croyez-vous? Cher-
chez-en la preparation dans ce liure, &
l'experimentez, & vous en verrez les
effets. Que si vou-voulez graisser &
faire suer, prenez pour l'vnguent, la
gomme de bois cy-dessus dite: pour la
purgation la liqueur de l'Alcali que ti-
rerez d'iceluy: Et pour le Diaphoreti-

combatuë & abbatuë. 69

que, prenez eau Theriacale, esprit de
Tartre, de Nitre, de Sel, huile de Sou-
phreacide, huile de Gaïac, ess. de Me-
lice, escorce de Citron, Sel Theriacal,
Bages de Genieure: Mais il faut estre
circonspect en sa preparation & admi-
nistration. Que si tout ce que dessus ne
vous contente, voicy ma methode
que ie vous donne charitablement, &
laquelle ie vous aduise de mettre en
vs ge pour estre la plus certaine: Ce
que ie dy tant plus assurement que ie
l'ay confirmee par plusieurs experien-
ces: & vous serez tres-contens, aux ef-
fects tres-heureux qui reüssiront d'i-
celle.

la purgati^{on},
& quoy
pour la
sueur.

Aduertisse-
ment de
l'Autheur.

Sensuit ma Methode Curatoire.

Decoction preparatiue.

Pr. Rasure du cœur & escorce de
Gaïac ana. ℥iiij. false pareille ℥ij.
Schine en petites pieces ℥ij. Polipo-
de, semence de Carthami, racine d'O-
zeille, gramen, Asperge, Chicoree,
E iij

1. Decoctio
preparati-
ue pour la
curation de
la verolle.

70 *La verolle recognuë*

Buglosse, Scabieuse, Aigremoine, Be-
toine ana ʒj . anis ʒ . ʒ . Sené mun-
dé ʒiij . Hermodactes, Turbith, Aga-
ric, ana ʒij . eau de Melisse & fumetere
ana ʒb ij . ʒ . Faut macerer tout cela
avec 3. pots de vin blanc, & autant eau
de fontaine, au feu de bain, le vaisseau
bien clos, par 3. ou 4. iours; puis coulez
par la manche d'Hypocras, l'aromati-
sant & dulcifiant avec sucre & Cina-
mome: & ayant adiousté à la colature
tartre vitriollé ʒij . On en vsera durant
dix iours.

*Après faut purger avec le Mercure
de vie, préparé en ceste façon.*

Purgation
en la verol-
le.

Pr. Anthimoine d'Ongrie pulue-
risé ʒiiij . Mercure sublimé, ʒviiij . met-
tez tout ensemble, & distillez dans vne
cornuë à feu de cendre, adaptant vn
recipiant à demy plein d'eau: apres
donnez le feu par degrez. Et si vne li-
queur gommeuse s'attache au col de
la cornuë, comme beurre, on la fe-
ra couler avec vn charbon ardent: la-

quelle tombant dans l'eau se precipite-
ra en poudre blanche. Apres cela on
donnera feu de suppression, peu à peu
iusques à ce qu'il sorte vne liqueur rou-
ge: & lors ostant le recipiant, en met-
trez vn autre augmentant le feu par
vne heure ou deux, iusques à ce que le
Cinabre se sublimera au col de la re-
torte. Lequel faut amasser, le vase estāt
refroidy, puis digerer par vne nuit la
poudre precipitée, iusques à ce qu'elle
demeure sans acrimonie: Finalement la
faut lauer avec eaux cordiales, puis la
desseicher à feu tres-lent.

Il faut este
fort circon-
spect en ce-
ste prepa-
ration.

La doze est pour les robustes, de 6. ^{Vlage, avec}
à 8. grains: autrement de 4. à 6. & en ^{quoy.}
faut faire vne petite pilulle, avec de la
masse de pilulles foetides, & ermoda-
cilles: la façon de les faire sera escrit cy
dessous.

On peut vser d'vn autre Mercure de ^{Au chap 8.}
vie, cy apres descrit, si cestuy cy ne ^{où il y en a}
vous contente: & puis asseurer ses ^{encore de}
facultez estre beaucoup plus admira- ^{2. ou 3. fa-}
bles. ^{çons in-}
^{compara-}
^{bles.}

*Après on fera user de la decoction
suivante, l'espace d'autres huit
ou dix iours.*

2. Decoction
Dieu retien-
que.

Pr. Gaiac, lb. ss. Salse pareille ℥iiij.
escorce de bois de Genieure ℥iiij. Ba-
ges de Genieure concassees lb. ss. Ba-
ges de Lierre ℥iiij. Bages de Laurier
℥ij. semence d'Asperge & de Raiffort
ana. ℥. ss. racine de Persil & de Saxi-
frage, Aristoloche ronde ana. ℥ij.
mettez en suffisante quantité de vin
blanc, & partie d'eau & faictes com-
me dessus.

Vsage avec
quoy.

Au chap. 8.
de la prepa-
ration des
medicam.
promis.

Si meslez vn grain de Mercure pre-
cipité avec huile de Soleil, chasques
matin, il purge seulement par les v-
rines: la preparation en sera cy-apres
d'escrite, bien que i'en aye parlé com-
me en passant en ma petite Chirurgie
Chymique.

Après on purgera derechef, avec le
 Mercure de vie susdit : puis on
 usera de la decoction suivante.

Purgation
 reiteree.

Pr. Gajac lb. j. bois de fresne. lb. 3. Decoction
 lb. false pareille ℥iiij. Schine ℥iiij. raci- Diaphore-
 ne de faugere, & de Bardane ana ℥j. ra- tique.
 sure de bois de roses de buissons, sental
 citrin, corne de cerf, yuoire rappé, ana
 ℥j. lb. semence de chardon benist ℥j.
 Sassafras ℥ij. Stechas arabic ℥iiij.
 grains de Paradis ℥ij. macerez le tout
 par 24. heures, avec moitié vin blanc,
 & moitié eau, quantité suffisante, au
 feu de bain. Après le faictes bouillir
 l'espace d'une heure, ou deux heures: &
 à la fin de la cuisson, adioustez carabe
 concassé ℥j. du Cinabre susdit: (mais il
 seroit plus spécifique préparé, comme
 sera dit cy dessous) ℥ij. liez en vn nœud
 de linge, ensemble cristaux de benioin, Au chap. 8.
 & de tartre, preparez comme sera dit des medica-
 cy dessous: coulez ceste decoction par mens pro-
 la manche; aromatisez & dulcifiez mis.
 avec Cinamome & sucre: & de ceste

74 *La verolle recogneuë,*
cy il en vsera iusques à entiere guerison.

Combien
de fois il
faut purger
pendant la
curation de
la verolle.

Notez qu'il faut purger 5. ou 6. fois,
avec ledit Mercure de vie, pendant
toute la guerison: & de 3. en 3. iours avec
la manne Mercurialle, faite en la façon
qui suit. Ou bien avec le sublimé doux:
la preparation duquel on trouuera dās
l'Antidotaire venerien.

*La manne Mercurialle se faict
en ceste façon.*

Preparatiō
de la manne
Mercurial-
le, ou pou-
dre blāche
de Mercure
exalte.

Son vsage
avec quoy

Dissoluez le Mercure en eau fort,
sçauoir ℥j. d'eau forte, pour de-
my liure de Mercure: puis le precipitez
en eau Marine filtree, & distillez dās vne
cucurbite par le sable, augmentant le
feu sur la fin, pour faire sublimer le Mer-
cure aux parois du vase. Et le vaisseau
estant refroidy mettez à part le sublimé
que dulcifierez, reiettant les feces,
puis le dissoluez encore dans vostre es-
prit vniuersel dissous; & distillez com-
me deuant. Faiçtes sublimer derechef;
lors vous aurez vne Aigle celeste plus
blanche que la neige: elle purge seule-

ment par le bas. La doze est de dix à quinze grains, avec conserue de Roses, ou de la masse des pilules susdites.

On le peut saigner au commencement & à la fin s'il estoit pletoric, si l'aage, la region, le temps, les forces y cōsentēt: & pourueu que la maladie soit en son commencement, avec pustulles, gales, ou vlceres. Mais si le malade est tourmenté de douleur de teste, & des iointures, la saignée n'est pour lors conuenable, d'autant qu'elle refroidit, & en refroidissant augmente la maladie & l'ēpire: & descouure le plus souuēt la maladie cachee. Parquoy il faut regarder & considerer soigneusement si la saignée est necessaire, si les forces & disposition du corps, ensemble la cōstitution du tēps la cōseillent: ce qui se doit entendre en ceste façon. Pour la disposition du corps, sont ceux qui ont la vertu robuste, les veines grosses, pleines & amples, qui ne sont ny maigres ny attenuées, qui ont la couleur bonne & vermeille, la chair dure, ferme & solide: ceux qui sont de disposition contraire ne la peuuent soustenir sainemēt. Aussi ne faut-il pas seigner les enfans avant l'aage de quatorze ans, & les

Considera-
tiōs neces-
saires tou-
chant la sai-
gnée aux
verrollez.

Dispositiō
du corps,
qu'elle doit
estre.

Guid. trai-
cte 7. Doct.
1. cha. 1.

76 *La verolle recogneuë,*

Avec le sâg
s'escoule la
vie.

Coustume
obseruee
en la sai-
gnée.

viellards outre l'aage de soixâte & dix;
sinon en cas de grande & extrême ne-
cessité : & ce considerant qu'avec le
sang s'escoule vne partie de la vie. Ce
qu'il faut tousiours prudemment faire,
mesurant la grandeur de la maladie
avec la force de la vertu, afin que l'on
puisse facilement iuger de la matiere,
& mesmes de l'euacuation. Or ne faut-
il pas seulement considerer les forces
de present : mais sçauoir du futur si el-
les seront suffisantes à soustenir la lon-
gueur & diurnité de la maladie. Aussi
faut-il obseruer la coustume, d'autant
que ceux qui n'ont accoustumé la sai-
gnée ne la soustiennent facilement.
D'ailleurs tous ceux qui ont l'esto-
mach debille, ou qui sont trauaillez de
diarrhée & flux de ventre, ou qui souf-
frent quelque indigestion, ne doiuent
estre saignez. Que si vne femme en-
ceinte est atteinte de la verolle, il ne la
faut saigner : principalement sur les
premiers & derniers mois. Semblable-
ment ceux qui ont vsé de trop grande
sobriété : Ceux qui sont de nature
froide & pituiteuse. Ceux qui habi-
tent en region, ou air trop chaud, ou

trop froid, ne portent pas facilement la saignée. A quoy concurrent toutes choses qui affoiblissent la vertu, l'horreur & tremblement, l'usage immodéré de Venus, le grand soing & soucy, les veilles, le travail, & les longues maladies nous deffendent la saignée. Voila en bref les causes qui nous peuvent empescher de faire la saignée. à quoy neantmoins tous ne prennent pas garde.

Les choses qui affoiblissent empeschent la saignée.

Quand à la constitution du temps, il est pris des choses superieures & externes, lesquelles doiuent estre vn beau iour clair & net, non pluuieux, ny du tout au commencement de la Lune, ny fort près de la fin : & plustost au prin-temps qu'en autre saison. Or pour mieux entendre ceste obseruation, il faut cognoistre la disposition des tēps en la concurrence des Astres: dequoy nous auons traicté assez amplement en nostre discours de Phlebotomie, auquel le lecteur pourra auoir recours. Toutesfois nous repeterons volontiers en celieu briefuement les points principaux de ceste obseruation. Et dirons que le Prin-temps & Automne

Constitution du tēps pris de 2. choses.

L'obseruation des Astres necessaire en la saignée

L'Autheur en son liure de Phlebotomie. chap. 4.

sont tres-propres pour faire saignée;
faisant election du vent qui court : cō-
me si c'estoit en Hyuer faut prendre vn
iour que le vēt de Midy souffleroit, fai-
sant la Phlebotomie du costé fenestre.

*Guidon.
trait. 7.
doct. 1. ch. 1.
Iueil. 606.*

Et en Esté on lā fera de la partie dextre;
parce que, selon Guidon, les humeurs
que nous cherchons en iceux temps à
euacuer, proprement sont en telles par-
ties. Estant vray semblable que les hu-
meurs froides dominant plus à la par-
tie fenestre, & les chauds en la partie
dextre.

*Chose di-
gne d'estre
notce.*

Dauantagel'observation des Astres
y est grandement necessaire : car nous
sçauons par experience qu'il ne fait bō
saigner la Lune estant en Leo, ou au
Dragon, 12. degrez deuant ou apres : &
notammēt quant Saturne est en oppo-
sition ou cōionction, ou Gemini avec
Mars: car tels aspects sont grandement
dāgereux: Mais la Lune deliuree de sō
empeschemēt, coniointe avec Iupiter,
Venus & Mercure, est fort bon. Or ob-
seruez ainsi. Pisces & Sagitarius pour
les lunaires, ou phlegmatiques, qu'ō ap-
pelle: la premiere partie de Libra, pour
les Saturniens ou melācholiques: pour

combatuë & abbatuë. 79

les Martialistes, Cancer & Pisces. Et leurs cōtraires sont Leo; la secōde partie de Libra; la premiere de Scorpio: les autres sont indifferēs & moyēs pour la Phlegbotomie. De cecy nous en parlōs plus amplement au liure cy dessus alleguë. Neantmoins pour plus ample enseignemēt notez, que la Lune est diuisee en 4. parties: la 1. est depuis la coniōctiō ou nouvelle Lune, iusques au premier quartier, figuré par Gemini, qui dure 7. iours: esquels fait bon saigner ieunes enfans. La 2. est depuis Gemini iusques à l'opposition, qui est la pleine Lune, autres 7. iours: esquels fait bon saigner ieunes & virilles, de l'aage de 20. ou 30. ans. La 3. est depuis l'opposition iusques au dernier Gemini; qu'il faut saigner les virilles & vieux, depuis 30. ans iusques à 60. La 4. partie de la Lune, sont les derniers 7. iours de son dernier Gemini, qu'il faut seulemēt en extreme necessité saigner les vieux & caduques, au dessous de 50. ans. Et neantmoins en quel aspect que soit la Lune, ne faut inciser aucun membre, ne toucher de ferrement, la Lune estant au signe dominant iceluy membre.

Diuision de
la Lune en
4. parties.

1.

2.

3.

4.

Ne faut faire aucune incision sur la partie, pendant la dominatiō del'Astre.

80 *La verolle reconnue*

Erreur de
plusieurs
Phlebotom-
istes.

Plusieurs
sont morts
par la sai-
gnée induë-
ment faite.

La forme
d'vser de la
saignée, en
la cure de la
verolle.

Voila en bref ce qu'on doit obser-
uer en la saignée, afin de ne faire pas
comme plusieurs font, lesquels sai-
gnent à tout heure, en tout temps, en
toutes saisons, & en tous aages: sans
considerer les forces ny la vertu du
Phlebotomé. Ny moins leur soucier
des accidens qui peuvent suruenir à
ceux qui ont esté saignez. Faisant
euacuation du sang plus qu'il ne faut:
ou bien faisant l'operation sur le mem-
bre, à l'heure en laquelle l'Astre y do-
mine. Tellement que plusieurs sont
morts par ce remede induëment admi-
nistré: lequel leur a sapé & retranché
l'usage de la vie. Où s'ils n'en sont
morts ils sont tombez en des longues
diuturnitez, leur corps en est deuenu
froid, blesme, & descoloré: & tout ce-
la par l'ignorance de l'operant.

Or le docte Chirurgien, qui aura en-
uie de saigner (car de moy ie confesse
ne saigner en poste, ainsi que plusieurs
font) & qui recognoistra la saignée
estre necessaire; ayant neantmoins fai-
tes les suppositiōs cy dessus alleguées:
il sera fort à propos de suiure ceste me-
thode. Sçauoir, que si les pustules, tu-
meurs

mieurs & vlceres, sont vers les parties inferieures & situées depuis le col en bas, la saignée sera bien à propos faicte de la basilique. Si les signes paroissent aux parties superieures, cōme au front, à la teste, au palais, dans le gosier, au col, de la Cephalique. Que si tous les symptomes offencent & occupent également tout le corps, & toutes les parties superieures & inferieures, de la Medi-
ne. Voila ce qui m'a semblé bon dire en ce lieu, touchant la Phlebotomie.

Reuenant maintenant à nostre premier discours, de la curation de la ver-
rolle: ie dis touchant l'administration de la derniere decoction susdicte, qu'on peut faire suër les malades, si on veut, le matin & le soir, vne heure durant: gar-
dant apres estre seché deux heures la
chambre auant sortir: toutesfois cela
est indifferent, & ie ne l'ay iamais ob-
serué. Bien donne-je aduis aux patiens
de faire quelque exercice moderement
violant; comme picquer cheuaux, cou-
rir la bague, faire aux armes, iouër à la
paulme, & autres tels exercices hone-
stes & vertueux.

Ce que
l'auteur
observe en
l'admini-
stration de
la deniere
decoction.

Touchant à la diette ie ne la prescri-

F

Auis de
l'auteur,
touchant la
diette aux
verollés.

L'auteur
en son trai-
cté des
Moufque-
tades, ch. 6.

point, d'autant qu'on en abuse par trop: vn regime non guere esloigné de leur premiere façon de viure, suffit, ainsi que i'ay dit cy deuant, au chap. 1. les raisons pourquoy sont deduites biē amplement en mon traicté des Moufquetades; ou le lecteur curieux les pourra voir. Neātmoins ie desire qu'en ce regime on obserue les lieux, les saisons, les temps, la coustume, & temperament du malade: & la grandeur ou petitesse de la maladie.

Or le malade doit euitier l'vsage de Venus, parce qu'en iceluy le corps s'eschauffe excessiuelement, & la maladie, par ce moyen, se pourroit disperser par toutes les parties du corps. Le semblable fera-il du chagrin & tristesse immodérée, & cholere violente.

Quand à la vraye & exacte preparation de ces decoctions, outre les susdites, elle se verra en ma grande Chirurgie Chymique Medicale, Dieu aydant. Toutesfois, ie diray en passāt, que cela se doit faire en faisant le Clissus separément de chasque ingredient qui les compose: puis les mesler tous ensemble, obseruant leur degré de qualité.

Preparatiō
des deco-
ctions sus-
dites, qu'el-
le doit
estre.

Touchant la methode que ie tiens à la
 preparation de celles icy, elle est en ce-
 ste sorte. Mes ingrediēs sont mis sepa-
 rément dans vn vaisseau de verre bien
 clos, & iceluy au bain Marie, macerer
 par 2. ou 3. heures à douce chaleur :
 neātmoins l'vn plustost & l'autre plus
 tard, suiuant la condition, & substance
 d'vn chacun ingredient. Apres i'assem-
 ble le tout ensemble (suiuant l'ordre de
 coction, & obseruation desdites infu-
 sions) dans vn vaisseau de verre d'assez
 grande capacité, l'entrée fort estroite;
 quasi semblable à ces grands recipians
 où l'on tire l'huile de vitriol; au col du-
 quel i'adapte vn petit capiteau : & la li-
 queur qui en distille, ie la garde pour
 seruir de vehicule au précipité avec
 l'huile de l'or : duquel i'ay parlé cy des-
 sus; & que nous descrirons cy apres. Or
 ce vaisseau sera tout a fait plongé ius-
 qu'au col dās vn bain Marie moyenne-
 ment chaud. Il faut noter qu'en ceste
 façō la faculté des ingrediēs ne s'exalle
 pas, ainsi qu'aux coctiōs ordinaires. Ce
 qui est digne de remarque, & qui de-
 uroit estre mis plus souuent en vsage.
 D'ailleurs qu'en la façō susdite leur

La façō de
 cest alam-
 bic se voit
 en mon
 bouquet
 Chymique

Nota. B.

84 *La verolle recogneüe*

vertu est bien plustost transferée dans l'humeur, en quoy ils seront infusez.

L'operant doit auoir vne parfaite recognoissance de la nature des ingrediens qu'il met en vſage.

Accidens qui arriuent en la verolle.

A quoy il faut que l'opperant soit fort circōspect, & ce à la cognoissance de la nature & estat desdits ingrediēs, & de ladite humeur : afin de ne les mesler plustost, ou laisser plus tard qu'il n'est necessaire : de crainte que les vns venās à s'alterer, ne viennent à alterer les autres, donnant par ce moyen à la decoction des qualitez contraires à celles qu'on desire. Venons maintenant à la cure des accidens qui communément arriuent en ceste maladie : cōme chaude-pisce, chancres, bubons, nodus & toffes, & autres vehementes douleurs. Au seul Dieu, Pere, Fils, & S. Esprit soit honneur & gloire és siecles des siecles. Amen.

Des accidens qui precedent ou ſuiuent la verolle ; avec leur curation.

CHAP. VII.

PEut-estre cecy semblera à quelques-vns superflu & inutile, qu'apres auoir traitté des remedes tres-certains à la maladie, i'en vueille encore

donner aux accidens qui la suiuent : par ce dirôt-ils que, *Ablata causa tollitur & effectus*. Ce seroit comme si quelqu'un auoit abbattu le corps, il voudroit par apres oster & destruire l'ombre: car les Symptomes est tout-ce qui suit la maladie comme sa cause, selon Galien. Et Paracelse (duquel vous faites si grand cas) veut qu'on ne se soucie des accidēs, non plus que celuy qui veut esteindre le feu ne se doit soucier de la fumee. A quoy ie responds, que cela n'a point de lieu en cēt endroit, car quelquesfois les accidens sont de plus facile guerison que la maladie mesme: joint qu'ils peuuent estre dits cause de maladie. Et c'est d'autant que paroissant plustost qu'icelle; negligez, ou n'estans traictez par vn docte Medecin Chirurgien, ils fōt faire le voyage de Bauiere & de claquedan, à ceux qui les possedent: lesquels en toute verité ne seront obligez de prendre cēt insupportable chemin, s'ils sont traictez selon nostre methode. Or d'autant que plusieurs autres raisons sur ce subiect, sont deduites en ma grande Chirurgie; joint que toutes ces obiections & repliques ne sont pas le

Propositio
specieuse.

Responce.

noeud de la matiere ; ie viendray à l'af-
seuree curation des accidens susdits: les-
quels peuuent aussi estre appelez mala-
dies, & premieremēt de la chaudepisse.

Deffinitio
de chaude-
pisse, selon
l'ancienne
& moderne
medecine.

Or chaude-pisse, ou ardeur d'vrine,
est vne debilité des testicules & vais-
seaux spermatiques, contractee d'une
vapeur æree, mercurielle, maligne &
veneneuse, prouenant du Coit: laquel-
le tumefie & vlcere les glandes Parasta-
tes, au moyen dequoy se fait vn flux
d'excremens foetides, puans, malins
& corrompus: de laquelle sont trois
especes.

Il y en'a de
3. especes.

1.

La premiere est celle qui comprend
seulement les parastates, les enfle, &
vlcere, mais sans grande douleur ny
acrimonie. Et icelle se fait simplement
par vn Coit immoderé, qui fait esleuer
vne vapeur mercurielle tres-legere, &
de facile dissipation.

2.

La seconde ne comprend pas seule-
ment les parastates, mais aussi l'epididi-
me, qui s'imbibe de l'humeur mercu-
rielle & fait intemperie, qui se com-
munique aux testicules, & souuent les
enfle & tumefie. Ce qui arriue quand
par l'action du Coit immoderé la con-
stellation des bources s'irrite.

Et la troiefme efpece, eft celle qui n'offence pas feulemēt les parties fufdites, mais toute la verge; voire avec telle douleur & acrimonie que l'humour ou vapeur mercurialle, par fon acritude, ronge & vlcere le conduit de l'vrine, & fouuent le faiēt retirer, dont toute la partie en eft courbee; & c'eft ce que le vulgaire appelle chaude pifce cordée; parce que quād la verge fe veut dresser elle demeure courbée cōme vn arc. De laquelle s'il fe fait ruptiō, s'enfuit vn flux de fang, quelquefois afsez fafcheux & difficile à reftreindre. Cefte derniere arriue, quād par le coīt, la constellation de la partie eftāt irritée, celle du Scorpion celefte fe joinēt avec elle, & font vne chaudepifce de tres-difficile traitemēt. Car le plus fouuēt en cefte efcoriation de meate s'engendre vne carnofité, fi de bōne heure il ny eft pourueu. Laquelle ne fe peut guerir que par l'vfage de l'huile de Mercure, cy-apres defcrit, appliqué en la partie externe droit le lieu ou l'ō remarquera la carnofité par attouchement du doigt. Venons maintenant à la curation de la chaude-pifce.

Qu'eft-ce que le vulgaire appelle chaude-pifce cordée.

Comme fe fait la carnofité.

Cure de
chaude
pisce.

Le Crocus
Metallorū,
purge suffi-
samment
sans es-
chauffer.

Or le premier remede pour la cura-
tion d'icelle, sera vn clistere laxatif
emolient, & refrigerant, tel que s'en-
suit. Faiçtes vne decoction avec fueilles
de Mauues, de violes & de Parietere an.
M.j. avec des fleurs de violes & de Bu-
glosse, & de l'orge ana. p.j. dās laquelle
vous dissoudrez j. ou 2. dragmes de Cro-
cus Metallorū, lequel n'eschauffe nulle-
mēt; & qui neātmoins purge & euacue
suffisammēt. Que si quelqu'un vouloit
ergotiser à l'encontre de ce remede,
qu'il voye combien de fois l'Hippocra-
te vse du Sel Nitre avec de l'eau, en plu-
sieurs clisteres, pour attirer sans es-
chauffer: Nitre qui est vn des princi-
paux ingrediens du Crocus, ainsi qu'il
se verra cy apres en sa composition. On
vsera dōc de ce clistere de prime abord
qu'on commencera à traicter le mala-
de: Puis le lendemain on le purgera
avec le Mercure de vie: Et puis luy fera
on vser des pilules qui suivent, ius-
ques à entiere guerison, qui sera dans le
cinq ou 6. iour pour le plus tard.

Pilules di-
uines, pour
la chaude-
pisce: aus.

Tirez l'extraict des grains de lierre,
avec flegme d'alun, puis l'euaporez &
faictes seicher, les reduisant en poudre:

laquelle sera meslée avec la partie la plus subtile du bol armeny, terre seelée, poudre d'Iris, semēce d'Agni casti, Coral rouge & blanc puluerisés, Mumiē, Crocus Martij astringens, & Cāphre. Tout cela sera ietté dans suffisante quātité de Terebenthine de Venise demy cuite, avec vin blanc, eau rose, eau de Plantin, & suc de cheurefueille: laissez apres cuire iusques à consumptiō des dites eaux, & en formez des pilules, de la grosseur d'un poids. Desquelles le malade en prendra 7. chascun matin; & ne mangera de trois heures apres: aussi ne sera-il purgé depuis ceste heure là en aucune façon que ce soit: car ce seul remede icy, purge, absterge, glutine, desseiche, & mitigue.

La subtilité du bol & de la terre seelée se tire en ceste maniere: il les faudra dissoudre dans un vaisseau de verre, propre à distiller, avec phlegme d'alun, y en versant tant par dessus qu'il la surpasse d'un doigt. Apres il faut retirer ce phlegme par distillation, à la chaleur de cendre: puis remettre par dessus de nouveau phlegme, puis le redistiller: & faut reïterer tant de fois que

quelles i'ay
dōné nom,
pilules di-
uines de
Campy,
parce qu'el-
les sont de
mon inuen-
tion.

Obserua-
tion en leur
vsage.

Façon de
preparer
les ingre-
diens qui
les compo-
sent.

90 *La verolle recogneue*

la terre demeure au fonds comme huile. On retirera ceste liqueur, & fera r'ô seicher dans vn vaisseau de verre au Soleil; ou bien à petite chaleur.

La doze de
chacun in-
gredient.

La doze de tout separément est, d'eau rose ℥ij. eau de Plantin ℥ij. ℞. vin blanc ℥ij. suc de cheure-fueille ℥ij. Therebintine ℥iiij. extraict de grains de Lierre ℥j. des terres ℥ij. d'yris, agni Casti, Coraulx, Mumie, Crocus Martij, & Camphre, ana. ℥ij.

Saignee en
la chaude-
pisse.

Sil'inflammation estoit grande, apres la purgation on pourra tirer du sang, telle quantité qu'on verra estre conuenable: toutesfois ie desire que ce soit vn Chirurgien bien experimenté qui en vse; & que cela se fasse avec grād raison, & non en poste, sous les cōsideratiōs cy dessus alleguees. Il faut noter en passant que ie ne puis tollerer la lourdisse, ainçois plustost ignorance malicieuse, de ceux qui dient qu'il la faut laisser longuement couler: aleguans que la guerison en est plus asseuree. Ignorans, ouy; afin que le venin verollique par son humidité latente ait plus de temps à s'insinuer aux veines; & de là à la masse sanguinaire: & puis à toutes les parties, & garde la ve-

Ignorance
malicieuse
de plusieurs
& eprouuee.

rolle. Venons maintenant aux remedes pour les chancres.

Ie desire, s'il est necessaire, qu'il soit purgé avec le Mercure de vie; toutes fois que cela se fasse apres auoir dissipé & destruit le venin empreint à la partie, au contraire non; ce qui se fera avec le Sel de Nicotiane, préparé en ceste façon. Distillez la Nicotiane en vaisseau de verre: puis quād vous aurez tiré tout l'eau & l'huile, bouchez bien le vaisseau, avec vn cappiteau qui n'ait point de bec, luttez le bien, afin que les esprits ne s'en euaporent point: Pouffez le feu iusques que tout soit Calciné, renuersez y l'eau & l'huile ensemble par dessus, & en tirez tout le Sel qui se pourra empraindre à ceste liqueur: puis iettés les feces. Apres distillez ceste eau, & le Sel demeurera au fonds de l'Alēbic blanchastre, calcinez le bien derechef à fort feu, puis reuersez par dessus d'autre liqueur sēblable, iusques qu'elle soit empreinte dudit Sel: redistillez, & vostre Sel demeurera blanc, au fond du vaisseau. Si faiçtes ainsi pour la 3. fois vous aurez vn Sel blāc comme la neige: lequel Sel retient la nature & proprieté

Cure des
chancres.
verollique

Façon de
préparer le
Sel de Ni-
cotiane.

92 *La verolle recogneue*

de la chose dont il est extraict. Il est tres-bon à d'autres maladies, que des changres, mesmes à la verolle, purgeât doucement, pris interieurement: ce qui est digne d'estre noté. Or si ce Sel est meslé 2. parts, avec demy part d'esprit de Mercure, il n'y a rien de semblable pour les chancres verolliques, adoucy avec l'eau blâche de Terebentine: mesmes à plusieurs vlceres intraittables.

Note.

Que c'est
que Pou-
lin.

Curation
des Pou-
lins.

Quand au bubon ou poulin (qu'on appelle communément) qui est vne tumeur en laine, qui se fait par la vertu syderale des bources; irritée ou par l'influence des Astres, ou par vn coit imoderé, il sera guery en ceste façon. Au mesme temps qu'il apparoiſtra, il faut appliquer vne ventouse, par 2. ou 3. fois dessus, & puis icelle ostee y mettre l'emplastre qui suit. Pr. Diachilō Magn. ℥j. huile de Galbanū & ammoniac ana. ℥.℞. faites emplastre. Apres qu'il sera ouuert, & qu'il aura ietté sa gorme, il faudra purger le patient avec Mercure de vie par 2. fois en 15. iours acheuant la cure du bubon avec l'emplastre Diasulphuris cy-apres descrit. Que si l'emplastre desusdit ne l'ouuroit assez tost,

il faudroit y appliquer dessus, vn Piro-
tique, ou bien l'ouurir avec la lancette.

Venons maintenāt aux nodus & tof-
fes, qui sont tumeurs aux os: lesquelles
se font lors que la vapeur du Mercure

Qu'est-ce
que Nodus
& toffes, &
comme ils
se font.

sublimé ayant trauersé les parties mol-
les & charneuses, s'attachēt aux fermes
seiches & solides; desquelles elle re-
tient leurs excremens, qui sont cras,
lents & visqueux, qu'elle congere en-
semble & les accumule: faisant des tof-

fes & tumeurs, lesquelles causent des
douleurs intollerables. Ce qui arriue

Douleurs
causées par
les Nodus,
intollera-
bles.

tant par la distention du periofte, qu'à
cause des ligamens, nerfs & membra-
nes, que ceste vapeur Mercurielle point
incessamment; & notamment la nuict.

Or ces Symptomes arriuent le plus
souuent à la verolle inueterée, ou apres
auoir esté mal pensée: cōme aussi dou-
leurs de teste insupportables. Ce qui ar-
riue le plus souuēt par l'indeuë admini-
stration de l'Argent-vif, ou crud, ou
mal préparé.

Leur curation se fera tres-facile-
ment & assésurément par l'usage du sus-
dit esprit de Mercure: lequel les resoult,
guérit & extirpe totalement. Et ensem-

Curation
des Nodus
& Toffes.

94 *La verolle recogneue,*

ble toutes les parties dolentes, gommeuses, & tartareuses; procedentes de la verolle: car il les dissout toutes: le semblable fait-il aux Scrophules: mais c'est d'un autre propos.

Façon de
faire l'es-
prit de Mer-
cure.

Or le Mercure mis avec huile de Sel armoniac fixe, subitement se resout en liqueur qu'on appelle esprit de Mercure. Dauantage lors qu'il est sublimé, coagulé & precipité, se resout facilement en huile.

*S'ensuit la fixation du Sel armoniac
& son huile.*

Façon de
fixer le Sel
Armoniac.

Pr. autant de chaux viue, comme de Sel armoniac, meslez les ensemble puis calcinez à forte chaleur; apres tirez le Sel avec eau chaude filtrez & desseichez, & soit reïteré 3. fois; mettant à chasque fois nouvelle chaux viue: & vostre Sel demeurera fixe, fondât au feu comme le metal: lequel on fera resoudre à l'humide.

Autre faõ.

Autrement pr. vne part dudit Sel armoniac, Chaux de coque d'œuf de my part, calcinez les, puis iettez par

combatuë & abbatuë. 95

dessus eau douce petit à petit, laquelle s'imbibera du Sel, dans six heures: faites la resoudre, & vostre sel demeurera fondant. Mettez ce Sel dans vn vaisseau en lieu humide dans la caue, ou dans vn puits, lequel vous agiterez souvent avec vn baston, & il se conuertira en eau: laquelle estant bien purifiée & mundifiée: pr. en ℥iij. & dissoluez petit à petit en icelle ℥j. Mercure metheorisé, (ie dis de Mercure de vie, aux ignorans) ou bien essensifié: & quand il sera dissould, prenez du papier de trace, ou papier gris, qui ne soit point colé, & luy faictes boire toute la dissolution. Apres cela mettez le en matras de verre avec son Alembic & recipient, & à chaleur de sable soit distillée vostre liqueur Mercurialle: laquelle sera rectifiée iusques à tant qu'elle aye acquis vne odeur fragrante, suauë & musquee. Ceste liqueur guerist parfaictement la verolle, si on en oingt la palme de la main & la plante des pieds. Il est tres-doux au goust, prise de 2. à 3. gouttes, avec vehicule conuenable, faict vn admirable

Mercure
metheorisé
qu'est-ce

L'esprit de
Mercure
d'odeur de
musc. guer-
rit parfaite-
ment la ve-
rolle.

96 *La verolle recognue*

effect: non tant par les sueurs, que par les vrines, & degections. On s'en peut aussi servir aux gonorrhées, pustules, & vlcères mauvais: aussi aux chancres & aux nodus, ainsi que nous auons dit cy-dessus. Mais combien plus de vertu auroit-elle, notamment pour l'interieur, s'il estoit préparé avec le Sel armoniac tire de la moyenne substance de nostre premiere matiere: ainsi que nous l'enseignons en nostre Hydre morbifique, exterminée par l'Hercule Chymique. Peut estre que quelques-vns m'entendront. La louange en soit à Dieu: auquel Pere, & Fils, & saint Esprit, soit honneur & gloire aux siècles des siècles. Amen.

Nota.

L'Authenr
en son Her-
cule Chy-
mique.

*Preparation des Medicamens cy-
dessus promis.*

CHAP. VIII.

Pilules Fætides.

Pilules fœ-
tides, & la

Pr. Sagapenum, Ammoniacy,
opoponax, bdellium, colocynte, se-
mence

mence de ruë sauage, aloës Suco-
trin, Epithyme ana. ziiij. Turbith
ziiij. Scamonée ziiij. Gingembre zj.
ß. fine Canelle, Nard indi. Safran,
Castor, ana zj. Euphorbe, ℥ii. dissol-
uez les gommés avec le suc de por-
reaux, & faites la masse.

façon de
les compo-
ser.

Pillules Hermodactiles.

Pr. Hermodactes, Aloës succo-
trin, Mirabolans, Turbith, Colo-
cynthes, Bdelium, Sagapenum, ana
zvj. Castor, Sarcocolle, Euphorbe,
opoponax, semence de ruë, apij, ana.
ziiij. Saffran Oriental zj. ß. avec suc
de chou despumé faictes la masse: la-
quelle melangerez en ceste façon. Ad-
ioustez au Turbith demy puluerisé,
les Hermodactes, Mirobolains &
Bdelium, s'il est sec (sinon sera fon-
du avec les liqueurs) & Castor: à part
chacun. Faut pulueriser l'Aloës, le
Saffran, Sarcocolle, Colocynthe, &
Euphorbe, avec vne amendre, pour
empescher que ne offensent celuy qui
les puluerise: puis on les meslera au

Composi-
tion des
Pillules
Hermodac-
tiles.

fuc. Faut fondre l'opoponax & Sagapenum, les couler & cuire en moyenne consistance: puis on adioustera toutes les poudres, pour le tout long-temps battre au mortier à coups de pilon, & former vne masse, ayant les mains ointes d'huile, laquelle vn peu seichée sera resserée au besoin.

Plus de faculté en l'extraict des pilules, qu'en toute leur masse.

Si d'une pillule, de la grosseur d'un poids chiche, est tiré l'extraict avec eau de vie, ce peu qui en sera tiré fera plus d'effet que 7. pillules en masse. Ou bien tirer l'extraict de tous les ingrediens susdits, chacun à part soy, puis les mesler ensemble & garder à l'usage.

Or il faut noter que le Panchymagogue tient le premier lieu en cecy: il se fait en ceste façon.

Composition du Panchymagogue.

Pr. poulpe de Colocynte, Elebore noir, & Diagrede de chacun ℥ii. ℞. Turbith, Hermodactes, Agaric, & Aloës, ana. ℥j. feuille de Sené oriental, & reubarbe choisi ana. ℥iiij. poudre Diarrhodon abb. ℥j. soit fait extraict selon l'art avec eau de canelle: y adioustant le Sel des feces.

La doze, à prendre seule, est d'une scrupule à demy dragme: & avec

le medicament susdit, demy scrupule.

S'ensuit la preparation du Mercure, avec Huile de Soleil.

Pr. Mercure precipité avec huile de Soleil, (ou bien avec fueilles d'or faictes amalgame, & le precipités en eau fort:) mais le premier est meilleur. Puis reuerbererez & dulcifiez, & avec vinaigre distillé essensifiez: Faictes evaporer le vinaigre, & le reduisez en poudre blanche, avec l'esprit de vitriol, ou de Souphre: puis separez par ablutiōs, dulcifiez & fixez avec Sel Nitre. Ce Mercure ainsi préparé & donné j. ou selon la disposition du corps avec vehicule conuenable, n'excite point à vomir, ny les sueurs, mais les vrines. Guerit la verolle, tout venin, la peste, toute fieure putride: C'est le specifique remede pour la purification du sang.

Preparatiō
du Mercu-
re avec huile
de Soleil.

Sa doze, &
vertus.

Il faut noter que le Mercure, se precipite envn moment, mis avec l'or

G ij

100 *La verolle recogneue,*

Moyen de
precipiter
l'argent-
vif en vn
instant.

Or effenci-
fié que cest.

essencifié; & se fait des deux (proportionnez comme il faut) vne admirable conionction, de laquelle les effets sont plains de merueilles. Nous auons dit qu'il se precipite en vn instant. Car les precipitez qui se font avec les Mercurcs Metaliques ou Philosophaux, & l'or essencifié, à sçauoir ou reduit en arcane, ou en Magistère, ou en teinture, ou en liqueur, ou en Souphre ou en Sel, ou en Mercure: lesdits precipitez, dis-je, se font en vn moment de temps. Car l'or estant ouuert, il est de nature si ignée & puissante, qu'il fait tout promptement son action.

Nous auons parlé de toutes les sortes de preparations qu'on peut donner au fils du Soleil, l'or, au iardin des Sperides, comme aussi en nostre Hydre morbifique exterminée par l'Hercule Chymique, ou nous renuoyons le lecteur.

*Panacée du Souphre , ou Cinabre
d'Antimoine , cy dessus promis.*

Le Souphre du Cinabre d'Anthi-
moine qui demeure au col de la cor-
nuë , apres auoir distillé la poudre
Emetique dite Mercure de vie, se tire
en ceste façon.

Faiçtes vne lexiue tres-forte avec
parties égales de cendres clauelées &
de chaux vine, & en icelle faiçtes boüil-
lir 3. ou 4. heures le Cinabre d'Anti-
moine puluerisé, en vn vaisseau de ter-
re, ou de fer. La lexiue deuendra tres-
rouge que filtrerez chaudement par
le papier gris; & separerez le Mercure
coulant, qui se trouuera au fond du
vaisseau. Puis laisserez reposer la lexiue
vne nuit, & le Souphre d'Anthimoi-
ne tombera au fonds en poudre rou-
ge, laquelle separerez & lauerez bien
avec eau commune, puis le desseche-
rez. Apres, pr. ℥j. de ce Souphre & ℥iij.
d'esprit de Souphre, fait par la campa-
ne, ou d'esprit de vitriol : Mettez le

Façon de
tirer le Sou-
phre du
Cinabre
d'Antimoi-
ne.

102 *La verolle recogneuë*

tout dans vne cornuë, faisant digerer 3. ou 4. iours sur les cendres chaudes, puis distillez par trois fois, donnant grand feu sur la fin, en sorte que la cornuë rougisse 3. ou 4. heures: & vous aurez vn Souphre fix. Duquel vous prendrés vne once; que meslerez (si en voulez vser seul) parfaictement avec magistere de Coral.

La doze est de 10. à 15. ĩ. aux maladies croniques, & faut reïterer la doze plusieurs fois: mais pour la decoction susdite, on y en met 3. ĩ.

Des cristaux de benioin.

Façon de
tirer les
Cristaux
du benioin.

Pr. De benioin concassé en grosse re poudre, & les mettez en vne cornuë avec de fine eau de vie, qui furnage 3. ou 4. doigts: laissez les ainsi par 2. ou 3. iours sur vn feu moderé de cendres, que l'eau de vie ne se puisse pas distiller; le remuant à toute heure. Cela fait accommodez la cornuë sur le fourneau dans vne terrine pleine de sable. Distillez à feulent l'eau de vie: puis l'augmẽ-

tant par les degrez apparoiſtront infinies petites aiguilles & filâmens, telles qu'és diſſolutions du plomb, & de l'argent-vif. Ce qui monſtre aſſez que le benioin en participe. Car il blanchiſt le cuiure & anime l'or: & mis en des decoctions de Gaïac (ainſi que nous auôs dit cy deſſus) fait d'admirables eſfects. Ils nettoient tres excellément la face, oſtant toutes les taſches & macules qui y pourroient eſtre: voire & effacēt les marques & veſtiges reſtans de la maladie venerienne. Le ſemblable fait le Tartre, qui contient auſſi beaucoup d'argent vif. Nous n'auons beſoin que de cela en ce lieu. Toutesſois ſi vous voulez paſſer outre pour tirer l'huile du benioin, qui eſt tres-admirable: il y faut proceder en ceſte façon.

Le benioin participe d'argent-vif.

Vertus des cristaux de benioin.

Tartre contient beaucoup d'argent-vif.

Quand donc ſes filammens ou aiguilles ſe monſtreront, continuez ce degré de feu & les laiſſez iouer dedans la cornuë par quelque eſpace de temps, tant qu'ils diſparoiffent du tout: cependāt ayez appreſté vn petit baſton qui puiſſe entrer dedans le col de la cornuë, car ces aiguilles ſe viendront reduire comme en vne moüelle, & ſi

Façon de tirer l'huile de benioin.

G iij,

104 *La verolle recogneuë,*

Notez.

vous ne les en ostiez soudain, le vaisseau se creueroit. Quand ceste gomme ou moïelle sera toute passée, avec certaine forme de beurre, qui se iettera puis apres dedans le recipient, l'huile commencera à distiller belle & claire; de couleur de hyacinte, & de fragante odeur. Apres laquelle, renforçant le feu, en sortira vne autre plus espoisse & noire, qu'il faudra receuoir à part. Ceste gomme ou moïelle blanchastre que vous aurez retirée du col de la cornuë, l'avez la avec de l'eau de vie, que vous en auez distillée du commencement, qui en extraira vne taincture de couleur citrine, cōme Safran, & lairra la gomme fort blanche, d'une tres-agreable odeur: propre pour en faire de Patenostres de senteur, de telle couleur que vous luy voudrez donner. Retirez vostre eau de vie par le bain, & au fonds vous restera ceste taincture jaulne; aussi d'une odeur tres-bonne: & qui a des grandes proprietes & vertus. L'huile noire est vn souverain baulme à toutes blessures: (& voila ce baulme de Leuant, dont vous vous laissez tromper ignorans.) Et des

Pateno-
stres de
senteur.

huile noire
de benioin,
vendu
pour baul-
me de Le-
uant.

terres qui resteront s'en peut extraire
vn Sel de grande efficace: duquel vous
vserez au lieu des aiguilles ou paillons
cristallins. Ainsi vous auez du Benioin
cinq ou six substances: la Gomme blā-
che, avec sa teinture iaulne: les deux
huilles & le Sel.

s. Ou 6.
substances
extraictes
du Benioin.

L'eau de vie qui est son principal de-
nouïement, & sans laquelle rien ne se
feroit en cecy, l'est aussi du Storax ca-
lamite, Labdanum, Myrrhe, & sembla-
bles gommes, dont l'huile s'extraict
par le moyen du vehicule de l'eau de
vie: Et y faut proceder tout de mesme
qu'au Benioin, mais il n'y a pas tant de
choses à demesler.

L'eau de
vie est le de
nouïement
du Benioin:
& de plu-
sieurs au-
tres medi-
camens.

*Les Cristaux de Tartre se
font ainsi.*

Pr. du Tartre de Montpellier, pul-
uerisez, mettez le en vne terrine plom-
bee, avec de l'eau de pluye bien nette, Cristaux de
sur vn tripied ou en vn fourneau, le fai- Tartre.
sant doucemēt par boüillir: escumāt la
villainie & ordures avec vne plume. Les
croustons qui s'esleueront par apres,

recueillez les avec vne grande coquille, tant qu'il ne s'en esleue plus; en renouellant l'eau à mesure quelle viendra à se diminuer. Versez la par inclination, & mettez à part ce qui sera resté au fonds en guise de sable. Remettez ces croustons avec nouvelle eau, faictes bouillir comme deuant fort doucement, recueillant les croustons qui s'en esleueront plus clairs & lucides que les premiers: separant les ordures & impuritez s'il s'en presente quelques vnes. Reitez cela par 6. ou 7. fois tāt que voz croustons soient clairs & luisans comme argent, perles, ou cristal: faictes les seicher au Soleil, & gardez pour l'vsage.

L'auteur
en son Her-
cule Chy-
mique.

Il s'en tire vne liqueur admirable pour les dissolutions metaliques: qu'on lise mon Hercule Chymique sur ce subiect, & le lecteur sera satisfait.

*Emplastre diasulphuris cy-dessus
promis.*

Preparatiō
de l'Empla-
stre diasul-
phuris.

Pr. huile de Souphre ℥iij Cire ℥i. Co-
lophoine ℥iij. Myrrhe au poids de ce

que dessus. Liquefiez la Cire & la Colophoine, avec ledit huile, & quand ils seront bien meslez ensemble, mettez-y la myrrhe subtilement puluerisée. Mettez cela à feu lent remuant tousiours avec vne spatulle, l'espace d'un quart d'heure, puis ostez du feu & gardez à l'usage.

C'est emplastre est admirable pour toutes sortes de playes, & vlceres telles quelles soient, pour toutes sortes d'apostemes, appliquant soir & matin il les suppure, romp mundifie & consolide. Le reste de ses vertus, ensemble du Baulme du Souphre, se verront en mon Bouquet Chymique : lesquelles sont veritablement tres-grandes.

Vertus de
l'emplastre
suscit.

*Crocus Metallorum cy dessus
promis.*

Pr. parties egales de Magnesie Satur-
nine, Sel nitre raffiné, parties egales pul-
uerisez ensemble mettez en vn creuset,
enflamez ledit Sel, lequel calcinera Phi-
losophiquemēt ladite Magnesie iusques

Façon de
faire le Cro-
cus metal-
lorum.

Magnésie
saturnine
racine des
metaux.

Vertus du
Crocus
metallo-
rum.

qu'elle soit à couleur de foye, & qui puluerisee est en couleur d'une poudre rouge, nommee le Crocus ou Saffran des metaux: pource que ladite Magnésie en est leur racine, & comme leur *Primum ens*. Iceluy donné de 6. à 8. ou 10. gr. en infusion dans du vin ou eau conuenable, est vn excellent purgatif & specifique contre la peste & verolle: prouoquant vn doux vomissement, necessaire le plus souuent pour la cure d'un tel mal. Le reste de ses preparations & vertus admirables, se verront en mon Bouquet Chymique, Dieu aydant.

*S'ensuit le vray Mercure de vie,
cy-dessus promis.*

Façon de
preparer le
Mercure
de vie.

Pr. Stibi mineral, bien trituré lb. β. Mercure sept fois sublimé, puluerisez cela bien ensemble, & mettez en vne retorte de verre bien luttee, poussez à feu lent du commencement, & puis gradués iusques que toute la distillatiō soit faite. Vous trouuerez dans le recipient vne matiere crasse, laquelle pren-

drez & mettez sur vn marbre au cellier ou à la caue en lieu froid & humide, & il se resoudra en huile. Lequel vous mettez en vne petite cucurbite avec son Alembic sur les cédres chaudes, & la liqueur viendra comme claire: augmentez y vn peu le feu, & il sortira vn huile de couleur entre rouge & citrin. Puis reïterez la distillation en autre Alembic, & separez lentemēt le phlegme d'avec l'huile & l'huile ira au fonds du vaisseau, de couleur rouge à nous necessaire.

Après faites Vitriol de Venus ou bien tirez la teinture du verd de gris, avec vinaigre distillé; euaporez & calcinez au rouge: après puluerisez subtillemēt avec fueilles d'ortres-pur, autant d'vn que d'autre, & en remuant imbibe de l'huile predict iusques qu'il soit espais comme miel. Après meslez vostre matiere en vn vaisseau de verre sublimatoire, avec son Alembic bien clos, augmentant peu à peu le feu & la matiere sublimera comme cristal, laquelle vous garderez à l'usage.

Les vertus de ceste poudre sont grandes, car elle guerit toutes fieures, lepre,

Vitriol de Venus, ou tainture de verd de gris.

Vertus du Mercure de vie.

110 *La verolle recogneuë*

hydropisie, goute, peste, & principalement la verolle.

Or d'autant que ce remede, appelle
 Autre fa^{on} de faire le Mercure de vie. **Mer**cure de vie, tiët le premier lieu entre tous lesdits purgatifs spécifiques; i'ay esté d'aduis d'en dōner encore, auāt faire fin à ce Chapitre, vne troisieme fa^{on}, ou preparation.

Notez.

Or cestuy-cy se compose avec 2. parties d'argent-vif, reduit en Metheore à la fa^{on} commune, & vne partie de la Metallique estoilee de la Magnesie Saturnielle, impregnee de tous les metaux selon la proportiō requise, le tout puluerisé, meslé ensemble, & mis promptement dans vne cornuë (d'autant qu'autrement en peu de temps vous verriez eschauffer de soy & fumer de telle sorte ce meillage, que vous ny oseriez mettre la main:) vous tirerez à feu de sable, donné par degrez, & par déssous & par dessus, vne liqueur gommeuse, & vn Mercure coulant Philosophique, que pourrez separer à part de ladite liqueur gommeuse, qui se congele au froid, & se resoult à la moindre chaleur, en vne liqueur claire & pesante comme Mercure: que pourrez pre-

combatuë & abbatuë. III

Escipiter en vn clin d'œil, dans l'eau froide, en vn Calle ou poudre tres-blanche, qu'il faut adoucir par plusieurs lauacres de sō acidité vitriolique, qui tient lieu du vray esprit de vitriol.

Ceste poudre blanche seichee selon l'art, & repassée sur vn bon esprit de vin ou d'eau de vie de Geneurier, & donnee en poids de quatre ou cinq grains, est vn vomitif & purgatif tout ensemble, d'une admirable vertu, pour toutes pestes, verolles, & autres maladies contagieuses.

Purgatif & vomitif excellent cōtre la peste, verolle, & autres maladies contagieuses.

Qui sçaura fixer ceste poudre avec le seul Sel Souphreux de nature, en fera vn souuerain purgatif, sās vomissemēt: laquelle façon nous enseignons en nostre Pharmacopee Vulcanique ou Spargerique.

Il se peut rendre vn grand & Specifique Sudorifique, non seulement pour la verolle, mais aussi pour la peste: contre laquelle il est aussi vn grand Bezoardique; Et ce faict en ceste façon. Pr. la liqueur gommeuse, qui se faict du meslange susdict, purifiez la tres-bien, puis la meslez avec l'esprit du Sel tout animant: en ceste

Sudorifique & Bezoardique, contre la verolle & peste.

nixtion vous verrez merueilles, par le combat qui s'excitera entre ces deux dragons, que trouuerez en fin pacifiez & reduits en vne poudre precieuse, dōt les vertus sudorifiques & Bezoardiques sont admirables: Il se donne en doze de cinq ou six grains, meslez avec l'extract, ou sel de Gaïac, pour la verolle avec vn peu de fine theriaque. Et pour la peste avec confection de Hyacinthe, ou quelque conserue cordiale, dont on fait vne pilule de la grosseur de pois: faut faire couvrir le malade, lequel suëra extremement, & en la peste s'etira soudain vn grād alegemēt.

Autre mer-
cure de vie
incompara-
ble.

Sel Solaire
c'est le sel
Armoniac.

Finalemēt, pour faire vne Mercure de vie tout autre que les susdits: pr. la liqueur gommeuse, qui se faict du Mercure metheorise, & de la Metalline estoillee, associee avec toutes les planettes, dōt nous auōs parle cy-dessus. Empreignez-là de l'esprit du Sel Solaire, digerant le tout Philosophalemēt: puis le reduisez en essence. Icelle peut tres-parfaictement dissoudre le metal le plus precieux, & le despoüiller de sa tainture, ou le reduire en liqueur qui passera par l'alembic, & dont

combatuë & abbatuë. 113

dont on fera alors vn magistere fort excellent, pour dompter en bien petite quantité, le plus grand venin des pestes, des verolles, & de toute maladie contagieuse & Astralle: c'est à dire, dont les causes sont Spirituelles & occultes.

Le curieux qui desirera voir plusieurs autres belles purgations, toutes pour la verolle, voye cy apres l'antidotaire venerien, & il sera satisfait. La gloire & la louange en soit renduë à vn seul Dieu Trine en vnité. Amen.

Fin du Traicté de la verolle.

Priez Dieu pour moy.

H



ANTIDOTAIRE VE-
NERIEN , A V Q V E L
est traicté de la preparation
de plusieurs & diuers reme-
des, propres pour la curation
de la verolle.

*Par David de Planis Campi,
Chirurgien Galenicq, &
Spagericq.*

Auant propos.

BI en que certainement on
puisse guerir la verolle en
semble tous ses accidens,
avec les remedes cy-dessus,
descripts (comme l'experience ma fait
voir par plusieurs fois) neātmoins ce ne
sera à mon aduis improprement proce-
dé de rapporter en ce lieu c'est Antido-

taire, dans lequel est contenu plusieurs & diuers remedes, pour ce detestable gage du peché de paillardise. Ce qui donnera plus de courage aux Chirurgiens qui font profession de traicter ceste maladie, quand il veront en ce lieu vn renfort de secours, touchant l'extirpation d'icelle: ioinct que c'est pour euiter la peine de rapporter à tout coup, ailleurs en mes autres œuures, les remedes qu'on trouuera en quātité suffisante en ce lieu icy. L'ayant faict aussi tout expres, afin que l'expert & ieune Chirurgien en puisse faire election, selon le temperamment des personnes, & selon la qualité & nature de la verolle & des Symptomes qui l'accompagnēt. D'ailleurs que l'vn y pourra prendre à gré vn remede, l'autre vn autre: & ainsi suiuant les diuers appetits des lecteurs, chascun contentera ses diuerses opinions en ces diuersitez: c'est aussi le but ou i'ay tousiours tendu. La gloire à Dieu.

*Huile de Gaïac tres-admirable aux
ulceres veroliques.*

Façon de
tirer l'huile
de gayac.

Notez 3,
proprietiez
differentes
au gayac.

On le tire *per decensum*, avec le vaisseau figuré en mō bouquet Chymique, le gaïac estant concassé : puis on le redistille *per ascensum*, melle avec sable. Le premier est noir & espais : & à la derniere distillation il est iaune. C'est huile est aucunement caustic, neantmoins tres-admirable pour tous vlceres veroliques, & de tress. On le peut prendre par la bouche avec vehicule conuenable. Quelques vns l'infusent conquassé dans l'eau comune chaude, puis le poussent par la cornuë. Il faut noter qu'au seul Gaïac se treue 3. proprietiez diuerses sçauoir la dieuretique en son esprit acide : la sudatiue en son huille, m'estant quelques gouttes d'iceluy dans du vin ou quelques boüillons : & la vertu purgatiue en son sel : vn ou deux scrupules duquel meslez avec sa propre eau, ou liqueur acide purgent suffisammēt. Ces diuers remedes sont

descripts en mon bouquet chymique.

*Huile d'argent-vif, ou baulme de
Mercure.*

Purgez le Mercure, avec la chaux
faicte de lie de vin seichee: puis esle-
ué en haut par le vitriol ou salpêtre & a-
lun, en apres il est digeré avec l'esprit de
vin estant corrigé. Finalement se trans-
muë en graisse morueuse; de laquelle
faut tirer la liqueur, & la faire distiller
dās le sable à gros feu iusques à ce qu'il
en sorte vn humeur blanche comme
laiët: lequel on verse derechef dedans,
& en sort par apres vn huille fort blāc,
& tres-soüafue; n'ayant aucune corro-
sion: lequel surmonte les plus excellēs
huilles de quel metal que ce soit. S'il est
fondu par apres avec l'or & congelé, il
est tres-admirable pour la verolle
meslé avec la masse des pilules. D'ail-
leurs c'est vn tres-grād secret pour l'art.
On peut mesler c'est huille tout seul,
sans estre m'eslé avec l'or, aux vnguēts

Baulme de
Mercure.

Vertus du
baulme sus-
dit, m'esle
avec l'or.

H iij

si on est desireux de graisser les malades: car il fera bien plus d'effect, esloigné de toute suspicion, que non pas le Mercure crud.

Si on veut traicter la verolle par les sueurs, cela se fera avec l'arsenic preparé en ceste façon.

Comment
est ce que
l'Arsenic se
prepare.

FAictes tout premier sublimer l'arsenic de soy: puis le faictes bouillir dans du vinaigre blanc & bien fort l'espace de deux heures, qui le despoüillera de quelque noirceur, & de quelque folle farine corrosiue: puis il le faudra sublimer avec l'escaille de fer, qui retiendra son plus grossier & noir venin: & lors il sera parfaictement adoucy, le resublimant encore deux ou trois fois, avec son double de Sel commun preparé. Meslez le avec eau de vie, & en frottez la plante des pieds & la paume des mains. Que si on s'en veut servir pour purgatif: prenez la moyenne substance d'iceluy, & en donnez ou en substance ou en infusion de 5. 6. 7. à 8. grains: C'est vn purgatif qui ne cause

nulle perturbation, mais qui purge les venins particulièrement des pestes, lepres & verolles. Vous cognoistrez sa perfection, quand vous verrez qu'estant jetté sur le metal, il le blanchist à perfection, blancheur qui demeure, encore qu'on rougisse les metal au feu: en lieu que l'arsenic non préparé le noircit, voire & le soüille par vne fumée infecte, que l'œil peut voir, & le nez flairer avec incommodité. Voila comme l'Arsenic (qui est vn si grand venin) se peut rendre vn grand Alexitere, tât purgatif que sudorifique: voire & tres-admirable contre, les cancers qui causés d'un Sel septique & arsenical sont gueris aussi (selon Arnould de Ville-neufue) par le seul Arsenic: vn venin attirant & mortifiant l'autre. Comme contre les venins des serpens & des Scorpions, il n'y a meilleur remede que ceux qui sont composez des mesmes bestes venimeuses.

Vertu de
l'Arsenic
preparé.

Cause des
cancers.

La poudre qu'on compose au iourd'huy, pour la totale mortification & curation desdits cancers, vlcérés, qui se fait avec ledit Arsenic racine d'Arroon & vn peu de suye, est si vulgaire, &

H iij

Poudre ex-
terminati-
ue du can-
cer.

neantmoins si asseuré remede audit
mal, ny estant que saulpoudré vne seu-
le fois, que d'en douter, ce seroit des-
mentir les sens, qui nous font voir l'es-
preuue & la verité de la chose.

*On peut faire suer encore en ceste
façon.*

Medica-
mens Dia-
phoreti-
ques.

Pr. Mercure Diaphoretique $\mathfrak{g}.$ j.
ou ij. eau theriacale \mathfrak{zj} . ou demy.

Les fleurs de Souphre sublimées 3.
ou 4. fois, est vn admirable medica-
ment pour purger tous les membres
du corps iusques à parfaicte santé.

L'eau Theriacale se fait ainsi.

Pr. Eſprit de vin $\mathfrak{z}v$. Theriaque de
Venise $\mathfrak{z}ij$. β . Mirrhe fine $\mathfrak{z}x$. Saffran
oriental $\mathfrak{z}ij$. le tout soit meslé ensem-
ble, & distillé au bain à feu de cen-
dres: gardez à l'usage.

Autre façon de faire suer.

Faites l'extraict de Gaïac, Ebene, Salsepareille, Saxaffras, semence de cardon benist, & Canelle, & ce avec l'eau de vie, chacun à part, icelle estant bien chargée de leurs tainctures meslés ensemble, & ferez euaporer au bain, y adioustant esprit de Tarte rectifié, comme aussi des fleurs de Sel Armoniac. Faisant doucement desseicher iusqu'à consistance d'Opiate, laquelle excite grandement les sueurs: l'exacte preparation de laquelle se verra en ma pharmacopée Spagerique.

Opiatte Sudorifique.

Huile pour les chancres & fistules veroliques.

Faites Amalgame de Mercure avec estain, puis soit meslé avec huile d'amendres ameres: distillez ledit huile par vne retorte, ou par l'Alembic, & la gardez: icelle guerit les chancres & fistules veroliques sans douleur.

Huile aux chancres veroliques.

*Vnguent pour toutes sortes d'ulceres
veroliques.*

Vnguent
pour les
ulceres ve-
roliques.

Pr. Huile de Mumie ℥iij. Litarge
& Miniana. ʒ. ʒ. Huile de Mirthille
℥iij. Mastich, Mirrhe, Thus, ana. ʒij. ʒ.
Aloës Epatic ʒj. ʒ. Therebinthine la-
uée ʒiij. ʒ. faictes vnguent selon l'art.

Vertus de
la ceruse
d'Antimoi-
ne.

La ceruse d'Antimoine (la prepara-
tion de laquelle est enseignée au 3. li-
ure de l'Hydre morbifique, au chap. de
la preparation des medicaments) est
du tout admirable à la curation des vl-
ceres inuecterez, aux escabies, verolles,
& autres pustules malignes; comme
aussi en l'Hydropisie: voire en telle
façon, que tout le Gaïac, ny lesque &
falses pareille du monde ne sont à com-
parer à elle. Elle cause les trois pre-
miers iours vomissement: après son
usage faict lascher le ventre quelques
iours sans autre chose: & en fin elle ne
cause que les sueurs, iusques à guerison
entiere.

sa doze:

La doze est de ʒ. ʒ. iusques à ʒ. ʒ. le
matin 4. ou 5. heures deuant manger,

avec vin blanc Aromatisé vn cuillier
de bouche, ou autre vehicule: le reste de
ses vertus se verra en mon bouquet
Chymique.

*Eau tres-singuliere pour la
chaude pisse.*

Pr. Limaçons à coquille, aulbins Eau pour la
d'œufs ana. ℥b. j. semences froides gran- cure de la
des & petites ana. ℥. ℞. eau de laictuës chaude-
℥iiij. casse bōne & recēte, therebinthi- pisse.
ne de Venise, ana ℥iiij. ce qui doit estre
concassé le soit, & le tout bien meslé
ensemble, soit laissé fermenter vne
nuict, puis soit mis à distiller: serrez ce
qui distillera dans vnephiole bien bou-
chee, laissant reposer quelques iours
auāt qu'ē vser, à quoy vous adionsterez
courageux, & Crocus Martij astringens
dissoults avec esprit de Gaïac, & de
noix de galles.

La doze, est ℥℞. à ieun, avec enuiron
℥℞. de sucre rosat; & dans neuf iours vñage.
pour le plus tard on sera parfaictement
guery.

*Autre eau contre la Gonorrhée fœti-
de & virulente.*

Eau contre
la Gonor-
rhée viru-
lente.

Pr. Poudre de Menthe seiche, dicta-
me & racine d'Iris de Florence, ana. ℥j.
poudres de semences d'agni casti, Rue,
Laiçtuë ana. ʒvi. racine de Tourmen-
tille, d'Alchymille, Piloselle & Verge
doree ana. ℥ß. Terebinthine de Veni-
se ℥iiij. vin blanc ℥xx. mettez le tout
dans vn alembic & distillez au bain va-
poreux.

Vsage.

L'usage & la doze, est de deux cuil-
liers de bouche au matin, si souuent
que verrez estre necessaire; ayant pur-
gé auparauant avec la manne Mercu-
riale.

Si l'on y veut adiouster vn peu
de flegme d'alun, avec de l'esprit
d'ebene, dans lesquels on dissoudra
℥ij. Sel de Saturne ne seroit pas mal
à propos: ou bien du precipité sui-
uant.

Precipité pour la Gonorrhée.

Dissolvez ℥iij. Mercure purifié dans
 l'eau fort : mettez aussi ℥j de Venus Precipité
admirable
pour l'in-
flammation
d'urine.
 dans vn petit matras, à dissoudre à part,
 puis mellez ces 2. dissolutions, & faites
 exaller l'eau fort sur le sable, donnant
 grād feu sur la fin pour faire sortir tous
 les esprits: le vaisseau estāt froid broyez
 le precipité en poudre subtile, que
 mettrez dans vn matras, & par dessus
 du vinaigre 3. fois distillé, qui surnage
 de demy pied, faictes digerer au bain
 l'espace de cinq ou six iours, faisant
 boüillir l'eau sur la fin, afin de faire dis-
 soudre le Mercure dans le vinaigre,
 qu'il faut filtrer chaudement, & faire
 exaller à la vapeur du bain, & le precipi-
 té demeurera verd au fonds.

La doze est de quatre à six grains.
 Si on se veut seruir du Mercure de
 Venus pour le precipiter comme des-
 sus il y est beaucoup plus admirable que
 le commun: & non seulement à la Go-
 norrhée, mais aussi à la verolle, & vn
 grand Bezoardique contre la peste. Il

Vertus du
 Mercure ti-
 ré du Ve-
 nus.

se mortifie avec les liqueurs acides, ou du Souphre ou du Vitriol, & reduit par reïterees coobations en couleur de fleur de soucy : estant en apres dulcifié avec les ablutions des eaux requises, est vn des plus grands & premiers reme- des sudatifs & Bezoardiques, donné vn seul grain, ou deux pour le plus, avec quelque liqueur conuenable. Il preser- ue la personne attainct de la peste, de la mort: si on le prend aussi tost que l'on se sent frappé dudit mal : c'est à dire douze ou seize heures apres.

Façon de
tirer le Mer-
cure de Ve-
nus
L'Aigle
exaltée c'est
le sublimé.
Le Sel Solai-
re, c'est le
Sel Armo-
niac.

Ce Mercure de Venus se tire en ceste façon. Pr. vne partie de Limaille de Venus, 2. parties del'Aigle exaltée, & trois parts de Sel Solaire: le tout pou- droyé & meslé ensemble, mis dans vn matras capable: enseuely entre l'arene, & donnant feu dessous & aux enuirōs, tant que la matiere se fonde comme cire : alors il faudra plonger soudain vostre vaisseau dans l'eau : & trouuerez vostre Mercure de Venus coulant, & de couleur verdastre : qui quoy que ce soit est propre aux effects susdits.

*Quinte-essence de Mercure admirable
à la maladie Venerienne.*

Pr. Mercure de Cinabre sublimé ou
precipité, mettez dessus esprit de vinaigre 4. fois rectifié, & tirez sa subtilité, Quint-essence du
Mercure.
faisant eau celeste ou esprit ætheré de
Tartre; tirez & separez au baing, & il
restera vne masse comme Sel, mettez
dessus eau pluuiale, 4. fois distillée, &
par diuerses extractions & distillations
segregerez, & le Sel demeurera tres-
subtil: digerez le par 4. mois en esprit
de vin, en bain continuellemēt chaud,
apres distillez l'esprit de vin: continués
cela diuerses fois, & il demeurera fondu
en forme d'huile cendré, ou esprit de
Terebinthine: auquel perseuerant la
chaleur, le changerez en poudre tres-
rouge, laquelle dissoudrez en liqueur
conuenable. Donnez le à la maladie
venerienne vn grain en decoction de Vertus de
la quint-essence de
Mercure.
Gaiac, (de celle qui distille par le bec
de l'alembic, ainsi qu'il est enseigné cy-
dessus à la 3. decoction, au chapitre de

la methode curatoire) 3. fois en quinze iours. Son operation est par les selles, vrines & sueurs ; ainsi que l'experience m'en a rēdu maintefois certain. Avec ceste quint-essence on peut faire la quint-essence de l'or tres-cachee,

*Pilules de Mercure, avec lesquelles
on guerit parfaictement la
verolle.*

Le Mercure
requiert
des prepa-
ratiōs Phi-
losophi-
ques.

AV lieu que plusieurs mal informez, meslent le vif-argent crud en ces pilules, nous y mettons le Mercure precipité Philosophiquement: ie dy Philosophiquement: car ien'entēds parler des precipitez vulgaires, qu'on fait avec les eaux fortes, qui, quoy qu'ō les laue, le plus souuent sont erosifs & vomitifs: d'autant qu'on ne peut bien separer les esprits ignees desdites eaux fortes.

Je n'approuue donc en nulle sorte telles precipitations: ains celles qui sont faictes, ou du seul Mercure, par le moyen d'un seul vaisseau de rencōtre, où il s'agite & precipite à la longue, à l'ayde

l'ayde du feu par degrez, & se conuertit en fin en vne poudre rouge-pourpree d'une admirable vertu.

Il se peut aussi precipiter en beaucoup moins de temps, (ainsi que nous auons dit cy-dessus, à la fin du traicté de la verolle) avec le feu interne de l'or, mesmes y estant materiellement adiousté: (ainsi que nous ferons veoir cy dessous, parlant de l'*Aurum vitæ*;) mais avec l'or essensifié il se precipite en vn moment, & se fait des deux (proportionnez comme il faut) vne admirable conionction, de laquelle les effects sont pleins de merueilles.

Pr. Donc de ce Mercure precipité Philosophiquement, ʒj. Therebinthine 4. grains, Myrrhe, Saffran, racine de Gētiane ana. ʒ. ij. ʒ. Reubarbe ʒ. xxiiij. Aloës ʒj. ʒ. musc, & Ambre gris ana. ʒ. ij. Electuaire Diamargaritum Frigidum, Triasantali, ana. ʒ. xv. Electuaire Diatragagāti Frigidi, ʒ. x. Sirop d'estechas, ou bien de miel ʒij. ou ce qu'il en faudra pour en former la masse. Au lieu du precipité, on peut mettre si l'on veut le *Aurum vitæ* cy-dessous décrit.

Comment
le Mercure
se precipite
Philosophiquement

Pilules du
precipité
Philosophique.

On vſera de ces pilules apres 8. iours de diette & purgations neceſſaires, qui ſe peuvent faire avec Diacartamy, & confection amech.

Uſage des
pilules Phi-
loſophi-
ques.

Leur uſage ſera de x. ou de 15. iours, ou tant qu'il en ſera de beſoing, 3. à chaque priſe de deux iours l'un: augmentant ou diminuant la priſe, ſelō la diſpoſition du corps: & le iour que l'on n'en prendra point, faut prendre vne dragme ou deux de bon Theriaque.

Deux ou 3. de ces pilules, de la groſſeur d'un pois, font faire environ 3. ou quatre ſelles, ſans aucune incommodité.

Aurum vite.

Façon de
faire l'orde
vie.

Pr. Vne dragme ſol en limaille ou en fueille, Mercure purifié \mathfrak{zj} . mettez le Sol dans vn criſet, faites le fondre; puis l'ayant retiré du feu, comme il ſe voudra refroidir jettez y promptemēt voſtre Mercure deſſus, meſlez les bien enſemble avec vn petit baſton, ou verge de fer, laiſſez les refroidir & ſera fait amalgame: mettez cela dans vn petit

Alembic & iettez dessus ℥j. d'huile de Souphre, ayant mis le Capiteau, faites le distiller doucement iusques à dessiccation: retirez vostre matiere, puluerisez la iusques à ce qu'elle soit impalpable, puis l'arrousez derechef d'huile de Souphre; continuant ceste operation par cinq fois: puis gardez à l'usage qui est aux ieunes d'un demy denier, & aux grands & forts d'un denier. Ceste poudre guerit de la peste, verolle, ladrerie hydropisie, & autres maladies difficiles à guerir: elle desopille & ouvre les obstructions du foye & de la rate: elle profite grandement à ceux qui ont beu du venin: & est vn souverain remede aux mauuais vlceres, le prenant au dedans & le meslant aux ynguents ou emplastres.

Nottez qu'on peut purger touchant la verolle à la fin, avec Mercure de vie & saigner deux iours apres.

*Autre moyen de Medicamenter les
corps robustes, atteints de la ma-
ladie Veneriene inueterée.*

Pr. Pilules foetides & Hermodaetil- Façons de
medicamē.

I ij

ter les
corps ro-
bustes ve-
rollez.

les ana. \mathfrak{zj} . β . Extraict d'Elebore, où bien son suc, préparé comme cy-apres sera dit \mathfrak{g} . \mathfrak{iiij} . extraict de Diagrede \mathfrak{g} . \mathfrak{iiij} . formez pilules avec eau de vie. Apres le iour suiuant donnez luy les Syrops qui suivent, continuant 3.iours.

Pr. Syrop de fumeterre, de duobus radicibus, de Chicoree ana. \mathfrak{zvj} . eau de fumeterre, de Chicoree & de Scabieu-se ana. \mathfrak{zj} . apres luy faut donner \mathfrak{zj} . β . Diacarthami. Laissez le reposer par 2.iours: puis si vous voulez vser de frictiō, baillez là comme s'ensuit.

Pr. graisse de porc \mathfrak{lb} j. graisse de Chastre \mathfrak{ziiiij} . moüelle de bœuf \mathfrak{zij} . huile de Camomille, d'Anet ana. \mathfrak{zij} . huile laurin \mathfrak{ziiiij} . Terebenthine claire \mathfrak{ziiiij} . ou bien de l'esprit de Therebenthine sulphuré, meslez cela ensemble sur le feu, puis le coulez: & en la Collature mettez \mathfrak{ziiiij} . Litarge d'or purifiée, Mastich, Encens, & Myrrhe, bien meslez ensemble ana. $\mathfrak{z}\beta$. que si y voulez mesler de l'Argent-vif, il sera préparé en la façon qui sera dit cy-apres, car d'en vser tout crud, ie supplie voire ie coniure au nom de Dieu tous les Chirurgiens ne le faire point, eu es-

gard aux accidens tres-pernicieux qui
en peuuent arriuer.

*Ou bien on traictera les verollez en
ceste façon.*

A Pres auoir preparé le corps avec
les Syrops cy-deuant dits mes-
lez avec l'extraict de Sené, d'Epitime,
Polipode, & Magistere de Tartre vi-
triollé : On purgera avec le *Diasolis*
Stibiaty, puis on saignera le lendemain
s'il est pletorique. Quoy faict 2. iours
apres on le fera suer en vn instrument
de bois faict en ceste sorte. Il doit estre
de figure ronde ayant de diametre 3.
pieds & demy en largeur, & en hauteur
3. ayant vne petite entrée par le deuant
d'environ vn pied en hauteur & vn &
demy en largeur. Au dedans y aura vne
planche mise en trauers, sur laquelle
sera assis le patient : & par dessous icel-
le y aura vn reschaut plain de braize de
gros charbon, où bien vn gros gres
chaud. Et par dessus cest estuue passe-
rez la moitié d'un cercle à deux appen-
dices qu'il y aura à chasque costé d'i-

Diasolis
stibiaty
de nostre
descriptio.

Estuue de
l'inuention
de l'Au-
theur pour
faire suer
aisément
les Verol-
lez: laquel-
le est figu-
rée en la
Pharmaco-
pée Spage-
rique.

celle : puis la quatriesme partie d'un cercle a la troisieme appendice, qui est à l'opposite de la petite porte, puis attacherez le bout d'icelle droitement au milieu du demy cercle, de maniere que cela fasse vne demy voutte. Laquelle vous couurirez d'un linceul, qui soit grand en telle façon qu'il puisse enuelopper le malade apres qu'il aura sué: puis sur iceluy linceul vous mettez deux ou 3. couuertes. Quoy fait la braize, ou le gres, estant dedans, y ferez entrer le patient, que ferez asseoir sur ladite planche, ayant premierement mis sous son cul vn linge en 5. ou 6. doubles, puis le gresserez à vostre aise de l'unguent cy apres descrit: luy ayant premierement fait prendre de nostre Opiatte Sudorifique cy. deuant descrit ℥j. ou bien ℥iiij. de ma decoction Diaphoretique, tant soit peu tiede. Apres ferrés doucement le linceul deuant l'entrée de ladite estuue, ensemble les couuertes, en telle façon que le tout enueloppe sa teste, & vienne se joindre sous le menton, n'ayant rien que le visage de hors: lequel vous luy essuyerez de temps en temps, à mesure qu'il sue-

ra, avec vn linge blanc: prenans bien garde qu'il n'y entre point de vent, ny aucun air. Apres qu'il aura sué 2 heures ou 2. & demy, selon ses forces, vous l'osterez de là, & tout enuveloppé du linceul predict, le coucherez dans son liect, qu'aurez fait premierement chauffer, ou il suera de soy encore vne demy heure. Puis l'ayant bien seiché vous le laisserez reposer pendāt vne heure, apres laquelle luy donnerez à disner de viandes bien nourrissantes & humectantes, prenant garde que les boiillons soient bien succulents. Estant à noter en passant que si l'on vouloit comme à l'accoustumée, faire faire vne diette de 8. iours auant bailler les frictions, ie ne l'empesche. Continuant, on le pourra faire suer en ceste façon deux fois le iour s'il est assez fort; sinon on se contentera d'une.

Que si on estoit desireux de luy prouoquer le flux de bouche, & que par le moyen de la friction, la saluation ne parust point, on la pourra exciter en ceste façon. Pr. ζ ij. Sublimé doux puluerisé, & avec quelques gouttes des Syrops cy-deuant dits, formez cinq pi-

Façon d'ex-
citer le flux
de bouche.

Decoction
vsuelle pen-
dant la cu-
ration.

Purgation
reiterée,
qu'elle.

lulles, desquelles en exhiberez tous les matins vne, quatre heures avant le repas, iusques à tant que vous voyez la saluation suffisante à vostre intention. Quand à la decoction de laquelle il vsera aux repas & entre iceux, elle sera telle qui suit. Pr. racine de Schyne ℥ij. ℞. Polipode de chesne ℥iij. Salsepareille, & Hermodactes ana. ℥iij. fleurs seiches de roses de Damas & de buissons ana. ℥j. ℞. fleurs de suzeau & de fresne ana. ℥j. faictes infuser le tout en parties esgales de vin blanc & d'eau de fontaine ℔.x. pendant 6. heures au bain: & sur la fin faictes luy prendre deux ou trois bouillons; puis coulez là & l'aromatisez avec sucre & Cinamome.

Six iours apres son flux de bouche passé, luy ayant changé de liét, on le purgera avec nostre Electuaire *dia ebe-
no*, ou bien avec nostre Catholicon Panchymagogique: la preparation desquels se verra en ma Pharmacopée Spagerique ou Vulcanique. Quoy fait six iours apres on le mettra dans le bain qui s'ensuit. Pr. Eau d'escabieuse, de Chicorée, Buglosse, Bourroche, ana. ℔.ij. Eau de Melisse de cerfueil, ana.

℞. j. Eau de tourne Sol, & de soucy Bain apres
la curation
de la verol-
le.
ana. ℞. iij. Eau de fleurs de sauge, de
Romarin, de Thin, de Lauande, Mar-
jolaine ana. ℞. ss. fleurs de Souphre
rectifiées avec le Sel volatil de Mercu-
re, & fleurs de Benioin, & de Cri-
staux de Tartre bien purifiez ana. ℞. vj.
Tout cela soit mis en suffisante quanti-
té d'eau de pluye distillée, pour faire vn
bain, tiede de bonne façon: notez que
les Sels tirez des herbes susdites y doi-
uēt estre mis Le malade demeurera la
dedans enuiron demy heure, pendant
laquelle s'estant bien lauë & frotté luy
mesmes avec les mains, sera par apres
osté & tres-bien seiché avec linges
bien chauds: puis on l'oingdra tout à
l'heure avec le liniment suiuant.

Pr. Graisse de Grenouilles ℞. iij. Balsamum
Diarana-
rum;
de nostre
descriptiō.
huile de roses ℞. ss. huile de Myrrhe
esleuë, & mastich ana. ℞. ij. baulme de
Peru ℞. ij. tainture de Safran ℞. ij.
baulme de Sel ℞. ss. & l'enveloppez
d'un linge bien chaud; puis le couchez
dans vn nouveau liët, aussi bien chaud,
le couurant mediocrement. Apres l'a-
uoir laissé enuiron 3. heures, vous le sei-
cherez avec des linges moyennement

chauds, & luy ayant baillé sa chemise il demeurera tout ce iour dans le liect; & 2. iours ſuiuās gardera encore la chambre, ſe promenant par icelle, puis il pourra hardiment ſortir.

Notez qu'il doit vſer apres pendant 15. iours, ou vn moins du Sel des pelearins, de 2. iours l'vn, parce que cela corrobore grandement le ventricule, & toutes les viſceres.

Diaſolis Stibiaty, de noſtre deſcription.

L'Auther
en ſon Hy-
dre Morbi-
fique liure
de lepre,
Chap. 7.

Pr. Mercure d'Antimoine, ou à faute d'iceluy du Regulle ℥iij. Mercure de Soleil, préparé ainſi que nous l'enſeignons en noſtre Hydre Morbifique exterminée par l'Hercule Chymique, ℥ij. precipitez les tous deux ſeparement en leur double pois d'eau fort, aux cendres chaudes; les laiſſant ainſi iuſques à tant que l'eau ſoit toute euaporée. Quoy faiēt lauez vos poudres avec eau de pluye diſtillée, tant & ſi ſouuent que tous les eſprits de l'eau fort en ſoient ſeparez. Apres verſez

par dessus huile de Souphre qui furnage de quatre doigts, laissez les ainsi environ six heures sur les cendres chaudes, puis meslez ces deux dissolutions ensemble, les remuant, & les faictes euaporer au mesmes lieu. Puis vous lauerez bien vostre precipité par plusieurs lotions d'eaux cordialles.

Après ayez l'extraict d'escamonée, du Turbith, de Ialap, ana. ℥ij. Extraict d'Elebore ou son baulme, la preparatiō duquel est en mon Hydre Morbifique, ℥i. Extraict d'Hermodactes, d'Anis, de Gerofles, de Canelle & de Saffran, ana. ℥iij. Magistere viperine de nostre description, ensemble de Magistere de baulme de nostre description ana. ℥. β. meslez le tout avec vos precipités susdits, & faictes en forme d'electuaire, y adioustant quelques grains de musc. La doze est d'une dragme.

La preparatiō de ces remedes se voyent en l'Hydre Morbifique.

Description non commune de l'unguent de Mercure.

Pr. Mercure extraict du Cinabre

Façon de
tirer le
Mercure
du Cina-
bre.

commun: car il contient en soy le vray
Mercure Sublimé (& par consequent
plus parfait & purifié) il se tire d'ice-
luy apres auoir esté puluerisé avec
chaux-viue parties esgales, puis mis en
vne retorte donner le feu selon l'art.
D'iceluy Mercure lb.i. esteint avec es-
prit de Therebinthine sulphuré, puis
malaxez le avec lb. ii. axunge de porc
lauée par plusieurs fois avec eau de Ga-
riophilorum, ou autre odoriferante:
Et pendât que le meslerez dans le mor-
tier de plomb, avec son pilon, vous y
ietterez par fois (afin de donner bonne
odeur à l'vnguent & corriger le Mer-
cure) quelques gouttes de baulme tiré
des cloux de Gérofle, noix, Muscade,
bois d'Aloës, Sandaux rouges, Be-
nioin, Storax, fleurs de Lauande, Sau-
ge, Romarin, Betoine, Saffran, avec es-
prit de Therebinthine & eau de vie, en
suffisante quantité: Faites digerer tout
cela en bain marie par trois iours, puis
tirez par le refrigeratoire selon l'art: Et
sur la fin on y peut adiouster quelques
gouttes d'huile de Camphre. Iceluy
vnguent meslé avec suc de Nasturcy
Aquatique, Baulme de Souphre, Sel de

fermés, huile de iaulne d'œuf, vnguent
rosat, guerit tout genre d'escabie. No-
tez que si l'on ny veut point mettre le
suisdit Mercure on y peut mesler le su-
blimé doux: En ceste façon, pour ℥.ii.
d'vnguent, ℥.i. de suc, Baulme de Sou-
phre ℥i. Sel de sermens ℥ii. ℞. huile de
iaulne d'œuf & vnguēt rosat ana. ℥iii.
sublimé ℥ii. huile de Camphre ℥i.

Vnguent
contrel'Es-
cabie mau-
uaise.

Considerant qu'il est mal aisé de
supprimer vne oppinion lors qu'elle est
conceuë dès long temps; i'ay apporté
(en faueur de ceux qui ne croyroient
pas auoir bien guery, s'il n'auoient
graissé les malades) la methode susdite
laquelle esloignée neantmoins de la
façon de penser les verollés, à des ef-
fets tres-incomparables. A Dieu en
soit la louange.

Le suc d'Elebore se tire ainsi.

FAites tremper ℥j. d'Elebore noir
en eau chaude, l'espace de quel-
ques heures, puis ostez ceste eau par in-
clination & la gardez à part: versez en
d'autre nouvelle par dessus, reïterant

Maniere de
tirer le suc
de l'Elebo-
re.

cela par 4. ou 5. fois, à la fin faites bouillir l'eau, qui n'est plus amere, à la consistence de miel. Quand la decoction sera faite à moitié, adioustez suc despuré de Coquerelle (autrement *Vmbilicus veneris*) ℥ij. ℞. & sur la fin Anis & Cannelle ana. ℥j. Fenouil ℥℞. fleurs de Nenuphar (autrement dit lys d'estang) ℥ij. Ces choses ne doivent pas estre mises en substance, mais plustost en la dernière infusion de l'Elebore, & estre coulees ensemble, afin que par apres l'eau seule soit cuite à consumption: à la fin adioustez vn peu de Mastich, ou pour le moins à la formation des pilules. Par leur usage le ventre est laché trois ou quatre fois sans aucun moleste, & demeure assez lubrique long-temps apres.

On fait aussi d'autres pilules avec Antimoine vitrifié & suc d'Elebore, qui ont de grandes vertus en ceste maladie: la procedure en est telle.

Pilules de
vie.

Tr. Antimoine préparé en verre, en

la façon qu'on trouuera en cest Antidotaire, cinq grains, suc d'Elebore noir ℥j. meslez ensemble, & en formez pilules, qu'on appelle pilules de vie.

On prepare d'autres pilules pour la verolle, en ceste façon qu'on appelle pilules de la Trinite.

Pr. Elebore noir puluerisé ℥j. precipité ℥ss. Sené de leuant ℥vj. Saffran ^{Pilules de la Trinite.} d'Aigle ℥j. mettez tout ensemble, & incorporez avec miel blanc crud, faisant paste en bonne consistance.

La doze est d'une dragme à deux: en prenant cinq fois en quinze iours.

On en fait aussi d'autres, qu'on appelle pilules de l'Aigle, avec le verre d'Antimoine, ou avec le Mercure de vie: en ceste façon.

Pr. Conserue de roses de Damas, ^{Pilules de} faictes avec miel commun ℥ij. bois l'Aigle. d'Aloës, ℥j. Cinamome ℥ij. verre d'Antimoine ℥ss. sucre candi ℥ij. mellez en-

semble & faites paste selon l'Art, avec Syrop aceteux.

On peut aussi faire des tablettes Antimoniees, en la façon qui suit.

Tablettes
Antimo-
niees.

Pr. Verre d'Antimoine $\mathfrak{z}\mathfrak{v}$ j. pou-
dre de Tragagant $\mathfrak{z}\mathfrak{i}\mathfrak{i}$ j. faictes en des
tablettes avec $\mathfrak{f}\mathfrak{b}\mathfrak{j}$. sucre fin, dissoult
dans de l'eau rose, & cuit à perfection.

Protestatiō
de l'Au-
teur, tou-
chant l'vsa-
ge du verre
d'Antimoi-
ne.

La doze est, depuis $\mathfrak{z}\mathfrak{j}$. ou $\mathfrak{z}\mathfrak{i}\mathfrak{j}$. ius-
ques à $\mathfrak{z}\mathfrak{i}$. \mathfrak{ss} .

Au lieu du verre d'Antimoine
(car d'iceluy ie proteste ne me ser-
uir, ny m'estre seruy iamais) vous pou-
uez prendre le Mercure de vie, le Cro-
cus metallorum, ou bien les fleurs rou-
ges, ou blanches d'iceluy.

*Huile d'Antimoine admirable pour
ceste maladie, la verolle.*

Façon de
faire l'huil-
le d'Anti-
moine.

Pr. Antimoine $\mathfrak{f}\mathfrak{b}\mathfrak{j}$. sucre candi $\mathfrak{f}\mathfrak{b}\mathfrak{ss}$.
distillez cela par la Cornuë de ceste li-
queur faictes en vser la pesanteur de 6.
 \mathfrak{g} . par la bouche.

Al. r.

Autre façon.

Pr. Antimoine ꝑss. sucre Candi ʒvj. Autre pre-
paration.
puluerisez le subtillement & distillez
sur l'arene, au bain, selon l' Art. pr. ʒj. de
cette huile, Aloës Succotrin ʒss. Am-
bre ʒij. Saffran ʒiij. malaxez le tout en
vne masse: faictes petites pilules com-
me pois, desquelles vous en baillerez 3.
avec conserue de Borache, & le mala-
de suëra incontinent.

*Or si quelqu'un estoit si delicat qu'il
ne peust rien prendre par la bou-
che, on peut faire l'oigne-
ment suiuant.*

Pr. Aloës ʒj. semence de Coloquin- Façon de
te ʒi ss. fiel de bœuf ʒiij. faictes bouillir purger les
en vn pot de terre, le temps de deux corps sans
quart - d'heure, coulez le & le serrez prendre
medecine.
pour l'vsage.

Si de cét vnguent vous frottez le ven-
tre il fera aller à la selle: si la region de
l'estomach, vomir.

K

Laudanum Mercuri.

Preparatiō
de Laudanū
de Mercuri
re: autre-
ment.

*Theriaca
Metalloꝝ.*

Sublimez du Mercure bien purifié, avec autant de vitriol & Sel nitre : malaxe & puluerisez les bien avec vn pilon de bois y versant du vinaigre tresfort, puis sublimez, y adioustant d'Alun calciné & Sel nitre; alors il sera bien repurgé. Mettez ceste poudre en eau ardente, puis la tirez & la remettez, faites cela iusques à ce qu'il ira au fonds en forme d'huile blanc: seichez & le reduisez en poudre, laquelle resoudrez sur le marbre en lieu humide, puis recongelez, fixez, & gardez au besoin. On l'appelle *Theriaca Metalloꝝ*.

La doze est d'un grain, avec Theriaque ou Mithridat.

Turbith Mineral.

Maniere de
preparer le
Turbith
Mineral.

Pr. Vitriol rubifié, incorporez vn peu d'iceluy avec ℥ij. de Mercure crud, sublimez en vn matras, au feu de sublimation. Apres, Pr. ce sublimé & l'in-

corporez avec Alun brulé & resublimez: tiercement mettez avec croye de Briancon, & resublimez: quartement avec limature de fer, & poudre de thuilles bien delié batuë, & Sel commun. Alors vous aurez vn sublimé, duquel vous pouuez prendre iusques à 3j. lauë premierement avec bonne eau de vie par trois ou quatre fois: puis versez par inclination, desseichez & gardez à l'vsage, lequel est admirable pour la maladie Venerienne.

Mercuré précipité fixe & adoucy.

P Reparez premierement le Mercure par sublimations reïterees plusieurs fois sans l'amortir, puis le fixez avec l'eau fort, ou Stigianne vulgaire: distillez trois fois avec luy & reuersez tousiours sur son marc, & finalement le puluerisez: mais ie trouuerois bien à propos qu'on le preparast encore avec l'eau suiuant.

Pr. Vinaigre distillé ℥ijss. flegme d'Alun ℥ijss. Chaux de Coque d'œufs 3vj. distillez le tout ensemble iusques à

Preparatiō
du Mercu-
re doux.

Autre façō
plus certai-
ne & admi-
rable.

cē qu'il n'en sorte plus d'esprits. Apres,
 Pr. ℥iij. de ceste liqueur & ℥j. de
 Mercure preparé comme cy - dessus,
 meslez les bien ensemble, & le distillez
 iusques à trois fois par l'Alembic, en
 reuersāt tousiours l'eau dessus le marc;
 & à la quatriesme fois tirez en toute la
 liqueur, & vous trouuerez la poudre
 au fonds du vaisseau, laquelle pulueri-
 ferez sur le marbre, & distillerez enco-
 re trois fois avec l'eau precedente: &
 finalement ferez circuler le Mercure
 ainsi precipité, avec l'Alcool de vin, l'es-
 pace de vingt-quatre heures, puis ferez
 euaporer l'esprit de vin, & y en remet-
 trez d'autre que ferez exaler comme le
 premier: & lors qu'aurez reïteré cela
 quatre ou cinq fois vous aurez parache-
 ué la vraye preparation du Mercure; le-
 quel estant ainsi bien preparé, est d'un
 pris inestimable: car il guerit plusieurs
 fascheuses maladies, & notamment la
 verolle, avec tous les symptomes qui
 l'accompagnent ordinairement, soit
 qu'on le prenne par la bouche, ou qu'on
 l'applique sur les vlceres.

Pris inesti-
 mable du
 Mercure
 precipité,
 fixe & adou-
 cy.

Precipité souverain remede contre toutes maladies prouenant de pourritures d'humeurs.

Pr. Vitriol Romain ℥ijß, Sel nitre
 autant, faictes distiller (ayant premiere-
 ment mis dans le recipiant ℥vj. de Mer-
 cure purifié) & quant toute l'eau & ses
 esprits seront passez, vous vuiderez ce
 qui fera dans le recipiant, en vne cucur-
 bite bien lutee, sur laquelle mettez le
 Capiteau avec son recipiant, & faictes
 distiller comme deuant, Coobant tou-
 siours iusques à rubification du Mer-
 cure, lequel lauerez d'eaux cordialles,
 comme Borrache, Melisse & sembla-
 bles, l'ayant auparauant laué avec eau
 de fontaine, ou de puits distillee. Ce
 Mercure ainsi préparé, administré aux
 malades avec Theriaque, est admirable
 cōtre le poison, lepre, hydropisie, peste,
 verolle, & autres infirmités.

Precipité
 admirable
 à la pourri-
 ture des
 humeurs.

Vertus du
 precipité
 susdit.

La doze est ḡ.x. aux robustes, & aux
 mediocres 8. aux debiles cinq, & aux
 enfans on y aduifera prudemment.

Entre tous les medicaments propres

K iij

Effects excellents du
Mercure
precipité.

pour les maladies cy-dessus allegues
ce purgatif metallique tient le premier
lieu, & surmonte toutes les autres: ayāt
vertu de dompter & moderer l'acre, la
rebelle & maligne qualité de toutes les
humeurs: que s'il est meslé avec l'or re-
duit en arcane, tel remede purge & le
patient, & toutes les humeurs crasses
& melancholiques, en corrigeant la
chaude & seiche intemperature des
ulceres.

*Hyacinte, ou grenats d'Antimoine,
autrement Stibium vitrifié.*

Façon de
preparer le
verre d'An-
timoine.

Pr. Bon Antimoine puluerisé,
telle quantité que voudrez, mettez en
vaisseau de terre qui soit ample, & ice-
luy au four à vent sur les charbōs vifs
pour le Calciner, remuant tousiours
avec vne cuilliere de fer; se donnant
garde de la fumée qui en sort, tandis
qu'on le Calcine: Faites cela iusques
qu'il aye perdu ses mauuaises & puant-
tes vapeurs: & s'il se reduisoit en mo-
teaux, le faudroit oster & pulueriser,
puis le remettre & remuer tousiours

iusques qu'il se conuertisse en chaux, & qu'il aye acquis la couleur de cendres à demy blanchastres. Or le signe pour cognoistre s'il est assez calciné, est, que ceste poudre iettée sur les charbons ne rend aucune fumée. Apres, prenez lb. ss. de ceste poudre; Antimoine crud 3j. borra^x affiné 3. ss. puluerisez subtilement l'Antimoine & le borra^x, & me^slez incontinent ensemble: puis mettez en vn creuset, iceluy sur vn ruelleau, environnez de toutes parts de charbons bien allumez; sur tout prenez garde que ces choses ne se bruslent: Parquoy ayez és mains vne spatule ou broche de fer, laquelle si tost que verrez le vaisseau de terre embrasé mettez dans iceluy pour voir cy l'Antimoine se liquefie: car si quelque chose est attachée à la spatule sera vn certain signe qu'il sera fondu: alors ratissez ce qui tiendra à icelle, qui sera de couleur palle. Peu apres vous ferez de mesmes, continuant tant qu'il apparaisse de couleur iaunastre, de couleur de Hyacinte, ou plus vif & reluisant. Alors retirez le creuset, avec les pincettes, de dessus le feu, & le verrez goutte à goutte sur vn

Signe quād
il est alléz
Calciné.

Couleur de
Hyacinte,
perfection
du verre
d'Antimoi-
ne.

porphire, ou marbre, & gardez à l'usage.

La doze de ces grenats en poudre, est, de 4. à 6. ou 8. grains, avec conserue de rose ou sucre rosat. Cest vn remede tres-assuré à la verolle, peste, podagre, hydropisie, fleurs, obstructions & douleurs des reins & au calcul.

Preoccupatiō de l'Auteur, touchant l'Antimoine.

Que si quelqu'un vouloit blasmer l'Antimoine vitrifié, disant qu'il est vn poison, ie le renuoye voir l'Antidote dictē à *zinzibere*: qui est descrite par Nicolas Myrepsus: & qu'il dit estre si excellente contre les Apoplectiques, Maniaques & Quartaneres: Ou on fait entrer trois dragmes d'Antimoine crud: & tout autant de la pierre d'Azul & de la pierre Armenie, le tout sans aucune preparation.

En fin pour voir les grands & admirables effects, & belles experiences, qui ont esté faictes avec l'Antimoine vitrifié & préparé à l'Empirique façō: il faut voir ce qu'en escrit bien particulièrement & au long, Mathiole (celebre Medecin & de grande reputation) en ses commentaires sur le cinquieme liure de Dioscoride, chapitre cin-

quante neufiesme, & se satisfaisant on
changera d'opinion.

Pour moy ie proteste (ainsi que i'ay dict cy dessus) que ie n'vse, n'vsay, & n'vs-
seray iamais de l'Antimoine en verre: car ce n'est pas la vraye preparation, estant escrit vnanimement par tous les Philosophes, gardez-vous de la vitrification, trop bien me fers-ie de plusieurs bons & diuers remedes (tirez du seul Antimoine diuersement prepare, propres & conuenables à toutes les intentions curatiues, qui se peuuent offrir en la Medecine: comme à prouoquer vn doux vomissement, necessaire à plusieurs maux: chose qui estoit anciennement, (du temps d'Hippocrate) fort pratiquée. Voire on le peut rendre tel qu'il ne prouoquera que la seule salivation. On prepare de mesmes dudit Antimoine diuers purgatifs, qui donnent iusques aux seminaires des maux, sans prouoquer nausée ny la moindre perturbation à l'estomach, n'y a quelque autre partie: ains qui purgent fort doucement. On en prepare d'excellens Hydrotiques, Diuretiques en diuerses façons. Bref on le peut rendre Bezo-

Protestatiō
de l'Au-
theur.

Plusieurs
& diuers
remedes
tirez de
l'Antimoi-
ne.

ardique, propre à roborer & fortifier
toutes les nobles parties: ainsi que nous
l'enseignons en nostre Pharmacopée
Spagerique ou Vulcanique.

*Façon de traicter la Verolle, sans
suer & sans tenir chambre, par
l'usage du magistere du
Primulaeris.*

Façon du
Magistere
du Primu-
laeris.

Pr. Miel crud ℥iij. suc de fleurs,
feuilles & tiges du Primulaeris ℥bj.
bois saint rappé ℥b. ss. Faites le boüil-
lir en eau commune, par longue espa-
ce de temps, puis le coulez y mellant
ledit suc & le miel: mettez tout cela en
vn pot y adioustant ℥iij. Aloës epatic,
preparé & puluerisé, Turbith ℥ij. Ga-
lap. ℥iii. escamonee, ℥ii. versant sur la-
dite matiere de l'eau susdite en laquelle
à boüilly le bois de Gaïac, tant quelle
surpasse de six doigts: puis y adiustez
vinaigre Scilitic, ℥ii. Faites boüillir
tout doucement l'espace de demy heu-
re, espumant exactement le Miel: &
quand il aura quasi assez boüilly adiou-

Prenez y canelle fine ℥iij. puluerisez, puis laissez cuire encore deux ou trois boüillons: apres ostez du feu & gardez à l'usage: qui sera trois ou quatre onces au matin de deux iours l'un: Toutesfois si la maladie n'est guere vehemente il suffira vne fois ou deux la sepmaine, apres la prinse on peut tenir deux heures ou tant le lict, & puis sortir.

Ce remede a esté experimenté par plusieurs fois, avec heureux succès, par M. de la Riviere Medecin du Roy. On mangera si l'on veut, apres la prinse ℥ß. gelee de coins.

Il faut neantmoins noter, que ce remede est beaucoup meilleur & plus efficace, préparé ainsi que ie fay, en ceste façon. Premièrement ie fay vn Clissus de l'herbe susdite, puis ie tire l'extraict de l'Aloës & du Gaïac, turbith, Galap, Escamonee & canelle, avec l'eau de vie, espumant aussi le miel auparauant, le faisant boüillir avec la rosee du mois de May cueillie sur le Romarin, Thin, Lauande, Ysope, Borrache, Buglosse, Melisse, Gineste, &c. y meslant de la poudre ou Sel de viperes, (ou leur essence) preparez en ceste façon. Trem-

Methodes
de l'Au-
teur tou-
chant la
preparatiõ
du remede
susdit.

Façon de
faire la
poudre ou
Sel des vi-
peres par-
fumées.

pez la chair des viperes dans le vray es-
prit acide du Baulme de nature, qu'il
surpasse de deux ou trois doigts, apres
soient mises & arrangees en vn thamis
fermé de tous costez d'un instrument
de fer blanc, au dessous d'iceluy vn re-
chaut plein de braise, dans lequel on
mettra les ingrediens qui suivent, afin
de la parfumer. Pr. grains de Genieure
℥i. grains de Laurier ℥iij. Myrrhe ℥ij.
Carabe, Benioin ana. ℥ss. Gyrosles ℥i.
le tout grossierement cōcassé: vsez en.
Ce parfum durera quatre ou 5. iours,
tant qu'on cognoisse à la senteur quel-
les en sont bien imbuës. Apres mettez
ces chairs dans deux petits pots de ter-
re vernis, bien ioints ensemble que
rien ne respire puis les mettez en vn
four apres que le pain en est fortý, les y
laissant iusques que les chairs se puissent
reduire en poudre, laquelle on gardera
pour l'usage: qui est à beaucoup d'au-
tres maladies outre la verolle; comme
à la lepre, &c. ie laisse à iuger aux plus
occulez en cest art, la preeminence que
ce Sel doit auoir sur ceux d'Aëce: & ce
eu esgard à la preparation.

Façon de
faire l'essen.

Quand à l'essence des viperes, ie la

fay en ceste façon. Ie prens les viperes, ce des vi-
peres, par
l'Autheur.
 apres leur despoüille, puis ie les calcine
 philosophiquement par le feu de na-
 ture ou Souphre balsamicq, puis ie re-
 tire leur magistere ou tainture, avec le
 baulme du grand vegetable, la faisant
 circuler iusques qu'elle acquiere vne
 rougeur semblable au sang, transpa-
 rante neantmoins. C'est vn admirable
 remede à la verolle, lepre, & toutes es-
 cabies & infections de la peau: & est vn
 grand & admirable contrepoison, du-
 quel ie traicte plus amplement en mon
 liure intitulé le Cabinet Royal: com-
 me aussi en mon Hydre Morbique ex-
 terminee, au liure de Lepre.

Quercetan donne vne autre façon Autre façon
de faire l'ess-
sence des
viperes.
 de faire l'essence des viperes, laquelle
 est telle qui s'ensuit.

Pr. Au mois de Iuin quatre ou six vi-
 peres, ostez leur la teste, cuir, queuë &
 intestins, tranchez la chair en petites
 pieces & la mettez en cucurbite de ver-
 re, & icelle à la chaleur du bain vapo-
 reux, par trois ou quatre iours ou au
 fiens chaud; faisant en sorte que ne re-
 ceuiez la fumee veneneuse d'icelles. A- Nota.
 pres mettez dessus del'esprit de vin al-

coolisé & therebinthiné solutif ana,
qui nage de huit doigts, digerez au
vaisseau clos hermetiquement au B.
M. ou bien chaud, par xij. iours, iusques
à tant que toute la chair des viperes
soit dissoute. Iettez les feces, & sepa-
rez le menstruë à la chaleur du B. & fai-
ctes coagulé, sur lequel mettez esprit
de vin Cariophilé: faictes circuler au
pelican par x. iours, & separez le men-
struë, il demeurera la chair des viperes
bien preparee & essensifiée, laquelle
mettez sur petit feu y adioustant hui-
le d'Aneth & Cinamome ana. Si. avec
Gomme tragagant faictes pilulles ou
s'y voulez avec du pain seiché & trictu-
ré. De ce medicament exhibez Si. à la
lepre verole, peste & à toutes les affe-
ctions veneneuses.

Vertes de
la peau des
viperes,
preparee.

La peau de ces viperes seichée &
preparee selon l'Art, reduite en poudre
sert de beaucoup aux playes faictes des
serpens, & autres bestes virulentes &
veneneuses. Item cure les playes can-
creuses & malignes.

*De la vraye preparation de l'argent-
vis pour en user assurement, &
interieurement & exterieure-
ment, sans aucun danger.*

Il faut noter que telle preparation qu'on puisse donner au Mercure, il reuient tousiours en sa premiere forme, avec assez leger artifice, s'il n'est auparavant congelé. Car en ses preparations communes son humidité se retire, faisant paroistre sa siccité, & ne se consume point: laquelle humidité se manifeste facilement estant tant soit peu aydée, & sa siccité se cache, & faict ses actions pernicieuses comme auparavant.

Pour le corriger donc en façon qu'il ne nuise plus par sa froideur & son humidité, il le faut coaguler par moyens propres & conuenables: car il ne se faut pas faire à croire que les medicaments chauds, avec quoy on le mesle corrigent les mauuaises qualitez, tant s'en faut: car on les y augmente plustost en

Le Mercure doit estre congelé auant sa preparation, & pourquoy.

Nota B.

le diuisant par petites parties; d'autant que pour lors il penetre plus facilement le corps, & par ce moyen cause plus d'accidens. Mais la coagulation reprimé la froideur & humidité, ensemble rabat la subtilité de ses parties. Apres laquelle est necessaire d'arrester ses esprits volatils, desquels prouient sa vehemente action purgatrice; tellement qu'estans mis sur les charbons ardents il y demeure sans s'exaler ny sans qu'il porte aucune fumée de luy: ce qui ce doit faire par choses propres & conuenables à le retenir: D'ailleurs amies & familiares à la nature de l'homme. Et pour lors il sera preparé selon nostre intention; en pouuant vser sans crainte d'aucun accident.

Façon de
congeler
le Mercure.

On congele le Mercure, premierement purgé par Sel & vinaigre, avec eau d'Alun qu'elle surpasse de deux doigts, puis retirer cest eau par distillation, puis la reuerfer: faisant cela iusques à cinq ou sept fois, sur la cendre, iusques que le Mercure soit coagulé.

Façon de
reduire le
Mercure
en poudre

On le peut reduire en poudre tres-rouge & douce, s'il est premierement coagulé par l'eau distillée de blancs d'œufs

d'œufs cuits à durté: puis apres verser
plusieurs fois d'autre eau de blancs <sup>rouge &
douce.</sup>
d'œufs, qu'on aura fait redistiller avec
des coques d'œufs calcinees, la retirant
par distillation chacune fois à feu de
cendre: puis la reuerfant tant de fois
que le Mercure soit tourné en poudre
rouge & douce.

Ceste poudre a vne telle vertu, que <sup>Vertus de
la poudre
rouge.</sup>
non seulement elle guerit les playes &
vlceres de dehors, mais aussi celles du
col de laveschie, estimees incurables: Pa-
racelse la nomme Baulme de Mercure.

Autrement.

SVblimez le Mercure avec la simple <sup>Baulme
doux de
Mercure.</sup>
Schaux d'œuf bien preparee, estei-
gnez peu à peu, puis versez dessus vinaï-
gre distillé & alcalisé, qu'il nage qua-
tre doigts par dessus: distillez la liqueur,
reuerfant tousiours sur les feces quatre
ou cinq fois, & le Mercure se rendra
en poudre très-rouge: laquelle avec
alcool de vin, circulez au pelican par
huiet iours: Separez cet alcool par l'A-
lembic, & il demeurera au fōds le Baul-

E

Ses vertus. me de Mercure, tres precieux & doux, admirable à toutes viceres deses-perées, & caruncules de la vésie, les guerissant parfaictement: comme aussi à toutes playes, notamment des arc-busades.

Ces deux Baulmes de Mercure susdits, sont le specifique remede pour la verolle, donnez avec vehicule convenable.

*Liqueur de Mercure admirable pour
mesler aux unguents &
emplasires.*

Liqueur de
Mercure
pour mes-
ler aux un-
guents.

FAictes Amalgame avec Mercure purifié & estain de cornouaille, estendez icelle sur vne lame d'acier, laquelle on mettra dans vn vaisseau plat, & le tout dans vne cave bien humide, ou elle se resoudra comme en eau; avec laquelle adioustez autant pesant de Souphre en poudre: puis distillez le tout à feu de cendres ou de sable, & il distillera vne huile de couleur de lait, de la mesme pesanteur que la premiere liqueur, mais exempte d'Acrimonie.

C'est la liqueur qu'il faudroit mesler
aux vnguets, au lieu de l'argēt-vif crud.

*On peut encore faire de ceste Amal-
game, vne huile Diaphoretique,
en ceste façon.*

Pluerifiez l'Amalgame susdit sub-
tillement, & icelle meslez dans vne
escuelle d'or fin, ronde, remplissez ce-
ste escuelle de bonne eau de vie bien
rectifiee, la meslant tres-bien avec la-
dite poudre, & la laissant puis apres re-
poser quatre ou cinq heures: apres met-
tez le feu à icelle avec vne paille allu-
mee, icelle cōsummee mettez en d'au-
tre qu'on allumera de mesmes façon;
continuant iusques que le tout de-
meure en forme d'huile: de laquelle i.
ou 2. ḡ. avec vehicule conuenable faict
suer copieusement.

Huile Dia-
phoretique
de Mercu-
re.

*Poudre de Mercure fixe & Dia-
phoretique.*

Pr. ℥j. Mercure purifié par vinai-

L ij

Façon de fixer la poudre de Mercure, & la rendre Diaphoretique

gre & Sel commun préparé, regule d'Antimoine 3j. Or fin passé par l'Antimoine 3j. dissoluez le Mercure avec eau Philosophale à part, l'Or aussi à part, & le Regule à part; réiterant au Regule sept fois, iusques qu'il soit bien dissout: puis versez ces trois dissolutions toutes chaudes dedans vne cucurbite de verre bien luttee, mettez le Capiteau avec son recipiant, & tout cela au fourneau à feu simple; on retirera l'eau par distillation, laquelle sera reuersée sur le marc, avec ce qui se trouuera auoir esté sublimé: réiterant cela iusques à six ou sept fois. Apres faut amasser tout ce qui demeurera au fonds du vaisseau, puluerisez & mettez reuerberer en vn vaisseau de terre, remuant tousiours ladite poudre avec vne verge de fer, afin de faire mieux exaler les esprits de l'eau dissoluant. Ceste poudre estant deuenüe rouge, vous la lauerez six ou sept fois avec eau douce distillée, pour en tirer le Sel, & sa force si aucune y en demeure: toute ceste eau versée par inclination, on seichera la poudre par le moyen d'une douce chaleur, pour tant plus la fixer

& adoucir: apres on la lauera encore avec l'eau qui suit.

Pr. Phlegme d'Alun, & Vitriol, ana. *Eau donnant couleur de Lys sauage à la poudre susfaire.*
 ℥ij. vinaigre distillé ℥iij. mettez cela tout ensemble dedans vn vaisseau de verre, avec ℥b. huit blancs d'œufs cuis en durté, mettez le Cappiteau dessus & distillez, coobant par deux fois: Apres mettez ladite poudre en vaisseau de verre à distiller, versant par dessus de ceste derniere eau, laquelle apres on retirera par distillation sur la cendre: remettez en d'autre nouvelle, & distillez; reïterant ceste action, (avec assez grand feu) par six ou sept fois: & iusques à ce que la poudre ait pris la couleur de la fleur du Lys sauage: puis il faut remettre ladite poudre dans vn autre vaisseau, & verser par dessus de l'esprit de vin bien rectifié & dephlegmé, le laissant sur la cendre chaude durant quatre ou cinq iours, en le remuant trois ou quatre fois le iour, puis retirez ledit esprit par distillation. Si on reïtere ceste action deux ou trois fois, elle en sera plus efficace. Finalement il faut remettre ladite poudre dedans vn autre vaisseau, & verser par dessus de l'eau

Reïteratiō
d'operatiō

Autre reï-
teration.

L iij

rose musquee en telle quantité qu'on a
faict l'esprit de vin, surpassant de trois
ou quatre doigts: puis ayant bien cou-
uert ledit vaisseau, il le faut tenir sur la
cendre chaude quatre ou cinq iours, re-
muant chacū iour trois ou quatre fois.
En fin il faut retirer ladite eau rose par
distillation à chaleur lente, & seicher
doucelement ladite poudre; laquelle se-
ra gardeededans vn vaisseau de verre,
bien couuert pour l'usage.

Vertus de
la poudre
suscite.

Elle guerit parfaitement les gou-
tes, l'Hydropisie, & la verolle; donnée
avec vehicule conuenable, apportant
autant de profit au corps, que l'argent-
vif mal appresté luy cause de domma-
ge.

*Esprit de Tartre, ou Astre de vin
de Paracelse, admirable pour
la verolle.*

Esprit de
Tartre, dit
Astre de
vin.

Pr. Creneur de Tartre blanc ℥. v.
mettez dans vne cornuë de verre lut-
tée, à feu clair par degres, y adaptant
vn recipiant assez grand, luttant bien
les joinctures: & premierement forti-

ral'esprit, puis l'huile, lesquels on rectifiera, & separera par l'entonnoir. Or touchant l'esprit il doit estre distillé cinq fois par coobation, au fourneau de cendres. Il est vn excellent apperitif, principalement ayant esté préparé avec le vitriol: & faict des merueilles en la retention des mois, donné avec eau d'armoïse, ou infusion de fleurs de Borroche & Buglosse: à la Paralysie donné trois fois le iour en eau de Melisse & profite beaucoup: car il penetre tout le corps, deliure les nerfs de pituite visqueuse, & les conforte: ce qui est grandement requis en ceste maladie.

Vertus de
l'Astre de
vin.

En la iaunisse avec la decoction de fraises: en l'Hydropisie, avec l'eau de Soldanelle & d'Hieble: & en ce cas cy, l'esprit de Tartre faict avec le vitriol excelle. A la lepre, quād elle cōmence, prins dans du vin: en la Grosse verolle, prins en eau de Culrage, cueillie sur la fin de Septembre. Il chasse hors la verolle qui est au dedans, & apres les croustes en tombent, ayant esté premierement oingtes d'huile de Gaïac: mais il faut premierement prendre vn ou deux fois du Turbith Mineral. Il

Nota.

L iij

est aussi bon à la pleuresie, & esquinance, donné en eau de chardon benist, & de Papauer-rheas. Sa doze est ʒi. ou deux.

L'huile de Tartre, est aussi vn tres-bon remede contre les Dertres, Tignes, Galles, Verruës & vlcères veneriens.

Propriété
de la gresse,
à la presse d'Im-
primerie.

Le semblable faict la graisse qui est à l'entour de l'auis de la presse d'Imprimerie : le mesme fait la poudre à Canon destrempee avec du vin-aigre, & notamment pour les chancres veroliques.

Laudanum, tres-excellent, & admirable pour arrester toutes sortes de douleurs des dêts, & des gouttes, notamment celles qui procedent de la verolle.

Laudanum
à la dou-
leur des
gouttes
proceden-
tes de la ve-
rolle.

Pr. de bon Opium, tenez le fort delié, & faictes seicher au Soleil, iusqu'à ce qu'il se puisse facilement broyer entre les doigts: mettez le dans vn matras, & par dessus du vin-aigre trois ou

quatre fois distillé, iusques qu'il surnage de quatre doigts : laissez infuser à chaleur moderee iusques à ce que le vin-aigre soit fort teinct, lequel verserez par inclination en remettant d'autre : Continuant cela tant de fois qu'il ne se colore plus. Distillez tous ces vinaigres au bain, iusques à ce que la tainture demeure au fonds de la cucurbite en forme de Miel fondu. Apres tirez la tainture de ℥ij. de Saffran, *Castoreum*, *Succinum*, *Mumie* ana. ℥iiij. avec eau de vie, en mesmes façon, comme dit est, de l'Opium, & la retirez apres par le bain : alors les deux taintures, jointes ensemble, demeureront en cōsistence de miel : Ausquelles adiousterez magistere de perles & coraux, ana. ℥ij. Souphre narcotic de vitriol ℥.ss. la façon duquel est descrit en mon bouquet Chymique, & Pharmacopée Vulganique.

Sa doze.

La doze est de 4. 5. à 6. ḡ. C'est vn remede tres-approuué aux maladies que dessus : comme aussi semblablement à arrester tout sorte de flux de ventre, & de sang : mais il faut y auoir adiousté du Saffran de Mars astringent.

gent, & terre leellée preparée ana.
3j.ß.

*Ou bien si en voulez user seule-
ment pour les dents, preparez le en
ceste façon.*

Odontalgi.
que incom-
parable.

Nota.

Pr. l'Extrait des larmes de Pavot
fait avec eau de vie rectifiée 3iij. Ex-
trait de racine de pyrethre, des fueilles
de Nicotiane d'Inde, Poiure long, se-
mence de Iusquame ana. 3j. de Safran
3.ß. fait aussi avec l'eau de vie. Ex-
trait d'Opium fait avec le vinaigre
rosat distillé deux fois: apres avoir fait
desseicher ledit Opium, couppé en pe-
tites taleoles, sur vne lamine de fer à
petit feu, afin de luy faire perdre ses
Souphres foetides & malins qui seuls
offencent le cerueau, 3.ß. Extrait de
semence de Staphisaigre, de Plantain,
de Solanum ana. 3.ß. de Persicaria 3j.
notez que tous les Extraits doiuent
estre faits separement, puis mesler les
menstruës teintes ensemble, lesquelles
ferez euaporer au bain iusques à con-
sistance de miel. A quoy adiousterez

huile Succin , huile de Camphre ana.
 ʒ. ss. huile de Gerosles rectifiée ʒ. ss. es-
 prit de Terebenthine 4. fois rectifiée
 ʒj. graisse de Grenouilles ʒij. Souphre
 Narcotic de vitriol ʒij. faictes cuire
 fort doucement , l'espace de demy
 quart d'heure , iusques qu'en puissiez
 former des pastilles desquelles la quan-
 tité d'un grain de bled mise sur la dent,
 arreste incontinent la douleur: & apres
 prouoque vn sommeil tres-doux. Or si
 ces pastilles estoient trop desseichées, il
 les faudroit dissoudre avec l'eau de vie
 rectifiée & tremper dans icelle vn peu
 de coton pour en toucher la dent.

*Poudre grise de Souphre, anti-contrai-
 strisse des nerfs.*

Fondez les fleurs de Souphre, y ad-
 ioustant goutte à goutte autant huile de
 Tartre, faicte par deffillance: agitez Poudregri-
 se de Sou-
 phre.
 & meslez le tout iusques à ce qu'il tire
 sur le rougeastre. Apres broyez ceste
 matiere, & versez dessus del'esprit de
 vin, lequel luy fera prendre vne cou-
 leur tres-rouge. A ceste solution, ad-

ioustez du vin-aigre & elle deuiendra trouble comme lait, & par ce moyen le Souphre tombe au fonds en poudre de couleur grise.

Sa doze &
vertus.

On en donne ʒj. ou vne & demy, avec Syrop de iuiubes, ou autre liqueur conuenable. Notez que l'esprit de vin se rend fort puant lors qu'on y a mis le vin-aigre, mais il a vne merueilleuse force pour guerir les contractures & retirement des nerfs, qui procedent de la verolle, si on l'administre au malade pour suer avec la decoction de Gaïac: les fleurs de Souphre sublimées ont la mesmes faculté de prouoquer les sueurs merueilleusement bien à la verolle.

Sublimé doux.

Il faut sublimer le Mercure premierement, en ceste façon.

Façon de
sublimer le
Mercure.

Dissoluez lb. j. Mercure de Cinabre reuiuifié, dans eau fort commune, puis l'ayant desseiché mettez le en poudre, en mortier de marbre, avec autant de Sel decrepité, & vitriol Calciné au

blancana. Mettez cela dans vne cucur-
bite de verre, couuerte de son Alem-
bic sur le sable, donnez le feu par de-
grez iusques que le bec du Capiteau
commence à blanchir, lors bouchez le
trou avec du papier, puis augmentez le
feu cinq ou six heures: & par ce moyen
aurez vn beau Mercure sublimé Cri-
stalin, tres-bon pour la Medecine: le-
quel separerez le tout estant refroidy.

Après on procedera au Sublimé
doux en ceste façon.

Pr. Du Mercure de Cinabre reuiui-
fié, ou bien de Mercure crud bien pu-
rifié ℥vj. sublimé susdit ℥viij. meslez
tout ensemble les broyant doucement
dans vn mortier de pierre iusques que
par la frequente agitation la masse soit
deuenue aucunement noire, & que le-
dit sublimé ait englouty tout le Mer-
cure vif. Après mettez la masse dans vn
matras à long-col, le remplissant tant
seulement à la moitié, faisant sublimer
en l'arenne ou cédres, iusques que tout
soit esleué à la partie superieure du ma-
tras; ce qui se faiet dans huit ou dix
heures. La sublimation estant acheuee,
& le matras refroidy, separez soigneu-

Façon pour
dulcifier le
sublimé.

Nota.

sement la partie Cristaline d'avec le Mercure crud, & feces qui resteront au fonds, lesquelles ietterez, & d'avec la suye venimeuse qui est attachee au col, laquelle vous garderez pour mesler avec les vnguens & emplastres que vous ferez pour resoudre les Nodus veroliques & podagriques. Apres broyez la partie pure & Cristaline, & la sublimiez derechef sans addition d'autres choses, reïterant ceste operation trois fois, & vous aurez vn sublimé doux, tres-pur & transparent comme du Cristal. Notez que le sublimé doux perd peu à peu sa vertu purgatiue par embas, & acquiert vne faculté Diaphoretique, si on reïtere trop souuent ladite sublimation.

Moyen de
rendre le
Mercure
doux, dia-
phoretique

On en fait des pilules en ceste façon, qu'on appelle pilules de la violette.

Pr. Du sublimé doux ℥j. subtilement puluerisé, pilules cochees & sinequibus ana. ℥ss. Trochisques d'Handal grains ij. musch ḡ. i. Syrop de Stoechas tant qu'il en faudra pour en faire trois pilules, lesquelles il faut aualler de bon matin quatre heures deuant le repas: prenant trois heures apres vn

Maniere de
composer
les pilules
de la vio-
lette.

boiillon: & si l'on veut faire venir le flux de bouche, il faut prendre le Mercure dulcifié tout seul.

Il fait des merueilles en la cure de diuerses maladies, notamment de la lepre qui commence, verolle recente, hydropisie, gouttes, vers des petits enfants, fieures putrides, &c.

Ses vertus.

Pour cognoistre quant le sublimé doux est bien fait, faut qu'il soit blanc Cristalin, car s'il est roux c'est signe qu'il a eu vn feu violent, & que son esprit vitriolic est perdu: duquel priué son vsage est tres-pernicieux.

Signes pour
cognoistre
la perfectio
du sublimé
doux.

D'ailleurs on recognoistra s'il est bien dulcifié ou non, car mis sur vne playe, s'il fait escarre il n'est pas bien dulcifié: & ainsi faut eiter son vsage.

Fleurs d'Antimoine blanches.

Pr. De tres-bon Antimoine puluerisé, & le metés dans vn aludel de terre, couuert d'vn alembic aueugle, troué à la cime pour donner passage aux esprits humides: puis les sublimerés selon l'art, donnant le feu par degrez l'es-

Façon de
preparer
les fleurs
d'Antimoi-
ne.

pace de douze heures. Apres ces fleurs estans circulees avec esprit de vin, perdent leur faculté Emetique, & purgent seulement par le bas.

La doze est de 6. 7. 8. ou 10. ĝ. & font faire 4. ou 5. selles, sans aucun effort & vomissement.

Autre façon
de preparer
les fleurs
Antimo-
niales.

Autrement, faictes sublimer la poudre Emetique avec deux fois autant de Sel fuzil, lauez ce qui sera sublimé, & bruslez 2. ou trois fois l'eau de vie par dessus.

La doze est de 6. à 8. ĝ. purge sans exciter le vomissement: propre pour la verolle, & plusieurs autres maladies.

On peut preparer les fleurs d'Antimoine autrement, en ceste façon.

Troiesme
façon de
preparer les
fleurs d'An-
timoine, biē
plus exqui-
ses que les
suscites.

P. Du Sel de Tartre bien purifié impregnez le de l'esprit du vin-aigre & soit desseiché, ʒi. fleurs blanches d'Antimoine ʒi. meslez-les, les fondant au feu dans vn creuset: versez la masse fondue, qui est pres-que rouge cōme sang, sur vn marbre, & elle deuiendra de couleur cendree, quand elle sera refroidie. Apres broyez-la, & versez dessus dans vn verre, l'eau de vie suiuite aromatisee.

Pr.

Pr. Galangæ, Gallia, Muscata,
 clous de Girofle, Canelle & Macis
 ana. \mathfrak{z} . β . Saffran \mathfrak{z} ij. broyez le tout
 grossierement, & versez dessus de l'al-
 cool de vin sans phlegme & tirez-en
 la teincture par la chaleur lente des
 cendres. Ostez par inclination l'esprit
 de vin teinct, & en versez d'autre de
 nouveau dessus, tant qu'il ne pren-
 ne plus aucune teincture. Finalement
 versez tout l'esprit de vin aromatisé
 dessus l'Antimoine & Tartre fondu
 ensemble, y adioustant \mathfrak{z} ij. de Magi-
 stere de perles, & autant de celuy de co-
 ral. Mettez le tout en digestion dans
 vne cucurbite de verre, fermé l'espa-
 ce de deux iours, en la chaleur des cen-
 dres. Apres ayant adapté vn Alembic
 sur ladite cucurbite, distillez l'esprit de
 vin à petit feu, & la teincture des aro-
 mats susdits demeurera au fonds avec
 la poudre d'Antimoine & de Tartre.
 Retirez le tout iusques à secheresse, &
 la couleur sera semblable à celle des
 clous de Girofle: & ainsi vous aurez
 vn Antimoine tres-bien préparé. Gar-
 dez ceste poudre dans vn verre clos,
 car elle se dissould à l'air. On la peut

Eau de vie
 excellente
 pour la par-
 faite pre-
 paration
 des fleurs
 d'Antimoi-
 ne.

Nota

M

prendre aſſeurément par la bouche
ſans aucune crainte.

Vertus des
fleurs d'An-
timoine.

La doze eſt de ſept à huit grains,
ou dix au plus, pour les perſonnes de
forte complexion. Contre la peſte,
aux fleurs aiguës, manie, aux fleurs
quartes, aux poiſons des Philtres, aux
Epileſſies: & vniuerſellement en tou-
tes les maladies qui procedent de bile
noire: ſans oublier la Ladrerie & la
Verolle.

Ces fleurs ainſi corrigées, purgent
par haut & par bas, & par les porres &
par l'inſenſible tranſpiration, tout ce
qui eſt de mauuais dans le corps.

La meſme preparation on peut
donner au verre d'Antimoine, & au
Crocus Metallorum.

*Teincture de Sel de Tartre, pour
chaffer les reliquats de la
Verolle.*

Façon de
tirer la tein-
ture du Sel
de Tartre.

Faiâtes fondre Sel de Tartre très-
pur, en vn creuſet, entre les charbons
ardêts, iuſques à ce que de verdaſtre il ſe

change en bleu celeste. Alors mettez dans vn matras & versez par dessus esprit de vin, peu à peu iusques à ce qu'il surnage de trois doigts, & le laissez vne heure au froid: puis le mettez sur le sable faisant boüillir lentement, iusques à ce que l'esprit soit bien coloré: faut separer & en remettre d'autre iusques qu'ayez tiré toute la teincture. Apres retirez l'esprit de vin par distillation, & la teincture demeurera au fôds du vaisseau rouge comme sang, & d'une odeur tres-suaue.

La doze est de cinq six, à huit gouttes dans du vin blanc, ou boüillons aperitifs pour chasser par les vrines les reliquats de la verolle, & autres maladies inuecterées. Cest aussi le souuerain remede pour la melancholie hypocondriaque, resoult toutes sortes d'obstructions, & tient tousiours le ventre lasche à ceux qui en vsent.

Sa doze & vertus.

*Precipité de Cinabre Diaphoretique
& Cathartique.*

Pr. Cinabre vulgaire ℥j. Sel pre-
M ij

Façon de
rendre le
precipité
de Cinabre
Diaphore-
tique.

paré zij. broyez ensemble, puis les met-
tez en vn matras, versant dessus ziiij.
huile de Souphre faict par la Campa-
ne, mettez digerer aux cendres l'espace
de 3. iours: finalement faictes euapo-
rer toute l'humidité à feu violent au
sable, coobant par trois fois, & au fonds
restera vne masse blanche, laquelle dul-
cifierez par reïterées ablutions.

Sa doze, &
vertus.

La doze de six grains, purge par les
sueurs; & dix grains purgent par le bas.
Il est tres-propre principalement aux
maladies veneriennes, donné pendant
quelques iours avec conserue de roses,
ou 3. ou quatre onces de la premiere
decoction de felsepareille.

*Precipité tres-excellent de Mercure,
sur tous ceux qu'on sçauoit des-
crire: & notamment pour la ve-
rolle: On l'appelle d'ordinaire
Turbith Mineral.*

Precipité
admirable
de Mercu-
re, dict Tur-

Pr. Mercure purifié ziiij. versez
dessus huile de Souphre rectifié zviij.
laissez digerer deux iours au sable, puis

distillez par la retorte le coobant par ^{bith Mine.}
trois fois, sur la fin donnez feu violent ^{ral.}
en sorte que la retorte rougisse, puis
tirez la masse blanche, broyez-là, & la
lauez plusieurs fois en eau chaude di-
stilée, iusques que voyez le precipité
changer en poudre tres-jaulne, sur le-
quel enflammerez par trois fois de l'es-
prit de vin, alors son vſage ſera tres-af-
ſeuré.

La doze est, de trois ʒ. à six avec les ^{Vertus &}
extraicts purgatifs. Il est tres-souuerain ^{propietez}
pour toutes les maladies causees de la ^{du Turbith}
pourriture des humeurs: en la pleuresie, ^{Mineral.}
poison, iaunisse, verolle, galle, vlceres,
& defluxions veroliques: en reïterant
souuent la prise. Aux vlceres puants &
malins, le meslant avec les vnguent
conuenables: à la peste avec les pilules
de Ruffus. Paracelsé l'ordonne à la cu-
ratiō de la verolle avec l'Electuaire de
Succo Rosarum & Phædro, & en a gueri
tres-heureusement les pustules veroli-
ques avec l'esprit de Tartre. Aux dou-
leurs de teste on le donne avec pilules
cochees: & à celle des bras, iambes &
iointures, avec les pilules Hermoda-
tilles: il purifie le sang, en la Podagre,

& pour les fieures continuës, c'est vn secret tres-excellent & asseuré: & autres maladies desesperees.

Admirable
vertu du
Mercure.

Voyla vne partie des rares secrets & excellentes proprietes qui se tirent du Mercure, par des exactes & laborieuses preparations: non entant qu'il est ou chaud ou froid (chose de peu de consequence) ains comme estant vn esprit corps, ou vn corps esprit d'une estrange & admirable nature, qui peut dissoudre & liquifier, comme vn feu deuorant, les corps metalliques les plus solides, & les contenir en soy imperceptiblement, comme l'eau de la mer contient le Sel marin. Bref il est tel qu'un Prothee, qui prend & se transmuë en diuerses formes: la moindre partie duquel est tousiours accompagnee des mesmes qualitez que son tout. Car comme esprit volatil, le feu l'enleue, mais si hautement qu'il soit enleué, il retient neantmoins tousiours son propre corps, sans pouuoir souffrir aucune alteration ny corruption: d'autant qu'en la consistence de son corps il a parfaictement vny tous les Elemens & est homogenee ainsi que l'Or: tellement qu'il y a

par ce moyen vn grand rapport de l'un avec l'autre, s'embrassans ensemble d'une tres-estroite & parfaicte vnion, lors mesmes qu'ils sont reduits en leur essence & pureté tres-simple: l'argent-vif esprit attirant par vne vertu magnetique & incomprehensible la forme du corps parfaict, à sçauoir de l'Or pour s'incorporalizer: & l'Or corporel receuant & s'impregnant de l'essence spirituelle de l'argent-vif, pour s'en reduire en essence, & comme en la premiere matiere: *Ita vt vterque fiat & psychosomatos & somatopsycos.* C'est à dire vn esprit vny avec le corps, & vn corps vny avec l'esprit. Ce n'est pas ouurage d'un iour: mais bien il est plain de merueilles. Et c'est par ce moyen que les vrayz Philosophes font leurs grandes & vniuerselles medecines, pour la santé du corps humain, & pour la cure des maladies plus deplorables.

Le tout despend de la preparation de l'argent-vif: d'autant que n'estant preparé, ains tout crud & donné ou appliqué, ou par le dedans ou exterieurement, cest plustost vn venin qu'un remede profitable, ainsi que nous l'a-

Il y a grand rapport du Mercure avec l'Or.

Le Mercure crud est plustost venin que remede.

M iiii

Arnald.
de perfect.
lap. inuest.
cap. 3.

uons monstre cy dessus au traicté de la Verolle. Mais l'ayant quint-essencié & depuré parfaictement, en le rendant plus cristalin & transparant que le cristall mesmes, ainsi que ie fay, & que l'apprend Arnald de Villeneuve, en son liure, *De perfecta lapidis inuestigatione*, chap. 3. C'est ainsi qu'on fait vn singulier Alexipharmaque, qui purifie & chasse tous venins du corps : propre par consequent contre les pestes & verolles, estant impregné mesmement de la forme de l'esprit ou teincture de l'Or, qu'il a vertu d'attirer pour lors par vne vertu magnetique, aussi bien & promptement que l'Aimant attire le fer.

Excuse de
l'Auteur.

Ce sont des grands & sacrez mysteres, que ie ne puis esclaircir plus à plain, pour ne contreuenir à la loy expresse d'un ancien : qui contient en somme que les choses sacrées ne doiuent estre prophanées à vn chacun.

Loüable
souhait de
l'Auteur.

Or pour faire fin à cest Antidotaire, & au traicté de la verolle tout ensemble, ie desire avec vn zele tres-ar-
dent, que les Medecins, Chirurgiens, Barbiers & Apoticaire, & toutes au-

tres sortes de personnes, qui ignorent la vraye preparation & exhibition des remedes Chymiques (& notamment de ce medicament) en vsassent plus sobrement. Car combien d'hommes n'ont ils precipité à la mort par l'vsage du precipité de Mercure mal préparé, & autres medicamens Chymiques mal dispensez ? Si les remedes des maladies disoit vn ancien, sont employez par les ignorants en l'art, ils ne sont que poison. Et au rebours, si les sçauans & experimentez s'en seruent, ils seront comme la secourable main des Dieux. On tire bien l'essence du Sublimé & du Regule, les fleurs de l'Antimoine, le Turbith du Mercure, Laudanum de l'Opium : mais ce n'est pas à ceux-là qui n'ont point la cognoissance de la Medecine, ny l'experience desdits medicaments de les mettre en pratique, ou sur eux, ou sur les autres. Tant de Sauetiers, Cordonniers, Peletiers, vendeurs de burat, Bouuiers, Palefreniers, voire iusques aux As-niers s'en m'eslent. Messieurs les Magistrats, de grace vn peu l'œil sur ces affronteurs. Et vous sacrés Asclepia-

Nota B.

A quelles
personnes
doit estre
defendu
l'admini-
stration des
medica-
ments Spa-
geriques.

des, diuins germes d'Apollon. He! Le vous coniure par la Deesse que vous seruez, la guerre contre ces meurtriers. Je les appelle ainsi à bon droit: car encore que l'usage en succede vne fois ou deux heureusement, neantmoins le danger auquel ils mettent bien souuent les malades, leur donne ce sortable epitete: & ceste seule consideration en deuroit destourner aussi plusieurs autres ignorans: car la temerité & la prudence n'ont rien de commun ensemble, & la fortune ne doit estre mise par les Medecins au conseil: puis qu'o voit tous les iours que les medicamens mesmes tresbons, en la main d'un temeraire, sont comme vn cousteau en la main d'un enfant ou d'un furieux. Doncques en ceste sorte de medicaments qui sont si dangereux en leur preparation & usage, il faut bien prendre garde s'il est deuement prepare. Ce qui se cognoistra si en frottant le Mercure precipité avec de l'Or, il le fait blanchir, comme à accoustumé de faire le Mercure vulgaire par le seul attrouchement. Afin que n'ayât commis aucune faute, en la profession

Nota,

Medicaments tresbons en la main d'un ignorant, sont vn cousteau en la main d'un enfant.

Moyen de cognoistre le Mercure bien ou mal prepare.

en laquelle il a pleu à Dieu nous appeler (par nostre negligence ou ignorance) nous ayons occasion de louer le saint nom d'iceluy par Pseaumes, Cantiques & iubilations. Auquel Dieu, Pere, Fils & S. Esprit, soit honneur & gloire és siecles des siecles. Amen, Amen, Amen.

F I N.

Priez Dieu pour moy.



L'AUTHEVR AUX
Lecteurs.

SIXAIN.

SI vostre esprit trop uehement,
N'a contenté son iugement,
Dans les effets de ceste escole :
Au moins, j'en suis seur, auez vous
Veu, comme on combat parmy nous,
De raison non pas de parole.

Prosopopée de ce liure.

Ceux-là qui me reietteront,
Vn sacrilege commettront,
Et voulant me raurir ma gloire,
Pensent que le Ciel irrité,
Pour punir leur temerité,
Eternise ja ma memoire.

Extraict du Priuilege du Roy.

PAr grace & priuilege du Roy, il est permis à Nicolas Bourdin, Marchand Libraire en ceste ville de Paris, de faire imprimer vendre, & debiter deux liures intitulez, *La Verolle recongneüe, combattüe & abbatüe, sans suer & sans tenir chambre : Plus vn traicté des Playes faictes par les Mousquetades, &c. Par le sieur de Planis Campi Chirurgien.* Et deffences sont faites à tous Imprimeurs & Libraires de ce Royaume, & tous autres, de quelque qualité & condition qu'ils soient, d'imprimer, ou faire imprimer, ny exposer en vente lesdits liures, sans le consentement dudit Bourdin, & ce, pēdant le temps & terme de six ans, à peine de confiscation de tous les exemplaires qui se trouueront auoir esté contrefaits, & de six cens liures d'amende, & de tous despens, dommages & interests, comme plus à plain est declaré par ledit priuilege. Donnée à Paris le 17. iour de May, 1623. & de nostre regne le 14.

Signé DE BRIGARD.

Fautes suruenues en l'Impression.

Page 3. ligne 3. Bronochocelle, lisez Bron-
chocele, en la mesme pag. lig. 10. Episthoto-
nos, lisez Opisthotonos, pag. 4. l. 2. roigne,
lisez rongne. pa. 6. lig. 1. vesse, lisez vescie.
pag. 10. li. 25. Thorie, lisez Theorie. pag. 18.
lig. 4. intrisequement, lisez intrinseque-
ment. pa. 22. li. 1. pararelles, lisez paraleles.
pa. 25. li. 10. quelque, lisez quelques. pag.
32. li. 19. sort oient, lisez sortirent. pag. 41. li.
11. meslan, lisez meslant. pag. 81. li. dernie-
re, prescrit, lisez prescrits. pa. 93. li. 7. s' at-
tachent, lisez s'attache. pag. 105. lig. penul-
tiesme, vilanie, lisez vilainie. pag. 141. lig.
17. facon de penser, lisez, facon commune
de penser. pag. 143. lig. 20. faiçtes, lisez
faicte.

Ston.

Bron-
thora.

igne,
fiscie.

pag. 8.
fiscie.
del.

pag.
1. li.

me-
3. li.

per.
4. li.

omni
1. li.

1. li.

1. li.

1. li.

1. li.

1. li.

1. li.

1. li.

1. li.

1. li.

